










কবিতা

ত্রৈমাসিক পত্র

সম্পাদক : বুদ্ধদেব বসু : প্রেসমেন্স মিড : সহকারী সম্পাদক : সমর সেন

বার্ষিক সূচীপত্র

দ্বিতীয় বর্ষ : আশ্বিন, ১৩৪০—আষাঢ় ১৩৪৪

[শেষের সংখ্যা পৃষ্ঠাব্যচক]

অজিত দত্ত			
রাজা সফা,	চৈত্র,	...	৩৬
অম্বুশম গুপ্ত			
মুক্তি না মৃত্যু,	চৈত্র,	...	৩১
কামাক্ষীপ্রসাদ চট্টোপাধ্যায়			
বারনা,	চৈত্র,	...	৩৫
কিরণশঙ্কর সেনগুপ্ত			
শক্ত,	আশ্বিন,	...	৩০
দৃষ্টান্ত,	...	...	৩১
ছায়া দেবী			
অনন্ড,	আষাঢ়,	...	৩৯
জীবনানন্দ দাশ			
নগ্ন নির্জল হাত,	আশ্বিন,	...	১১
শিকার	...	...	১৪
"বলিল অখণ্ড সেই"	...	...	১৭
নদী	...	...	২০
হাজির বছর শুধু খেলা করে	...	...	২০
সিদ্ধসারস	পৌষ,	...	১৩
রাজমাথা ঘাসে	...	...	১৭
ঋতু	...	...	১৯
হরিণেরা	...	...	২০

কবিতা

জীবনানন্দ দাশ			
শ্রাবণরাত	চৈত্র,	...	২৩
বিভাল	"	...	২৫
আদ্রিম দেবতার	আষাঢ়,	...	১৭
মুহূর্ত	"	...	১৯
জ্যোতিরিন্দ্রনাথ মৈত্র			
আমার এ রাত ত ভয়	আশ্বিন,	...	২৩
গুহার গান	চৈত্র,	...	৫
জাতক	"	...	৭
সনেট	"	...	১১
শিকারী	আষাঢ়,	...	৪১
চৈত্র-চূর্ণি	"	...	৪৫
দ্বিজেন মৈত্র			
বিশ্ব	আশ্বিন,	...	৪২
একটি সূর্যাস্ত	পৌষ,	...	২৯
তাজমহল	"	...	৬০
সূর্যমুখী	আষাঢ়,	...	৩১
বাণী	"	...	৩২
নতুন কবিতা (সমালোচনা)			
আশ্বিন,	পৌষ,	...	৪০
প্রতিভা বহু			
বিশ্ব	পৌষ,	...	২৬
পরিচ্ছেদ	"	...	২৭
প্রথম গুহ্যাকুরতা			
প্রেমের উত্তর	পৌষ,	...	৪২
বিমলাঙ্গনার মুখোপাধ্যায়			
প্রতিষ্ঠা	আষাঢ়,	...	২৩
বিষ্ণু দে			
প্রার্থনা	আশ্বিন,	...	৩৫
যবাতি	পৌষ,	...	৩২
ডি, এইচ. লরেন্সের কয়েকটি অহবাস	চৈত্র,	...	১২
টপ্পা-চূর্ণি	আষাঢ়,	...	৪

কবিতা

বুদ্ধদেব বহু			
সময় নেই	আশ্বিন,	...	৪
গানের মধ্যে গান	"	...	৬
ভূমি যখন চুল খুলে দাঙ	"	...	১৩
মুখ	পৌষ,	...	৩৩
ব্রাউনিঙের অহসরণে	"	...	৩৫
নাম	"	...	৩৬
কান্তিক	"	...	৩৮
ইকনমিস্ট	চৈত্র,	...	১
এখন মুক পৃথিবীর সঙ্গে	আষাঢ়,	...	৪২
মিহিরকুমার বহু			
পাহাড়ের রহস্য	আষাঢ়,	...	২০
মোহিত দাশগুপ্ত			
আত্ম-ইতিহাস	আশ্বিন,	...	২৬
মুখনাথ			
ইন্টার ক্লাস	আশ্বিন,	...	৩৭
একটি কথা	"	...	৪০
শীতলপাটি	চৈত্র,	...	২৯
রবীন্দ্রনাথ ঠাকুর			
স্বপ্ন	আশ্বিন,	...	১
মুক্তপথে	পৌষ,	...	১
গদ্যছন্দ (প্রবন্ধ)	"	...	৪৬
স্বরূপ	আষাঢ়,	...	১
লীলাময় রায়			
চিঠি-পত্র	চৈত্র,	...	৬২
লীলাময় বহু			
বন	আষাঢ়,	...	২৭
সমর সেন			
অগ্নিবর্ষ	আশ্বিন,	...	২১
বসন্ত	"	...	২২
মরুভূমিতে মৃত্যু	পৌষ,	...	২১
বনস্তের গান	চৈত্র,	...	৩৭
অখ্যাত নায়ক	আষাঢ়,	...	৪৮

কবিতা

সম্পাদকীয় প্রবন্ধ

জি, কে, চেস্টার্টন	আখিন,	...	৫১
দুই ও তিন	"	...	৫৩
প্রকৃতির কবি	চৈত্র,	...	৩৯
নবযৌবনের কবিতা	আখাট,	...	৫১
হৃদীন্দ্রনাথ দত্ত			
বাতায়ন	আখিন,	...	৩২
সমাপ্তি	পৌষ,	...	৩৯
অকৃতজ্ঞ	চৈত্র,	...	২৬
প্রার্থনা	আখাট,	...	৩৪
স্বরেখর শর্মা			
প্রশান্তি	চৈত্র,	...	৩০
হৃদীন্দ্রনাথ ঘোষ			
মহামেট	আখাট,	...	২৯
স্বতিশেখর উপাধ্যায়			
কবিতা	আখিন,	...	৪৩
গান	"	...	৪৬
দাউই	পৌষ,	...	৪১
হেমচন্দ্র বাগচী			
গীতিগুচ্ছ	পৌষ,	...	৪
নিজেন্দ্র অলস মধ্যাহ্নের স্বপ্ন	চৈত্র,	...	১৯
নবজন্ম	আখাট,	...	১০
"স্বপ্নে হু, মায়া হু, মতিভ্রমো হু"	"	...	১২
প্রদীপ	"	...	১৪
দেবদাক ও চাঁদ	"	...	১৬

কবিতা

দ্বিতীয় বর্ষ

আখিন, ১৩৪৩

প্রথম সংখ্যা

অপ্স

রবীন্দ্রনাথ ঠাকুর

ঘন অন্ধকার রাত,

বাগলের হাওরা

এলোমেলো কাপট দিচ্ছে চারদিকে ।

মেঘ ভাকছে গুপগুপ,

ধরধর করছে দরজা,

খড়খড় করে উঠছে জানালগুলো ।

বাইরে চেয়ে দেখি

শায়-বাধা স্থপুরি নারকেলের গাছ

অস্থির হয়ে দিচ্ছে মাথা কাঁকানি ।

দূলে উঠছে কাঁঠাল গাছের ঘন ডালে

অন্ধকারের পিণ্ডগুলো

দল পাকানো প্রেতের মতো ।

রাত্তার থেকে পড়েছে আলোর রেখা

পুকুরের কোণে

শাপ খেলানো আঁকাবাঁকা ।

কবিতা

মনে পড়ছে ঐ পদটা—

“রজনী সাঙন ঘন ঘন দেয়া গরজন

...স্বপন দেখিছ হেনকালে।”

সেদিন রাধিকার ছবির পিছনে

কবির চোখের কাছে

কোন একটি মেয়ে ছিল,

ভালোবাসার ঝুঁড়িধরা তার মন,

মুখচোরা সেই মেয়ে,

চোখে কাজল-পরা,

ঘাটের থেকে নীলসাড়ি

নিংড়ে নিংড়ে চলা।

আজ এই ঝোড়ো রাত

তাকে মনে আনতে চাই,

তার সকালে তার সঁকে,

তার ভাষায়, তার ভাবনায়,

তার চোখের চাইনিচ্ছে,

তিনশো বছরের আগেকার

কবির জানা সেই বাঙালির মেয়েকে।

কবিতা

দেখতে পাইনে স্পষ্ট করে।

আজ সে পড়েছে বাদে পিছনের ছায়ায়

তারা সাড়ির আঁচল যেমন ক'রে বাঁধে

কাঁধের পরে,

খোঁপা যেমন ক'রে ঘুরিয়ে পাকায়

পিছনে নেমে-পড়া,

মুখের দিকে যেমন করে চায় স্পষ্টচোখে

তেমন ছবিটি ছিল না

সেই তিনশো বছর আগেকার কবির সামনে।

তবু—“রজনী সাঙন ঘন

...স্বপন দেখিছ হেনকালে।”—

আঁধারের রাজে এমনি ক'রেই বয়েছে সেদিন

বাদলের হাওয়া,

• মিল রয়ে গেছে

সে কালের স্বপ্নে আর একালের স্বপ্নে।

৩০ মে, ১৯৩৬

শান্তিনিকেতন

সময় নেই

বুদ্ধদেব বহু

আমি অপেক্ষা করতে পারতুম তোমার জন্ম :

তলোয়ারের মত দীর্ঘ দীপ্ত দিন ;

ভালে আর পাতার আর হাজার অদৃশ্য পাখির উপনিবেশে মন রিভ

গাছের মত রাত্রি ;

আমি অপেক্ষা করতে পারতুম স্বভূতের পর স্বভূতের আবর্তনে,

রানধন্য-রঙিন বছরগুলির চিরবুর্ধ্যমান চাকার ভিতর দিয়ে ;

স্বর্ধ্য যখন দক্ষিণে আর দিন ছোট, আমি হৃগন্ধি স্তম্ভার মধ্যে তোমার

কথা ভাবতুম ;

স্বর্ধ্য যখন উত্তরে, আমি স্বর্ধ্যাত্তের আকাশের দিকে উড়িয়ে দিতুম

আমার ভাবনাগুলি

শাধা পায়রার কাঁকের মত—

তাদের ডানার হাওয়া কবিতার ঘর।

এমনি ক'রে একদিন নিলনের সময় আসতো।

তোমার চুলের গন্ধ ছুরত মৈতুমি হাওয়ার মত আছাড় খেয়ে পড়তো বুকের উপর,

আর আমার গানের গুহন পূর্ণনার চাঁদ হ'য়ে উঠতো

তোমার চিরন্তন মুখের উপর গুহন।

কিন্তু সময় নেই।

রাতের পর রাত চাঁদ ক্রশ হ'য়ে আসে, চাঁদ ফ'য়ে যায় ; আর আমরা

আমরাও ফ'য়ে যাই প্রতিদিনের, প্রতিরাত্রির বাঁচার :

আজ কৃষ্ণপক্ষের রাত, চাঁদ দেহির ক'রে উঠবে ; অন্ধকার আকাশে

তারাগুলি বিরহের অশ্রুর মত :

কিন্তু আমি জানি একদিন পশ্চিমের আকাশে তাকিয়ে আবার দেখবো

নতুন চাঁদের জলন্ত শিখা ; চাঁদ কিয়ে আসবে ; চাঁদ আবার ভ'রে উঠবে ;

সন্ধ্যার পর সন্ধ্যা নতুন, অপক্লপ তার উল্লীলন :

কিন্তু আমরা জ'লে যাই মোমবাতির মত,

প্রাণের আগুনের ইন্দ্রন আমাদের শরীর ;

আমরা জ'লে যাই, নিবে যাই, নিঃশেষ হ'য়ে যাই,

কিছু থাকে না।

তাই এখন, সময় যখন আছে

আমি তোমাকে ভাকছি।

তোমাকে ভাকছি সমুদ্রের স্রু গলির মোড়ে দাঁড়িয়ে,

তার হৃদিক মুহুর দেয়াল দিয়ে ঠাশা। দেহির কোরো না তুমি

আর দেহির কোরো না। যত সময় আমরা নষ্ট করবো লজ্জায়

আর অভিমানে আর আত্ম-বঞ্চনায়

তার যোগ্যতা কি আছে মুহুর ? এমন উপচৌকন তাকে দেবো

মুহুর কি এত বড় বহু আমাদের ?

গানের মধ্য গান

অনেক গান আমি গাই
তোমরা তা শুনে খুশি হও :
ঘরে আলো জলে, চারদিকে মুক্ত চোখের দৃষ্টি,
গান শেষ ক'রে রানির মত আমি চ'লে যাই
জ্বতির তোরণের তলা দিয়ে।

আমার সে-সব গান তোমাদের, সকলের ; তা আমার মুখের মত
যা সবাই দেখতে পায় ; তা অলঙ্কারের মত, যা আমাকে বাঁচায় ;
তা আমাকে বড় ক'রে তোলে, রানি ক'রে তোলে আমাকে—
আমাকে ঢেকে রাখে সেই মঞ্চে।

শিশু যেমন হ'হাতে জল নিয়ে ছড়ায়, তেমনি আমি ছড়িয়ে দিই সে-সব গান ;
ছড়িয়ে দিই, তারপর ভুলে যাই ; যেমন হুমরী তার অলঙ্কার ভুলে থাকে

উৎসবের সন্ধ্যার শেষে—

তার মুক্তা আর প্রবাল আর টলটলে হীরের সব আলো—
যা দেখতে তোমরা ভালোবাসো, সে নিজে চাপা পড়ে যার আড়ালে।

বুদ্ধদেব বসু

তাই মাঝ-রাতে সে যখন যায় তার স্বামীর কাছে
কেবল নিজেকে নিচ্ছেই যায়
কেবল নিজেকে—
মুক্ত, নয়, অপরাধ, অভুলনীয় সে নিজে।

আমারও একটি গান আছে
একটি গান,
যখন আলো নিবে যায় আর রাত বাড়ে, ঘরের মধ্যে আমি একা,
তখন গুন্‌গুন্‌ ক'রে তা গাইবো,
গুন্‌গুন্‌ ক'রে, নরম, ঘুমে-ভরা, স্বপ্নে-ভরা স্বরে,
অন্ধকার ভ'রে
সমস্ত রাত্রি ভ'রে—

আর সময় ব'য়ে যাবে স্বপ্ন অদৃশ্য স্রোতে, বিখের বিদীর্ণ হৃৎপিণ্ড থেকে
ঝ'রে-পড়া রক্তবিন্দু,

আমার গালের উপর দিয়ে নেমে-আগা অশ্রুর মত।

সে-গান আমার একলার, সে-গান আমার নিজের জন্ত
আমার নিজেকে নিজে শোনানো,
সে-গান আমার নিজের সঙ্গে আমার কথা
রাত্রির অন্ধকারে, চূপে-চূপে।

কবিতা

অনেক গান আমি গাই,
তোমরা সে-সব শোনো, শুনে ভালো বলো :
কিন্তু একটি গান আছে যা তোমরা এখনো শোনোনি, কখনো শুনবে না,
তা নিশেধে উঠে আসে আমার নিভৃত অন্ধকারের উৎস থেকে
যেমন রাত্রির হৃদয় থেকে উৎসারিত তারার ঝরনা :
রাত যখন বাড়ি, চারদিকে সব চুপচাপ, তখন সেই গানের সময়।
তখন সেই স্বল্পতার কলরোলে কোথায় ভেসে যায়
আমার সব গান, যা তোমরা শুনেছো।
চেউয়ের মত তা আমাকে তুলে ধরে, আছাড় মেরে ফেলে মুছুরি
তটরেখায়,

মৃত্যুর সীমানায় :
বুক ভেঙে যায় আমার
আমি ম'রে যাই।

কার জ্ঞত সে-গান ?
আমার সে-গান কাকে শোনাবো ?
যে চায় তারই জ্ঞত ; যে চাইতে পারে
তারই জ্ঞত।

কবিতা

তোমরা, আমার গান শুনে যারা খুঁসি হ'লে
সেই গান কেউ শুনতে চাইলে না।

একদিন, একজন
কোনো একজন আসবে
তারও অন্তরে সেই নিশেধ স্বর-স্রোত
রাত্রির অন্ধকার থেকে নিঃসৃত :
রাত্রি তার বৃকের মধ্যে, আর সেখানে
আমার গানের স্বর জোনাকির সারির মত।
সে যখন কাছে আসবে, আমার সমস্ত শরীর গানের একটা চেউ হ'য়ে
উঠবে

ভেঙে পড়বে তার বৃকের উপর,
বা'রে পড়বে, নিঃশব্দে, নিঃশেষে বা'রে পড়বে—
আচ্ছন্ন ক'রে
নিশিচ্ছ ক'রে
সমস্ত বিশাল রাত্রিকে বিচূর্ণ ক'রে
ছই আঙুলের মধ্যে ঢেপে-ধরা পাকা আঙুরের মত।

ভূমি যখন চুল খুলে দাও

ভূমি যখন চুল খুলে দাও
ভয়ে আমি কাঁপি।

ভূমি যখন চুল খুলে দাও,
ভেসে আসে তোমার চুলের গন্ধ,
গুনগুন করে গান করো ভূমি,
ভয়ে আমার বুক কাঁপে।

গুনগুন করে গান করো ভূমি
আমার পাশে বসে :
তোমার মুখ দেখা যায় না,
বুকে এসে লাগে চুলের গন্ধ
ভয়ে আমার বুক কাঁপে।

তোমার মুখ কেমনো ;
তোমার কালো চুল বেয়ে পড়ে,
তোমার কালো চুল বেয়ে গঠে
আমার হৃদয় জড়িয়ে—
ভয়ে আমি মরি।

ভূমি যখন চুল খুলে দাও
ভয়ে আমি কাঁপি।

বুদ্ধদেব বহু

নগ্ন নির্জল হাত

জীবনানন্দ দাশ

আবার আকাশে অন্ধকার ঘন হয়ে উঠছে :
আলোর রহস্যময়ী সহোদরার মত
এই অন্ধকার।

যে আমাকে চিরদিন ভালোবেসেছে,
অথচ যার মুখ আমি কোনোদিন দেখিনি,
সেই নারীর মত
ফাটান আকাশে অন্ধকার নিবিড় হয়ে উঠছে।

মনে হয় কোন বিলুপ্ত নগরীর কথা
সেই নগরীর এক পুসর প্রাসাদের রূপ জাগে হৃদয়ে।

ভারত-সমুদ্রের তীরে
কিংবা ভূমধ্যসাগরের কিনারে
অথবা টায়ার সিদ্ধুর পটরে
আজ নেই, কোনো এক নগরী ছিল একদিন,
কোনো এক প্রাসাদ ছিল ;

মূল্যবান আসবাবে ভরা এক প্রাসাদ :

পারশু গালিচা, কাশ্মীরী শাল, বেরিন্ড তরঙ্গের নিটোল মুক্তাপ্রবাল,
আমার বিলুপ্ত হৃদয়, আমার মৃত চোখ, আমার বিলীন স্বপ্ন আকাঙ্ক্ষা,
আর তুমি নারী—

এইসব ছিল সেই জগতে একদিন।

অনেক কমলা রঙের রৌদ ছিল,
অনেক কাঁকাতুয়া পায়রা ছিল,
মেহগনির ছায়াধন পল্লব ছিল অনেক ;

অনেক কমলারঙের রৌদ ছিল,
অনেক কমলারঙের রৌদ ;

আর তুমি ছিলে ;
জোয়ার মুখের রূপ কত শত শতাব্দী আমি দেখিনা,
খুঁজি না।

কান্তনের অক্ষর নিয়ে আসে সেই সমুদ্রপারের কাহিনী,
অপরূপ খিলান ও গহ্বরের বেদনাময় বেগ,

লুপ্ত নাসুপাতির গন্ধ,
অজস্র হরিণ ও সিংহের ছালের ধূসর পাণ্ডুলিপি,
রামধনু রঙের কাচের জানালা,
ময়ূরের পেখমের মত রঙীন পর্দায় পর্দায়
কক্ষ ও কক্ষান্তর থেকে আরো দূর কক্ষ ও কক্ষান্তরের
কবিক অভিভূত,—
আত্মহীন শুদ্ধতা ও বিষয় !

পর্দায়, গালিচার রক্তাভ রৌদ্রের বিচ্ছুরিত বেদ,
রক্তিম গেলাসে তরমুজ মদ :
তোবার নয় নির্জন হাত ;
তোবার নয় নির্জন হাত।

শিকার

জীবনানন্দ দাশ

ভোর—

আকাশের রং ঘাসফড়িঙের দেহের মত কোমল-নীল ;
চারিদিকে পেয়ারা ও নোনার গাছ টিয়ার পালকের মত সবুজ ।
একটি তারা এখনও আকাশে রয়েছে :
পাড়াগাঁর বাসরঘরে সব চেয়ে পোখুলি-মন্দির মেয়েটির মত ;
কিন্তু মিশরের মাহবুবী তার বৃকের থেকে যে মুক্তা আমার নীল মদের

গেলাসে রেখেছি

হাছার হাজার বছর আগে একসময়ে—তেরি—
তেমি একটি তারা আকাশে জ্বলেছে এখনও ।

হিনের রাতে শরীর 'উন্' রাখবার জন্ম দেশোয়ালীরা' সারারাত মাঠে

আগুন জ্বলেছে—

মোরগছলের মত লাল আগুন ;

শুকনো অখণ্ডতা দুমড়ে এখনও আগুন জ্বলেছে তাদের ;

হৃৎকোর আলোয় তার রং হৃৎকোর মত নেই আর ;
হ'য়ে গেছে রোগা শালিখের স্বদয়ের বিবর্ণ ইচ্ছার মত ।
শকালের আলোয় টল্‌মল্‌ শিশিরে চারিদিকের বন ও আকাশ ময়ূরের
সবুজনীল ডানার মত বিলম্বিত করছে ।

ভোর ;

সারারাত চিতাবাঘিনীর হাত থেকে নিজেকে বাঁচিয়ে বাঁচিয়ে
নক্ষত্রহীন, মেহগনির মত অন্ধকারে হৃৎকোর বন থেকে অর্জনের বনে
যুগে যুগে

হৃৎকোর বাদামী হরিণ এই ভোরের জন্ম অপেক্ষা ক'রছিল ।

এসেছে সে ভোরের আলোয় নেমে ;
কচি বাতাবীলবুস মত সবুজ স্বগন্ধি ঘাস ছিঁড়ে ছিঁড়ে বাজে ;
নদীর তীক্ষ্ণ শীতল চেউয়ে সে নামল—
ঘুমহীন ক্লান্ত বিবল শরীবুটাকে হেরেতার মত একটা আবেগ দেওয়ার

জন্ম

অন্ধকারের হিম কৃষ্ণিত জরায়ু ছিঁড়ে ভোরের রৌদ্রের মত একটা বিস্তীর্ণ

উল্লাস পাবার জন্ম ;

এই নীল আকাশের নীচে হৃৎকোর সোনার বর্ষার মত জেগে উঠে
সাহসে সাধে সৌন্দর্য্যে হরিণীর পর হরিণীকে চমক লাগিয়ে দেবার জন্ম ।

একটা অদ্ভুত শব্দ।

নদীর জল মহাকাঙ্ক্ষের পাপড়ির মত লাল।

আগুন জ্বলল আবার,—উষ্ণ লাল হরিণের মাংস তৈরি হ'য়ে এল।

মক্ষের নীচে ঘাসের বিছানায় বসে অনেক পুরানো শিশিরভেজা গল্প;

নিগারের টের ধোয়া;

টেরিকাটা কয়েকটা মানুষের মাথা;

এলোমেলো কয়েকটা বন্দক,—হিম—নিঃস্পন্দ নিরপরাধ ঘুম।

‘বলিল অশ্বথ সেই’

জীবনানন্দ দাশ

বলিল অশ্বথ ধীরে : কোন্ দিকে যাবে বল—তোমরা কোথায় যেতে

চাও ?

একদিন পাশাপাশি ছিলে আহা, ছিলে কত কাছে ;

মান খোঁজো ঘরগুলো আজো। তো দাঁড়ায়ে তারা আছে ;

এই সব গৃহ মাঠ ছেড়ে দিয়ে কোন্ দিকে কোন্ পথে কের

তোমরা যেতেছ চলে পাইনাক’ টের !

বোঁচকা বেঁধেছ টের,—ভোল নাই ভাঙা বাটি ফুটা ঘটিটাও ;

আবার কোথায় যেতে চাও ?

পঞ্চাশ বছরও হয় হয়নি ক’,—এই তো সেদিন

তোমাদের পিতামহ, বাবা, ঝুঁড়ে, ছোটামহাশয়

আজো আহা, তাহাদের কথা মনে হয় !—

এখানে মাঠের পারে জমি কিনে খোঁজো ঘর তুলে

এই দেশে এই পথে এই সব ঘাস ধান নিম জামরুলে

জীবনের ক্রান্তি স্বেদা আকাজ্জক বেনদার শুয়েছিল স্বপ্ন ;

দাঁড়ায়ে দাঁড়ায়ে সব বেখেছি যে,—মনে হয় যেন সেই দিন !

এখানে তোমরা তবু থাকিবে না যাবে চলে তবে কোন্ পথে ?
সেই পথে আরো শান্তি—আরো বৃষ্টি সাধ ?
আরো বৃষ্টি জীবনের গভীর আশ্বাস ?
তোমরা সেখানে গিয়ে তাই বৃষ্টি বেঁধে রবে আকাজক্ষার ঘর !...
যেখানেই যাও চলে হয় নাক' জীবনের কোনো রূপান্তর ;
এক ক্ষুধা এক স্বপ্ন এক ব্যথা বিচ্ছেদের কাহিনী দুসর
মান চলে দেখা দেবে যেখানেই বাধ গিয়ে আকাজক্ষার ঘর !
বলিল অশ্বখ সেই ন'ড়ে ন'ড়ে অন্ধকারে মাথার উপর ।

নদী

জীবনানন্দ দাশ

বইটির যোগ শুধু—শাইবাবলার বাড়ি—আর জাম হিজলের বন,—
কোথাও অর্জুন গাছ—তাহার সমস্ত ছায়া এদের নিকটে টেনে নিয়ে
কোন্ কথা সারাদিন কহিতেছে অই নদী ?—এ নদী কে ?—ইহার জীবন
হ্রদয়ে চমক আনে ;—যেখানে মাহুব নাই—নদী শুধু—সেইখানে গিয়ে
শব্দ শুনি তাই আমি,—আমি শুনি—হৃৎপূরের জলপিপি শুনেছে এমন
এই শব্দ কত দিন ;—আমিও শুনেছি ঢের বটের পাতার পথ দিয়ে
হেঁটে যেতে—ব্যথা পেয়ে ; হৃৎপূরে জলের গন্ধে একবার স্তব্ধ হয় মন ;
মনে হয় কোন্ শিশু ম'রে গেছে,—আমারি হ্রদয় যেন ছিল শিশু সেই ;
আলো আর আকাশের থেকে নদী যতখানি আশা করে—আমিও তেমন
একদিন করিনি কি ? শুধু একদিন তবু ? কাঁদা এসে ব'লে গেল,
'নেই—
গাছ নেই—রোদ নেই—মেঘ নেই—তারা নেই—আকাশ তোমার
তরে নয় !'—
হাজার বছর ধ'রে নদী তবু পায় কেন এই সব ? শিশুর প্রাণেই
নদী কেন বেঁচে থাকে ?—একদিন এই নদী শব্দ ক'রে হ্রদয়ে বিস্ময়
আনিতে পারে না আর ;—মাছুষের মন থেকে নদীরা হারায়,—শেষ হয় ।

হাজার বছর শুধু খেলা করে

জীবনানন্দ দাশ

হাজার বছর শুধু খেলা করে অন্ধকারে জোনাকীর মত :

চারিদিকে পিরামিড,—কাকনের আগ ;

বালির উপরে জ্যোৎস্না,—খেজুর-ছায়ারা ইতস্তত

বিচূর্ণ খানের মত : এশিরিয় ;—দাঁড়ায়ে র'য়েছে মৃত, মান।

শরীরে মমির আগ আমাদের,—যুঁটে গেছে জীবনের সব লেনদেন ;

'মনে আছে ?' স্থাল সে—স্থালাম আমি শুধু, 'বনলতা সেন ?'

অগ্নিবর্ণ

সমর সেন

রাজির দিগন্তে ঘুরে কেরে

আদিম জন্তুর মতো বিরাট মেঘ ;

সে মেঘে পাহাড় আর আকাশ হলো ধূসর গভীর,

আর এতোদিন পরে আজ মৃত্যু কি এলো,

হে অগ্নিবর্ণ !

নির্জন গুহায় নিবিড়, নিখিল প্রেম,

ভিলে ফুলের মতো নত কীর নয়ন শরীর,

প্রতীক্ষায় কপ্তমান কতো ক্ষীণ উজ্জল বুক,

তবু আজ মৃত্যু এলো আঘাতের মেঘের মতো,

হে অগ্নিবর্ণ !

বসন্ত

পাইন বনে মর্মর ধ্বনি,
এখনি শব্দ্য নামবে দিগন্তে
লাল মেঘের বজ্রাঘ;
তারপর রাজি ভ'রে জ্যাকিক পুলিশের নিঃসঙ্গতা,
আর রাজির অরণ্যে
কতো পুরোনো স্থতির ভীত সাপ।

আমাদের রক্তে আঁধ
কতো পুরোনো স্থতির বিবাক্ত সাপ,
বিগত কতো বসন্তের উপবাসী
বিশাল অন্ধগর;
আর আমাদের উপরে আঁধ উজ্জল অপক্লপ আঁকাশ,
সামনে লাল পাথরের মিত্র পথ,
দূরে মেঘের ছায়া পড়ল সবুজ, গম্ভীর পাহাড়ে।

আমার এ রাত ত ভ্রমর

জ্যোতিরিন্দ্রনাথ শৈল

১

আমার এ রাত ত ভ্রমর।
বৃত্ত্যাহত অন্ধকার
মধুগর্ভ হল তার
কামনার ভাঙে।
হুস্ত্রেক্ষ চোখের আলো নিবাণ ভ্রমর।
তারাদের বিন্দু বিন্দু প্রেমের আভাস
ভরেছে আকাশ।
জীবনের সৌরক্ষণ্ডলি,
কী হুস্ত্রেক্ষ চোখ!
তোমার ও গুঞ্জনের ধূলি
চাঁকুক তাদের
মেঘাক্রান্ত ক্লম্পক নিভাক সে লোক।

২

অহবীক্ষণই যদি
মেনে দাও চোখে,
অতীতের ক্ষীণ প্রাপ্ত
যদি দেয় ধরা
নিষ্পত্ত শীতের যুগে
পাতার ককাল হবে সাথী ।
তবু এ জাতির পরিণয়
ফোটাবে কি ফুল—
ধরাবে কি ফল ?
জীবনের পশ্চিমে প্রদোষ
উড়াবে ক্রান্তির ধূলি
ছায়া হবে দীর্ঘতর
জন্মলোক পানে ।

৩

পশ্চিমের রৌদ্রচূর্ণে
ছিদ্র ভিন্ন রাতের সাগর,
প্রজ্ঞা-শিখরে নামে জোড় ।

বরষা মাছুষ ঘরে স্বরণের চাপে
সুধার্ত্ত সে স্বরণ-বাগদ ।
উজ্জ্বল প্রকৃতির অসংখ্য শিকড়
অকাশের করে খাসরোধ ।
তবু আসে রৌদ্রচূর্ণ-সোনালী বিকাল
আর আসে স্বপ্নহুস্ত-প্রলাপী নায়ক ।
আছে দেবী কত দিন—
আর দেবী কত দূর প্রয়াণের বৈতরণী তীর ?
নাট্যকের স্বীকৃতির ফাঁক আজো নীল
নুসিংহ-নখর বহুদূরে ।

আত্ম-ইতিহাস

আমার ভাবনা-রাশি
তাকে স্পর্শ করচে—
প্রতি মুহূর্তে
আমার মন থেকে যে-ভাবনা স্রোত ছুটে চলেচে
দিকে দিকে,
সময় ও স্থানের শূন্যতাকে
উল্লেখন করে,
আর বহু জিনিষ ও ঘটনার সঙ্গে
চিস্তার অসংখ্য সূত্রে
আমাকে যুক্ত করচে,
তারই মাঝে ওর অস্তিত্ব
নিবিড়ভাবে
আমাকে স্পর্শ করে।

মোহিত দাশগুপ্ত

বেহালার তার থেকে সুরের ফুলকী ক্ষণে ক্ষণে
বেদন চারিপাশে আকাশে ওড়ে
আর ঝলমল করে
তেমনি ভাবনার গ্রন্থিগুলো
হঠাৎ কেমন কাঁপতে থাকে ;
আর
তা থেকে ছিটকে পড়ে
অতীতের মুহূর্তগুলো,
মুক্তি পায় আমাদের আত্মার প্রেতদল
বিশ্বতির বন্ধন থেকে ;
ফণিকের আলোকসম্পাতে পাঠ করি—
অতীতের অন্ধকারে প্রচ্ছন্ন
আত্ম-ইতিহাস।

বহুগুণ আগের অ্যানুপপদেও থেকে
আধুনিক মাহুকের মাঝেকার
অসংখ্য জীব-স্তরে
যে-ভাবনা আমাদের ব্যর্থ হ'ল,

দে-অনন্দ

অসহ অহুতিতে স্পন্দিত হয়েছিল

চাঁদের মত

বুদ্ধির বহু উর্ধ্বে,

দে-রহস্ত আমাদের মনকে

উঘেলিত করেছে

বেদনায় ও বিশ্বয়ে—

কালের সীমাহীন আকাশে

হঠাৎ দেখতে পাই

তাদের সমারোহ চলেচে

আমাদের সত্তাকে বেঁটন ক'রে।

আমার ভাবনায়-ভাবনায়

তাদের প্রতিচ্ছবি ভেসে ওঠে—

এক মুহূর্ত :

তারপর কোথায় সব অদৃশ্য, নিশ্চিহ্ন হয়ে গেল,

অজ্ঞতা ও অবোধতা

যিরে কেল আমরা।

আবার

গুধু নির্মীক বেদনায়

বুঝতে পারি

তারই সঙ্গে আমি বীধা,

যুগ-যুগ থেকে :

কিন্তু কোথায় সে বন্দন-রজ্জু

যা ধ'রে আমরা

ছ'ছনা ছ'ছনার

কাছে এগিয়ে যেতে পারি ?

অন্ধকারের যোজন-ব্যাপী শিকল ঝুলচে আমাদের মাঝে।

শত্রু

কিরণশঙ্কর সেনগুপ্ত

সে বছরের সেরা ছাত্র মহীতোষ রায়

শত্রু হ'লো সেদিন থেকে :

আমার শোভনাকে ছিনিয়ে নেবার দিন ।

ছাড়ে কাটতো গরমের সন্ধ্যা, আর

পড়ার ঘরে বর্ষার বেলা,

তখন মহীতোষ তো ছিলো বন্ধুমাত্র ।

আমাকে আর শান্তি দেবে না মহীতোষ :

বিদেশে আছি, তার মারা বাবার

কী দরকার ছিলো ? আমার নিখাস তার

ক্ষতি করেনি তো কোনো ।

হঠাৎ ব্যথা অহুভব করলুম বুকে—

শীতের দেশে বরফের রাতা দিয়ে

হেঁটে যাওয়ার মতো :

এতোদিন শত্রু ছিলো শুধু মহীতোষ

এখন শোভনাও তো ।

দৃষ্টান্ত

কিরণশঙ্কর সেনগুপ্ত

দেয়ালের কোটরে

আমার টেবিলের মাথার উপর

কয়েকটা চড্ডাই বেঁধেছে বাসা ।

কাজ করা অসম্ভব :

তাদের শীর্ণ কিচকিচ শব্দ

ভালো লাগে, অথচ ভালো নয় ।

স্বর্গ আমার অবস্থা বোঝে নাকি ?

ভেঙে দিতে চায়

পাখীদের বাসাটা ;

হাতে ধ'রে আস্তে বাধা দিই তাকে,

এরা তো আমাদের দৃষ্টান্ত ।

বাতায়ন

সুধীশ্রনাথ দত্ত

মৃতকল্প প্রবঞ্চক বকধর্মে সহসা বিরূপ,
আতুরালয়ের যন্ত্রে অজ্ঞি তার বিরমিষা জাগে;
ভিত্তিপাল বিগ্রহের নিরাগ্রহ, অনিরীক্ষা ধূপ
বিমূখ করেছে তারে, অন্তরাত্মা ভরেছে বিরাগে ॥

দীর্ঘমাণ অস্থি-মল্ল, স্নিগ্ধমাণ মেঘ-মাংস বহি
স্বর্ণপ্রভ জ্বালাল কারুক্ষেপে সে এসে দাঁড়ায়,
কাচের কবাটে বেথা বাধা পেয়ে সবিতা বিরহী
প্রস্তরিত রাগপথে পদচিহ্ন একে চ'লে যায় ॥

গৃধ্র নীলাকাশম অরদম্ব ওষ্ঠাধরে তাই
স্লেদের কলরু লেপে ফটিকের রুদ্ধ বাতায়নে,
সে ভাবে দুয়ারী প্রিয়া আজো মুখি তারে ফুলে নাই,
সে-প্রাক্তন মধুকোব মুগরিবে তাহারি চুখনে ॥

মদাবিল মন তার ভবিতব্য অমনি পাশেরে—
অস্বাস্থ্য, অশঙ্ক আর্তি, কাগক্ষেপ, আরতির ঘৃত ।
দেখে সে উগাও চোখে নগরের রক্তিত শিখরে
ছিন্নকণ্ঠ সায়স্বেদে রক্তস্রোত ছুটে অব্যাহিত ॥

চাহে সে দিগন্ততটে, স্বরভির নীলারণ্য নদে
সোনার ময়ূরপঙ্খী হস্ত বেথা রাজহংসসম ।
উর্ধ্বল বেপথু লাগে মাঝে মাঝে সে-বন্ধ সম্পদে;
স্বতির প্রদান পেয়ে অবদান হয় নিরুপম ॥

আমিও তেমনিভর জুগুপ্সায় সংসার-বিবাসী
হৃথের নিস্ত্রাণ পক্ষে হৃদ্বিহুতি করি না সন্ধান ।
তুচ্ছজীবী সন্তানের অন্নজীবী জননীর লাগি
সে-মলার সঙ্করনে আমি আর নহি সাধবান ॥

আমিও পলায়ে বীতি; সেইমতো জীবনবিমূখ
আমিও তাকায় থাকি নির্নিমেখে কাচের কবাটে;
স্বর্ণ শিশিরসিক্ত উষ্মীর অমলিন মৃৎ
আমাকেও ভাক দেয় অদীমের অর্গলিত বাটে ॥

সে-মাঝমূহুরে আমি ইচ্ছামৃত্যু, স্বয়ম্ দেবতা,
রূপদক্ষ বিশ্বকর্মা, অরূপের সহজ সাধক ;
নিখিল স্বর্গের কুঞ্জে প্রস্ফুটিত মোর কল্পনতা ;
অধ্যাত্মের অভিযোকে আমি সেখা সর্বসম্পাদক ॥

কিন্তু মোহ মূহুর্তের ! মর্ত্যই বিজয়ী হয় শেষে :
এ-নিশ্চিত আশ্রয়েও পশে আসি সংক্রমণ তার,
অন্তরে বিতৃষ্ণা জাগে, নীলিমার শুক নিকন্দে
পূজ হয় সংসারের পাশবিক দুর্গন্ধ উদ্গার ॥

হায় রে সমুদ্র আত্মা, উদ্ধারের এই কি উপায়—
পিশাচের অঙ্গদমে দৈবী মায়া অন্ধ রোষে হান্য,
কালের অগাধ রক্তে স্থানে থাক। ত্রিশস্থর প্রায়,
শূঁতে উজাবন করা বিতারিয়া পর্ণহীন ভান্না ?

(Stéphane Mallarmé-র Les Fenêtres কবিতার অর্থবাদ)

প্রার্থনা

বিষয় দে

পাখীর আবেগ জাগাবে শরীর মনে ?
পাখার ঝাপট দিনরাত যাব শুনে ?
পাখার ছন্দ ফুলয়ের দেবে বেঁধে
হর্ববিহারে দূরদিগন্তকোণে ?

নগরের ভিড়, বার্ষ দিনের জালা !
অসহায় ভীক ? শুধু তার পথে চলা ?
বন্ধুর জ্র-ও কুটিল—রণের ভীতি ?
অগণন লোক—তবু জ্বা, শুধু জ্বা !

গ্রন্থলোকের পরিক্রমা তো শেষ !
শিল্পীজনের মিতালিতে দিই শিখ !
নিঃসঙ্গতা যুগোমুখি অপলক !
দৃষ্টিশে ঘনায় রাস্তির মেঘাবেশ ।

দিশাহারা চোখ, চরণ শান্তিহীন—
হিতি চাই নে কো,
যুগ্ম নয় ওগো স্তেন !

উর্দ্ধলোকের উদ্ধতগতি দাও
তুমারত্ব চূড়ায় চূড়ায় ঘোরা
ষষ্ঠশীতল হালুকা হাওয়ায় ঘোরা !
কাটুক আমার স্বাভাবিক স্নেহবন্ধনী দিন ।

হে মেকচারিণী তোমার চোখের নীল
ইস্পাতে আজ বালসি' উঠুক
কঠিন দীর্ঘ থলোভিত দিন
উর্দ্ধলোকের উদ্ধতগতি চরণে শান্তিহীন ।

ইন্টার ক্লাস

যুবনাথ

ছাড়লো গাড়ী জদিতি স্টেশন থেকে ।
বাক্স, বোচকা, প্রসার ও পেঁড়ার পুটলী,
ও 'পাসের' দাত্রী সপরিবার মালবাবু, তারবাবু
ও টালিবাবু বে-পরোয়া গার্হস্থ্য-বিস্তার অতিক্রম করে
কোনোমতে ঠাই নিলেম দুজনে,
ইন্টার ক্লাসের অপরিচয় অভ্যন্তরে ।

লাল কতাপাড়ের হাফ-বোমটা সরিয়ে
মাল-বোদি উত্যক্ত বিরক্তিতে গুঁজলেন গালে
দোক্তা-পানের খিলি ।
টালি-বোঠান,
ঝালরদার বালিশের তৈলাক্ত আলিঙ্গন-লিপ্ত
নবম ও কনিষ্ঠ সন্তানের নয় গাজে
দিলেন টেনে কাঁথার কোণা ।
তারবাবু হঠাৎ উঠে প্রাণান্ত কানির বেগ রোধ করে,
টুকলেন দেশালান্নাই আধপোড়া বিড়ির প্রান্তে ।

মুখ চাওয়া-চাওয়া ক'রে
 তুমি বসলে বেফির একধারে,
 আমি মেঝের।
 সন্ধ্যা তখন গড়িয়ে যায়।
 সন্ধ্যা তখন গড়িয়ে যায়
 মহা বনের পার দিয়ে,
 ফুটন্ত পলাশরাগে আগুন-লাগা দিগন্ত বেয়ে।
 জানালা দিয়ে চোখে পড়ে
 চবা, কন্ড ফেতের গোলকর্ধাঙ্গী,
 আর পলায়মান পাহাড়ের সার,—
 আসন্ন অন্ধকারের আবির্ভাবে ভীত।

অচঞ্চল আকাশের নরম নীল
 গড়িতর হ'য়ে ওঠে রাত্রির অঞ্চল-সঞ্চালনে। '
 হাজারো তারার মিছিল চলে সার বেঁধে মাথার ওপর,
 ভেতরে চলে রেলবারবন্দের অব্যাহত শান্তিগর্ভ,
 যুগ্মমান ছলোক চলে সাথে-সাথে
 লগঞ্জনে ছুটে চলে রেলগাড়ী।

দীরে, তোমার মাথা ঢ'লে পড়ে জানালার কাছে ;
 যুন্মের কৃষ্ণ আনত বিষণ্ণ মুখে অনে ষপ্পের সম্মোহ।
 প্রশাদ-খলিত নাসাগ্রে
 অর্ধসুট ওঠ-প্রান্তে
 ক্লান্ত চোখের কোল বেয়ে জাগে অতৃপ্তির রেখা।
 সে কি আত্মবঞ্চনার ?
 তোমার মরণমাসে জাগে কিসের কোলাহল ?
 তুমি শিউরে ওঠা!

আমার বুকের দুক্কহুকে
 জাগে
 দুঃসহ দুঃত দুঃশার দুঃষপ।
 প্রতি পেশীতে প্রাকৃত পাশব প্ররোচন।
 ধমনীতে জলে তপ্ত রক্তের প্রবাহ।

জাগে মহাকাশ,
 যেমন জেগেছিল অহল্যাসক্ত বাসবের
 বিলাস-বিজ্ঞানের মুহূর্তে।

আর জাগে
 নিদ্রিত তারাবাবুর ফটকনিশ্চিত নকল চোখটি
 বীভৎস কপট কৌতুহলে।

একটি কথা

সুবর্ণাধ

কতোদিন গিয়েছি তোমার কাছে

একটি কথা বলব ব'লে।

কথার ওপর কথা গেঁথে

কতো হাজার কথা ব'লে এলাম,

কিন্তু সেই একটি কথা বলা হোলো না।

কথার বনে হারিয়ে গেলো আমার প্রাণের কথা,

ঝুঁজে-ঝুঁজে খেইহারা পাগলের মতো ঘোরা

আজো শেষ হয়নি।

দিনের দাবদাহ

নিভে গেল কতো সন্ধ্যার শোণিতাঞ্জলিতে।

জ্বালাতনময়শেষ

প্রাত্যহিক প্রকাশে পরিসমাপ্ত হোলো

কতো রাত্রির প্রেতাতংসব।

মৌরচক্কারী কতো লক্ষ গ্রহনক্ষত্রের

কক্ষচ্যুত বিশৃঙ্খলা

নিঃশেষ হোলো আত্মঘাতী উদ্ধাপাতে।

কতো প্রাণস্পন্দ পরম পায়ণে পর্যাবসিত হোলো চন্দ্রলোকে।

বহুধরাকে বেটন ক'রে কণ্ঠালাঙ্ঘিত অধুঁষি

আছড়ে পড়লো শতধা আকৃতিতে,—

মেঘমৌলী মৌনী হিমাত্রির সমাধিসর্ব্বময় ময়-মানস

রইলো নিষিকল্প, নিষিকার।

অব্যক্তের অব্যয় আবাসে

কথা আমার আজো রইলো অহুচ্চারিত।

কথার ওপর কথা গাঁথা

তাই আজো শেষ হোলো না।

বিশ্রাম

দ্বিজেন্দ্র মৈত্র

সন্ধ্যার অন্ধকার ঘনিষে এল বস্ত্রার শ্রোতোর মতো,
উড়ে এলো নিঃশব্দে বাতুড়ের পাখা-সঞ্চালনের মতো,
ধূসর আকাশে ধীরে ধীরে ফুটে উঠে তারা
যেন আখার নদীতে যাত্রীবাহী নৌকার আলোর শিখা।
করবীর বাড়ি থেকে বাতাস আসে কেপে-কেপে
ভীষণ রজনীগন্ধার মুহুগন্ধ জড়িয়ে আছে রাতের অন্ধকারে।

গুণু ভূমি আর আমি, আমি পাশাপাশি এই আকাশের তলে
চাঁদ এখনো ওঠেনি, পূর্ব আকাশে তার হলুদ রঙের আভা।

আমরা বেঁচে আছি, রয়েছি পাশাপাশি
তোমার চোখে দেখি ভোরের সুপ্ন ঐক্য।

আমরা আছি, এর চেয়ে আনন্দের বিশ্ব আর কী হতে পারে ?
এ রহস্তের কুলনীমা নেই, ভাবাহীন অনির্বচনীয়।

কবিতা

শ্রুতিশেখর উপাধ্যায়

ছানিয়ায় কত রকমেরই পাগল থাকে।

এলুম নতুন ভাড়াটে বাড়ীতে :

প্রতিবেশী একজন অবসর-প্রাপ্ত হাকিম।

তার বাড়ীর ছাদ আমার ছাদেরই পাশে,

মাঝে লুক্ক একটা গলি।

বুড়োর পাকা দাড়ি,

হাসি হাসি মুখ, স্বস্তি সুরল শরীর।

বিকেলবেলা দেখি ছাদে ঝাড়িয়ে ঘুড়ি উড়োকে !

আমার চক্ষু ত ছানাবড়া,—বিশ্ময়ে।

গুনলুম ভদ্রলোকটি বিপরীক বহুবৎসর।

রোজ ঘুড়িতে কত কি ছাইভাষা লিখে আকাশে উড়োন।

নাটাই—এর স্বভাব যখন ফুরোয়

স্বভাব প্রাস্তভাগটি হাতে নিয়ে ঘুড়িটা অনেকদূর খেলান।

নভচর কখনও হির হয়ে থাকে,
কখনো বা একটা দীর্ঘ বৃত্তপথে ঘোরে ।
ক্রমে সন্ধ্যার অন্ধকার যখন ঘনিয়ে আসে
সেই রত্ন পড়ে ঘল্লা ঘুড়ি,
গুরু গগনবিহারী লিপিকণ্ড,
ধীরে ধীরে যখন শুভ্র নিশে যায়,
তখন তিনি হতোটা দেন ছেড়ে ।
চাঁউসটা কোথায় উড়াও হয়,
বোধ করি কোনো অচিন নক্ষত্রলোকে ।

প্রত্যহই তাঁর এই বেলা ।
লোকটির আর কোনো উপস্রবের বালাই নাই ।
অনেক রকম পাগুলামি দেখেছি, গল্পও শুনেছি ।
কিন্তু এই অশ্রুতপূর্ণ বাতুলতার নর্থলীলা
দেখলাম অবাধ হয়ে স্বচক্ষে ।

পাড়ার লোকে বলে, ঘুড়িতে তিনি লেখেন কবিতা,
বিদেহিনী প্রেমদীর উদ্দেশে ।
ভোঁ-সারা ঘুড়ির লক যখন লুটিয়ে ভেসে যায়
অত্যাচর বাড়ির গায়ের উপর দিয়ে,
তখন পাড়ার ছোঁড়াবা সেই উদ্ভূত খণ্ডকাব্যের টুকরাটিকে
টেনে নামিয়েছে তার নিঃশব্দ যাত্রাপথ থেকে ।
বেনামিতে মাসিকপত্রে ছাপিয়েছে,
অপিচ, দিবিয়া লাল পেন্সিলের দাগা দিয়ে
তাঁর কাছে বিনা মাপুলে ভাকে পাঠিয়েছে,
মায়া, প্রভাত্তর সহ ।

বৃত্তান্ত শুনে আমি হেসে ওদের বল্লাম,
অত্যাচর কবিদের সঙ্গে বেচারির পার্থক্য কেবল
প্রণয়-নিবেদনের উজ্জীর্ণমান পদ্ধতিতে ।
যাদের ভাবো নিজস্ব,
তাঁরা নিজের নাম সহ করে
মাসিক পাকিকে পাঠায় ছন্দোবদ্ধ উদ্ভাষনা,
কিধা গাঁঠের পয়সা খরচ করে ছাপায়
শিশি-বোতল বিক্রিওয়ালায় বস্তার খোরাক ।

গান

স্বভিশেষখর উপাখ্য

তোমার মুখে সেদিন একটা পুরানো গান শুন্লাম ।

অনেকের মুখেই শুনেছি সে গান ।

ভালমন্দ গলায় তার নানান মৃতি দেখেছি ।

সেদিন তার অভিনব রূপ ফুটল তোমার কণ্ঠস্বরে ।

যেদের বিয়ে হ'লে পৈত্রিক পদবী বদলে যায়,

তারা পায় স্বামীর গোত্র নাম ।

গানগুলিও বুঝি স্ত্রীজাতীয়

তাদের রচয়িতার পরিচয় চাপা পড়ে

গায়কের স্বরাভিধায় ।

হাঁকোর নৃত্যে মালা কলকে বদলে গেল

স্বরের ধুমজ্বালে ।

মনে হ'ল কথাগুলো বোবা, ‘

তাদের বাগী ফুটল তোমার অহুপ্রাণনায় ।

এক বোটার এত ফুলও ফোটে

ইন্দ্রজালিকার ভেলকিতে !

হায় গায়িকা !

কথাগুলো যে মরা বোড়ে,

তোমার চালে তারা হল নশ্বকুশলী ।

তারিক্, কব্দুম বটে,

কিন্তু কেমন করে অপরকে বোঝাই

কী আছে তোমার গানে ।

কি ক'রে প্রত্যাক করাব সেই ইন্দ্রজাল

বা শুধু একান্ত তোমার ।

পশ্চিমের পাহাড়ে নদী,

ঝিঝিধু করছে তার কীণ জলধারা,

ধু ধু করছে বালি আর বড় বড় পাথরের টুকরো ।

একবার দেখো তাকে নববর্ষার উদ্গাদনায় !

তোমার গান সেই কেনোচ্ছল মৃত্যুধারা,

তরঙ্গে তরঙ্গে কবরিত কথার বালুকা বিখার,

পাথরের পাথরে উদ্বেলিত সংঘাতমর্মর ।

এই তো গান !

প্রাণবস্তা ছুটে যায় উপলে-উপলে নৃণর বাজিয়ে ।

নতুন কবিতা

পত্রপুট—রবীন্দ্রনাথ ঠাকুর। বিখ্যাত, একটাকা।

রবীন্দ্রনাথের সাম্প্রতিক কাব্য জন্মশই যেন তত্ত্ব ও জ্ঞানে গঠিত হয়ে আসছে। 'পুনশ্চ'র গল্প কবিতাগুলোয় ছিলো লিরিকের অঙ্গ লীলা; 'পরিশেষ'র নাটকীয় কবিতাগুলোয় ছিলো মাহুষের মনের উপর বিদ্যুৎ-তীক্ষ্ণ কটাক্ষপাত। এবং উভয় গ্রন্থেরই রচনাভঙ্গি রোঁকটা ছিলো সরলতার দিকে। 'পরিশেষ'র পদ্ম একেবারে গঞ্জে ছাচে ঢালা; 'পুনশ্চ'র ভূমিকায় গল্প ছন্দ সঞ্চে যে ছ'একটি নিয়ম তিনি উল্লেখ করেছিলেন, পড়ের উপরে তা প্রয়োগ করলে কেমন হয় সেই পরীক্ষাই তিনি করেছিলেন 'পরিশেষে'। তার ফলে বাঙলা গঞ্জে নতুন একটি ছাঁচ আমরা পেয়েছি, তা আরো বিচিত্র ব্যবহারে প্রয়োগ করছে।

'শেষ সপ্তক'রই রচনাগুলো তবুমুখী, কবির গভীর ও জটিল চিন্তা-প্রবৃত্তি। 'বীথিকা'তেও লক্ষ্য করেছি, যে-কবিতাগুলো নেহাৎই হালকা নয়, তাদের রোঁকটা ঐ দিকে। জীবনের অহুত্বের কথা নয়, অসংখ্য বিচিত্র অহুত্বের অন্তরালে যদি কোনো অপরিবর্তনীয় ছিন্নিরীক্ষণ গভীর থাকে, এ-সমস্ত রচনার তারই যেন সন্ধান। 'পত্রপুট'র কবিতাগুলো বিশেষ করেই এই ধরনের। কবিতার যে-দিকটা রহস্যের, যে-দিকটা চকিত অভাবনীতির আলোয় দীপ্ত, এই ধরনের ক্ষমায় সেটা অপ্রাসঙ্গিক। দৈনন্দিক জীবনের ইঙ্গিতের ঐশ্বর্য এখানে আশা করা যায় না; এখানে বিশার চিন্তার প্রণালিত জলপানার মনঃ। পদ-পদ পনেরোটি গল্প কবিতায় এই মনঃ আমাদের কানে ও মনে এসে লাগছে। সব কবিতাই এই হিসেবে স্বপ্নভোক্তা, এক-কবিতাগুলো বিশেষ করে আত্ম-ভাষণ। স্বতন্ত্র মত সমস্তার মেঘ পশ্চিমের স্বর্গের চারদিকে ঘন হয়ে এসেছে।

এখানে তারই অপূর্ণ বিচ্ছুরিত বর্ণচ্ছটা। জীবনের মূল স্বত্রগুলি নিয়ে এই যে জল্পনা এ থেকে অনেক ভালো প্রবন্ধের সৃষ্টি হ'তে পারতো, রবীন্দ্রনাথ দিয়েছেন তাকে কাব্যের সংহত রূপ।

বাঙলা গল্প ছন্দ নিয়ে বিস্তৃত আলোচনার ক্ষেত্র পড়ে রয়েছে। এ-বিষয়ে নানারকম মত শুনেছি, অনেক অদ্ভুত মতও শুনেছি। কিন্তু গল্প ছন্দ নিয়ে এখন পর্যন্ত কেউ কোনো প্রামাণ্য আলোচনা করেছেন বলে আমি জানি না। রবীন্দ্রনাথ তাঁর সদ্য প্রকাশিত 'ছন্দ' বইয়ে ও-বিষয়ে যেটুকু বলেছেন তাতে তার ভাবের ও রসের দিকটাই বুঝিয়েছেন, প্রয়োগ-রীতির প্রশ্নটা গেছেন এড়িয়ে। অথচ গদ্য ছন্দের আঙ্গিকের নির্ণয় এখানে অস্পষ্ট। রবীন্দ্রনাথের নব-নব রচনার উপাধরণ থেকে অরীচাচীরের যে-শিক্ষা লাভ হয়, তা ছাড়াও আলোচনা, ইঙ্গিত ও নির্দেশের প্রয়োজন আছে। 'পত্রপুট' পড়েই একথা বিশেষ করে মনে হ'লো। কেন বলি। 'পুনশ্চ'র ভূমিকাতেই শুধু রবীন্দ্রনাথ গদ্য ছন্দের ছ'একটা স্বাভাবিক নিয়মের উল্লেখ করেছেন। সে-নিয়ম পণ্ডিতের অহুত্ব নয়, গদ্যের প্রকৃতির মধ্যে অনিবার্যরূপেই তা আছে। যেমন, বিশেষ করে পদোই ব্যবহার্য পদ গদ্য ছন্দে বর্জনীয়। এ-নিয়ম লঙ্ঘন করা অসম্ভব এ কথা নির্ভয়েই বলা যায়। (আমি তোমা হেন সম প্রভৃতি কথা পদ্যের এলাকার বাইরে এলেই অস্বাভাবিক।) রবীন্দ্রনাথের এর ব্যতিক্রম কখনোই দেখিনি, তবু

গিরিশূদ্রমালার মহত্ব মৌনে ধ্যাননিমগ্না পৃথিবী,

নীলাবুধাশির অস্তম্ভতরঙ্গ কলমঙ্গমুখা পৃথিবী,

অমপূর্ণা ভূমি হৃন্দরী, অমরিতা ভূমি প্রীতিকা।

একদিকে আপকথাভাষনম হোবার শব্দক্ষেত্র,

সেখানে প্রাসর প্রভাতস্বর্গ প্রতিদিন মুছে নেয় শিশিরবিন্দু

কিরণ-উজ্জ্বল্যে বৃষ্টিয়ে দিয়ে।

অন্তগামী স্বর্গ্য স্রামশক্তিরম্বোলে বেখে যায় অকথিত এই বাণী—
“হামি আনন্দিত।”

অসদিকে তোমার জলহীন ফলহীন আতরুপাত্তর মরুক্ষেত্রে
পরিচীর্ণ পতকতালের মধ্যে মরীচিকার প্রোভনৃত্য।

উদ্ধৃত অংশ পড়ি (এবং এরকম ‘পঙ্কটপুটে’র পাতায় আরো আছে) মনে একটা সংশয়ের দাঙ্কা লাগেই। সমসে সন্ধিতে অহু-প্রাণে, অমৌখিক সংস্কৃত শব্দে এ রচনাংশটি এমনই জমকালে। যে এর সঙ্গে পদ্য শব্দের তালের বন্ধনই যেন মানাতো, এ যেন কোনো গভীর কল্লোলিত ছন্দ থেকে ছিঁড়ে এসে হঠাৎ জুল ক’রে ছড়িয়ে গেছে গদ্য হ’য়ে। আশা তোমা হেন-তে যে-কারণে আপত্তি, ঠিক সেই কারণেই কি গিরিশূর-মালা নীলাধুরাশি অতজ্ঞতর কলমজন্মস্বরূপেও অবৈধ নয়? গদ্য প্রকৃতই যুগের ভাষা নয় কি, বিশেষ ক’রে গদ্যে যখন কবিতা লেখা হয়? মৌলিক গদ্যে বরঞ্চ গ্রহণত সংস্কৃত শব্দের স্থান আছে, কেননা সেখানে বোধগম্যতাই উদ্দেশ্য। কিন্তু কবিতা চলে ভাবের ইন্দ্রিত নিয়ে, এবং গদ্যে সেটা ফোটে মৌখিক ভাষার প্রাকৃত লীলাতেই। যুগের ভাবার সহজ প্রাণ-স্পন্দনের জোরেই গদ্য কবিতা হ’য়ে উঠতে পারে। এ-শিক্ষা আমার রবীন্দ্রনাথের কাছেই হয়েছে, স্বতরাং আলাচা কাব্য-গ্রন্থে ‘সংস্কৃত’ শব্দের ও বাধ্য-ভঙ্গির আতিশয্য দেখে নিজের সংশয় প্রকাশ না-ক’রে পারলাম না। যে-ভাষা চিত্রাংগে সোনার তরীতে সদত ছিলো, সেটাই কি হ’তে পারে গদ্য ছন্দের উপযুক্ত বাহন, না কি গদ্য ছন্দের জ্ঞান নতুনরকমের ভাষা সৃষ্টি ক’রে ও বাঁচিয়ে রাখতে হবে, কবির দরবারে এই প্রশ্নটি আমি উপস্থাপন করছি। এর জবাব পাওয়া প্রয়োজন—কেননা রবীন্দ্রনাথ এখন যা করছেন কি করবেন তার উপর গদ্য ছন্দের ভবিষ্যৎ পরিণতি অনেকখানিই নির্ভর করছে।

জি, কে, চেস্টারটন

সর্বতোমুখিতা এই বিংশ শতাব্দীর লেখকদের একটা বিশেষত্ব বলে মনে হয়। তার কারণ বোধ হয় এই যে ইয়োরোপেও সাহিত্য পুরোপুরি একটা পেশা হ’য়ে ঝাঁজিয়েছে এই বিংশ শতাব্দীতেই। তা ছাড়া, ইংলণ্ডের সাহিত্যের সাত শতাব্দীর ঐতিহ্যের ফলে এখন সাহিত্যের সবগুলি রূপই পূর্ণ পরিণত : একদিকে ঝাঁজ জন্মগত ক্ষমতা অগ্রদিক-গুলো তাঁর একেবারে অনধিগম্য কখনোই থাকে না। এর ফলে কিছু হয়-তো যন্ত্রহীনতা কি অনধিকারপ্রবেশ হয়েছে, কিন্তু একথাও মানতে হবে যে এরই ফলে আমরা সম্প্রতি কয়েকটি অতি আশ্চর্য লেখককে পেয়েছি। জি, কে চেস্টারটন ছিলেন তার মধ্যে সব চেয়ে আশ্চর্য। আধুনিক সর্বতোমুখিতার শ্রেষ্ঠ উদাহরণ তিনি। তাঁর অজস্র গদ্য রচনা গল্পে প্রবন্ধে সমালোচনায়, অদ্ভুত হাসিতে ও তামাসায়, তর্কে ও তত্ত্বে, রহস্যে ও রোমহর্ষণে, ব্যঙ্গে ও বিজ্ঞাতায় বিসর্পিত; এ-যুগের ইংরিজি গদ্যের তিনি নিঃসংশয়েই অগ্রতম নাযক। হয়তো তাঁর এই অপরূপ ও অতি-প্রচুর গদ্যই তাঁর কবিতাকে একটু আড়াল করেছে। তবু কবি হিসেবেও তিনি অসাধারণ। কাব্যের রাজ-সভা পর্যন্ত যাদের পথ পরিকার হয় না, তাঁদের মধ্যেও যে সত্যিকারের প্রতিভার বিদ্যুৎ-ঝলদানি দেখা যায়, এ-দৃষ্টান্তের অভাব ইংরিজি ভাষায় অন্তত নেই। মাত্র বছর দুই পূর্বে প্রকাশিত চেস্টারটনের সমগ্র সংগৃহীত কাব্য পড়লে বোঝা যায়, তিনি শুধু ক্লিপড-থোদা ছন্দে ইংরেজ মাতালের তৈরি টেলোমলো রাস্তার তারিফ ক’রেই দ্বন্দ্ব হননি, তাঁর কাব্য-প্রতিভাও একান্ত নিজস্ব ও বিশেষরকমের, বহুল ও বিচিত্র তার প্রকাশ। তাঁর চিত্তরূপময় বর্ণিত্য ব্যক্তিগত দৃষ্টিতে তাঁর কাব্যের প্রতি পঙ্কিতে; তাঁর খেয়ালী কল্পনার কত অদ্ভুত রূপক ক্ষণে-ক্ষণে চমক লাগায়। তাঁর যে জীবনদর্শন অত্যন্ত

রচনারাশিতে পাওয়া যায়, তাঁর কবিতায় সেটাই প্রতিফলিত। আধুনিক 'বৈজ্ঞানিক' মনোভাবের তিনি মহৎ শত্রু; যন্ত্র-নির্ভর, যুক্তি-নির্ভর জীবনের বন্ধা বিবর্ততাকে আক্রমণ করে কখনো তিনি স্নান করেন না। তাঁর গোমান কাখলিক মন যেন গথিক গির্জার অভ্যন্তরেরই মত; কল্পনার অসংখ্য রঙ আর স্বপ্নের ঝাঁকঝাঁক ছায়ায় সেখানে চিরস্থির গোপালিবলার রচনা। আধুনিক সভ্যতায় সবই অতিশয় গুরু, অতিশয় স্পষ্ট; বাইরের ঐশ্বর্যের আড়ালে তার শূন্যতা ও বার্থতা ছিলো সেস্টারটনের প্রধান আক্রমণের বিষয়। তিনি ছিলেন রহস্যের পক্ষে, অনিশ্চিত সম্পদের পক্ষে, রুটিনের বদলে বেয়ালের পক্ষে, যুববন্ধ আমোদের বদলে ব্যক্তিগত স্বতন্ত্র উৎপত্তির পক্ষে।

বিজ্ঞানের সহজ ক্ষমতা ছিলো তাঁর। সে-বিজ্ঞানে ঝাল ছিলো না, ধার ছিলো। তাঁর অনেক কবিতায় আছে সরস ঠাট্টার ছলে মর্মান্তিক সত্যের উচ্চারণ। কবি হিসেবে তাঁকে কিছু সেকেন্দ্রেই বলতে হয় ব্রি। অস্তিত্ব, আধুনিক বলতে কবিতার যেন-নতুন ও বিশেষ একটা ভরি আত্মকাল সৃষ্টি হয়, সেটা ছিলো না তাঁর কাব্যে। তাঁর ত্রিভুজি চিনতে হয় উনিশ শতকের শেষ থেকেই, কিপলিঙ থেকে; দোলায়িত ছন্দে আর মনয়িত মিলে আমাদের দেশের রুটির মত স্বামস্বয় করে বাজে তাঁর কবিতা। আধুনিক কালের কোনো-কোনো মহৎ কবি থেকে তিনি এই হিসেবেও আলাদা যে তাঁর কবিতা পড়েই বোকা যায়। যারা আধুনিকতার উচ্চতম শিখরে, তাঁরা হয়-তো এটা কিছুতেই বরদাস্ত করবেন না: জটিলতা ও দুর্বোধ্যতা এই যে সাহিত্যিক নীলরক্তের চিহ্ন। কিন্তু অনেক সময় দুর্বোধ্যতার পিছনে দৃষ্ট কি অক্ষমতা ছাড়া কিছুই থাকে না। সেস্টারটনের কবিতা সাধারণের জন্ত, যে-অর্থে ফুল পাখি শিশু সাধারণের উপভোগের জিনিস। ও-সব বস্তুর রস-গ্রহণ বিশেষ কোনো শিক্ষাপ্রদ নয়, অচল বিশেষ শিক্ষা ও সাধনা বীর আছে তাঁর পক্ষেও ও-সব ভালো লাগা একবারে অসম্ভব নয় বলেই আশা

করি। জীবনের যত সহজ, সাধারণ, অ-শিক্ষিত, প্রবৃত্তিগত উপভোগ, সেস্টারটনের কবিতা তাই নিয়ে। প্রায়ই তাঁর স্বর ঈশ্বর ঠাট্টার, অব্যবহিত উচ্চহাসির, তিনি যেন চোখ মেলে পৃথিবীর দিকে তাকিয়েই মাতাল হয়ে আছেন। কখনো অপ্রত্যাশিত মুহুর্তে গভীর কাব্য উচ্চারণও শুনেছি তাঁর মুখে, আবার কখনো যেন একেবারেই খুসি সামলাতে না পেরে তাঁর ভাষা সীমা ছাড়িয়ে আবেল-তাবেল হয়ে উঠেছে।

They haven't got no noses

The fallen sons of Eve;

Even the smell of roses

Is not what they suppose; . . .

And goodness only knows

The Noselessness of Man.

এই উচ্ছ্বসিত উচ্চহাসির আনন্দ আধুনিক জীবনে ও সাহিত্যে ক্রমশই বিরল হয়ে আসছে। তাঁর অজস্র লেখার ভিতর দিয়ে যে-একটি হাসিখুসি বামখেয়ালি রঙার অথচ নির্ভীক সভ্যদেবী মাছঘের সপ্তে এতদিন ধরে পরিচয়, আজ তাঁর অভাবে নিজে থেকে সত্যই দূরির মনে হচ্ছে।

দুই ও তিন

'ছন্দ' বলে সম্প্রতি রবীন্দ্রনাথের যে-বইটি বেয়েছে তার প্রবন্ধ-গুলিতে বাঙলা ছন্দের মূলসূত্র যত সহজে যেমন স্পষ্ট করে ব্যক্ত হয়েছে তেমন এ-পুস্তক আর কোথাও হয়েছে বলে জানিনে। এ-বর্ণনের আলোচনা কবির পক্ষেই সম্ভব, পেশাদার পণ্ডিতের পক্ষে নয়। এতে ছন্দের বাইরের রূপটার চুলচেরা বিশ্লেষণের চাইতে অন্তরের রহস্যই উন্মোচন হয়েছে বরঞ্চ। কোনো দুরূহ পরিভাষার সাহায্য না নিয়ে বাঙলা ছন্দকে রবীন্দ্রনাথ মোটামুটি দু' মাজা ও তিন মাজার ছন্দে

ভাগ করেছেন। এ-বিভাগটা বোঝা খুবই সহজ। কোনো এক ছান্দসিক কোনোকালে এর জন্মে ধ্বনিসমাজিক ও শব্দমাত্রিক এ দুটি শব্দ তৈরি করেছিলেন। প্রভেদটা আসলে এইখানে: দুইমাত্রার ছন্দে যুক্তাক্ষরকে একমাত্রা বলে ধরা হয়, তিনমাত্রার ছন্দে ধরা হয় দুই মাত্রা বলে। কথাটা সম্পূর্ণ হয় এই বললে যে দুইমাত্রার ছন্দে যুক্তাক্ষরকে এক বলেও ধরা যেতে পারে, অবস্থান্তরে দুই বললেও দোষের হয় না; কিন্তু তিনমাত্রার ছন্দে যুক্তাক্ষরকে দুই না-ধরলেই ছন্দ কাটবে। এ থেকেই হুচিৎ হচ্ছে যে দুই মাত্রার ছন্দে স্বাধীনতা বেশি, ওস্তাদের হাতে তার সূচন প্রসারণ অতি অনায়াসেই চলে; তিন মাত্রার ছন্দ সর্বাঙ্গ, একেবারে ইকি-নাগ, তাতে যেটুকু ধরে তার বেশি আর ধরে না।

দুই মাত্রার ছন্দের মূল ছাঁচ হলো পয়ার। পয়ারটা খুব ব্যাপক অর্থে ধরছি; কাশীরাম দাসও পয়ার, বলাকাও পয়ার। পয়ারের আশ্চর্য্য নমনীয়তা—প্রায় অপরিণীত সূচন ও প্রসারণের ক্ষমতা—এ-বিষয়ে রবীন্দ্রনাথেরই রচনা ও আলোচনা থেকে আমাদের শিক্ষা হয়েছে। কিন্তু 'ছন্দ' বইটিতে তিনি যেন মোটের উপর তিন মাত্রার ছন্দের প্রতিই পক্ষপাত করেছেন। এতে আমি একটু অবাক হয়েছি। পয়ারের প্রতি তিনি এই বলে কটাক্ষপাত করেছেন যে ওটা 'সাদু' ভাষার ছন্দ: আর তিনমাত্রার ছন্দ হচ্ছে বাঙালার নিজস্ব, বাউল গানে দেখা যায় তার আধিরূপ। তারপর হস্ত বেশি থাকে তলে তিনমাত্রার-ছন্দে শব্দের এমন একটি চেট-তোলা ছলছলানি শোনা যায়, পয়ারে যা কিছুতেই সম্ভব নয়। সর্বাঙ্গের রবীন্দ্রনাথ স্বীকার করেছেন যে তিন-মাত্রার প্রতি আছে তাঁর বরাবরকার ব্যক্তিগত দুর্বলতা।

শেখের কথাটা দিয়েই আদৃত করি। রবীন্দ্রনাথের তিনমাত্রার রচনা অসংখ্য, কিন্তু হিসেব করলে দেখা যাবে তার বেশির ভাগই গান। দুই মাত্রার রচনাও তার অসংখ্য, সেগুলি সবই কবিতা, গান নয়। হিসাব করলে দেখা যাবে যে তাঁর শ্রেষ্ঠ কবিতাগুলির বেশির ভাগই

পয়ার জাতীয় ছন্দে লেখা ('কণিকা' ও আখ্যানের কবিতা বাদ দিয়ে।) বাউল গান গানই, কবিতা নয়; এমন কি, রবীন্দ্রনাথের গানও ছন্দে বেধে গাওয়ার জন্মেই। গানের শ্রেষ্ঠ বাহন তিন মাত্রার ছন্দ, তিনমাত্রার নির্ভর করে চলছে বাঙালার নিজস্ব গানের ছন্দ। পয়ারও বাঙালারই প্রাকৃত ছন্দ, পয়ার জাতীয় ছন্দই প্রথম থেকে বাঙাল কবিতার প্রধান অবলম্বন, এবং রবীন্দ্রনাথের হাতে পড়ে পয়ারের আশ্চর্য্য প্রসার ও পরিণতি ঘটেছে। পয়ারকে যে ইচ্ছেমত বাড়ানো কমানো যায়, এবং তার ফলে যে গভীর ও বিচিত্র ধ্বনির সৃষ্টি হয়, এটা রবীন্দ্রনাথেরই আবিষ্কার। হেম বান্ধু যো নবীন সেনের নিম্প্রাণ চতুর্দশীর অসহ্য গোম-গুণিকতার সঙ্গে 'নিফল কামনা' কি 'স্বর্ণ হইতে বিদায়' কি 'বলাকা'র মনে-মনে একবার তুলনা করলেই চলেবে। স্তব্ধ রবীন্দ্রনাথই যখন বলেন যে পয়ার জাতীয় ছন্দ 'সাদু' শব্দের চাপে স্বভাবতই স্তিমিত, তখন খুব বেশি ক'রেই অবাধ লাগে। স্তিমিত যখন হয়, সেটা কবির অক্ষমতা, ছন্দের স্বাভাবিক দুর্বলতা নয়। অক্ষমের হাতে তিনমাত্রার ছন্দ শুধু স্তিমিত নয়, অসহ্যকম ভালগার হয়ে ওঠে। 'করিতেছি' আর 'করছি' এ দুটো শব্দের মধ্যে স্থিতিগতই স্বর বেশি, জোরও বেশি কবির এক-কথা কেউ অস্বীকার করবে না। কিন্তু তাই বলে পয়ারকেই কি দোষ দেয়া যায়? 'সাদু' জিয়াপদ কি পয়ারের ধর্ম? অবশ্য প্রাক-রবীন্দ্র কবিদের রচনায় পয়ারে জিয়াপদমাত্রের 'সাদু' কিন্তু রবীন্দ্রনাথই দেখিয়েছেন যে পয়ারে প্রাকৃত জিয়াপদ অনায়াসেই চলে, এবং 'করিতেছি'র মত বিশিষ্ট শব্দ এড়িয়ে যেতে খুব বেশি কলাকৌশলও লাগে না। নূনতম জিয়াপদ ব্যবহার ক'রে 'নিফল কামনা'র মত আশ্চর্য্য কবিতা লেখাও সম্ভব। এতদিন রবীন্দ্রনাথের পয়ারে 'সাদু' ও চলতি ছ' রকমের জিয়াপদই থাকতো, কোনোখানেই কখনো খটকা লাগেনি। তারপর 'পরিশেষে' তিনি দেখিয়েছেন পয়ার কেমন ক'রে 'সাদু' ভাষাকে সম্পূর্ণ বর্জন ক'রে চলতে পারে। ভবিষ্যতের পয়ার ঐদিকই হয়তো মোড় নেবে।

ধ্বনির দিক থেকে পয়ার খাটো একথা কিছুতেই স্বীকার করবো না। বরং একথাই জোর করে বলবো যে গভীর ধ্বনির কল্লোল, বৃদ্ধ-বিসর্পিত স্বরের বৈচিত্র্য পয়ারেই সম্ভব, তিনমাত্রায় কিছুতেই নয়। তিনমাত্রায় ঢেউ ওঠে বটে, কিন্তু সে-ঢেউ নিতান্তই ক্ষণস্থায়ী, সে-ঢেউ কানেই মিলিয়ে যায়, মরমে পৌঁছতে পারে না। তিন মাত্রা বাজে, কিন্তু সে-বারনা ঠুনুকে ও হাল্কা ধরণের। কেননা তাতে ঠিক বেটুকু ধরে তার বেশি কিছুতেই ধরে না। তাতে বৈচিত্র্য নেই, নতুন সম্ভাবনা নেই, কবির নিজস্ব সৃষ্টির জায়গা নেই। তার তালটা স্থূল। যতক্ষণ পড়ে যাওয়া যায় কান খুঁসি হয়, কিন্তু পড়া হয়ে গেলে মনের মধ্যে প্রতিধ্বনি নাও থাকতে পারে। পয়ারের প্রতিধ্বনি গভীর। পয়ার হানা দেয়। পয়ার যদি সত্যি-সত্যি ভালো লেখা হয় তার যে ধ্বনির বেগ ও লীলা, পদে-পদে যে অদ্ভুত বৈচিত্র্য বাঙলাভাষায় আর-কিছুতেই তা দেখা যাবে না। তিনমাত্রার দাবি অনস্বীকার্য, গানে কি সঙ্গীতজাতীয় সীতি-কবিতায় তা খুব বেশিই কাজে লাগে; কিন্তু এও ঠিক যে তার কাঠামোটার একেবারেই কোনো-রকম নড়চড় হয় না ব'লে তাকে নিয়ে খুব বেশি দূরও যাওয়া যায় না! তার একটাই স্বর। কিন্তু পয়ার যেন কোনো বিশাল আশ্চর্য্য যন্ত্র, গুপীর হাতে তা থেকে যে-কোনো স্বর বেরোয়। অত্যন্ত গভীর থেকে অত্যন্ত চটুল, অত্যন্ত মধুর থেকে অত্যন্ত ক্রুত—পয়ার সবই হ'তে পারে। তিনমাত্রার একরকম ছাড়া হবার উপায় নেই। পয়ারের ছাঁচে অনেক-খানি ফাঁক থাকে, কবি সেটা ইচ্ছামত ভরিয়ে কি না-ভরিয়ে নানারকম ধ্বনি সৃষ্টি করতে পারেন; তিনমাত্রা সর্বদাই কানায়-কানায় ঠাস, তার বেশিও নেই কমও নেই। পয়ারের বিকল্পে 'সামুদ্র'র অভিযোগ এখন কি আর আনা যায়, যখন দেখা যাচ্ছে চলতি ভাষাকে সহজেই সে আপন করে নিচ্ছে?

৫৬

সম্পাদক : বৃদ্ধদের বহু : প্রেমেন্দ্র মিত্র : সহকারী সম্পাদক : সমর সেন :
১১১নং মিঞ্জাপুর স্ট্রীট, শ্রীগোবিন্দ প্রেস হইতে প্রভাতচন্দ্র রায় কর্তৃক মুদ্রিত ও প্রকাশিত

কবিতা

দ্বিতীয় বর্ষ,

দৌষ, ১৩৪৩

দ্বিতীয় সংখ্যা

মুক্তপাথে

রবীন্দ্রনাথ ঠাকুর

বাঁকাও তুর দ্বারে আগল দিয়া,
চক্ষু করো রাঙা,
ঐ আসে মোর স্নাত-খোয়ানো প্রিয়
ভদ্র-নিয়ম-ভাঙা।
আসন পাবার কাজল ও নয় তো
আচার-মানা ঘরে,—
আমি ওকে বসাব হয় তো
ময়লা কাঁথার পরে।
সাবধানে রয় বাজার দরের খোঁজে
সাধু গাঁয়ের লোক,
হুলার বরণ ধূসর বেশে ও যে
এড়া তাদের চোখ।
বেশের আদর করতে গিয়ে ওরা
রূপের আদর ভোলে;—
আমার পাশে ও মোর মনোচোরা
একলা এসো চ'লে।

হঠাৎ কখন এসেছ ঘর ফেলে
 তুমি পথিক-বধু,
 মাটির ভাঁড়ে কোথা থেকে পেলো
 পদ্মবনের মধু ?
 ভালোবাসি ভাবের সহজ খেলা
 এসেছ তাই শুনে,
 মাটির পায়ে নাইক আমার হেলা
 হাতের পরশগুণে !
 পায়ে নুপুর নাই রহিল বাঁধা
 নাচেতে কাজ নাই,
 যে-চলনটি রক্তে তোমার সাধা
 মন ভোলাবে তাই ।
 লজ্জা পেতে লাগে তোমার লাজ
 ভূষণ নেইক ব'লে,
 নষ্ট হবে নেই তো এমন সাজ
 ধুলোর পরে চলে ।
 গায়ের কুসুর ফেরে তোমার পাশে
 রাখালরা হয় লড়ে,
 বেদের মেয়ের মতন অনাহারে
 টাট্টা খোঁজার চড়ে ।

ভিজ়ে শাড়ি ঝাঁটুর পরে তুলে
 পার হ'য়ে যাও নদী,
 বামনপাড়ার রাস্তা যে যাই তুলে
 তোমায় দেখি যদি ।
 হাটের দিনে শাক তুলে নাও ফেতে
 চূপড়ি নিয়ে কাখে,
 মটর কলাই খাওয়াও খাঁচল পেতে
 পথের গাথাটাকে ।
 মানো নাকো বাঙ্গল দিনের মানা,
 কাঁদায় মাথা পায়ে
 মাথায় তুলে কচুর পাতাখানা
 যাও চ'লে দূর গাঁয়ে ।
 পাই তোমারে যেমন খুশি তাই
 যেখায় খুশি সেখা ।
 আয়েজনের বালিই কিছু নাই
 জ্বানবে বলো কে তা ।
 সতর্কতার দায় ঘুচায়ে দিয়ে
 পাড়ার অনাদরে
 এসো ও মোর জাত-খোয়ানো প্রিয়ে
 মুক্তপথের পরে ।

গীতি-গুচ্ছ

হেমচন্দ্র বাগটী

অপরূপ বিরহ

মনে আমার একটি অপরূপ বিরহ জাগে
গানের হরের মত সে বিরহ ।
কত বেদনার ধারা এসে যেন মিলেছে মনে—
বনপ্রান্তের বিষণ্ণ ছায়ায় মত সে বিরহ ।

বিশ্রুত দিনের কাহিনী

বারে বারে একটি হর এসে যেন বাজে
হৃদয়ের মধ্যে নিশেষচরণে নেমে আসে
ছিন্নবিছিন্ন বিশ্ব তদিনের কাহিনী ।
জীবনের ধর উত্তাপের উপর নামে অশ্রান্ত বর্ষণ
চিত্ততল সিঁদ্ধ হয়ে আসে ।

চেয়ে চেয়ে দেখি

কতদিন চেয়ে চেয়ে দেখি
চোখে রঙের নেশা লাগে—
বর্ষার ভরা নদী, কাশফুল,
মাঝে মাঝে এক একখানি নৌকো ভেসে চলেছে,
গাঁয়ের লোকগুলি চলেছে নিঃশব্দে
দেখি আর মনে হয়—
এ যেন পৃথিবীর অর্দ্ধাবগুষ্ঠিত রহস্যময় মুখ
নেপথ্যে চলেছে অমৃত আঘোজন
এই চিত্রটিকে তুলে ধরবার জন্য ।

বর্ষার দিনে

বর্ষার দিনে গঙ্গার তটরেখায় রেখায়
চলেছে আমার মন ।
বাবুলাগাছের হরিপ্রাক ফুল—
অসংখ্য পাখীর একতান ঝঙ্কার
শালিখ পাখীর মেলা—
এই শ্রামল শোভার মধ্যেও
হৃদয়ের কান্না থামে না কিছুতেই ।

বড় হৃন্দর এই পৃথিবী

বড় হৃন্দর এই পৃথিবী ।

সাধ যায় এই

অপক্লপ সবুজ শোভার মধ্যে

বৈচে থাকি কিছুকাল ।

শুধু দেখি আর স্বপ্নের মায়াভূবন

রচনা করি

অগণন মুহূর্তের কাকে কাকে ।

ছুটি

মনে হয় যেন ছুটি পেয়েছি

সমস্ত চিরায়িত মানব-পন্থা থেকে

মুক্তি পেয়েছি আমার মনে ।

ভিতরের মাহুটটাকে কে জানে ?

সে শুধু বীণা বাজায় আর গান গায়

আর উদাসীন দৃষ্টিতে চেয়ে থাকে

যেখানে শামল বনের অন্তরালে

ভীক কাঠবিড়ালী খরিত-গতিতে

বাওয়া-আসা করে নিঃশব্দ, নিঃসঙ্কোচ ।

খাতা

খাতা আমার শেষ হয়েচে ।

এখনকার ইকুরো জীবন হৃদয় সমগ্রতাকে পায় না ।

তাই ছোট ছোট ভাবনাগুলি মনের তারে তারে যে আঘাত দেয়

তারই কম্পন বেধে যেতে ইচ্ছা করে

কলমের আখরে আখরে ।

মানসশিল্পী

কাগজে প্রকাশের তাগিদ নেই

আর রচনার ।

এই সময়েই আনসশিল্পীর আনন্দ ।

ব'সে ব'সে ছবির পর ছবি,

রেখার পর রেখা

রঙের পর রঙ ।

অরসিকের করলাহন থেকে নিশ্চিন্ত পলায়ন ।

প্রজ্জ্বা

এক এক সময় অতৃভব করি
পৃথিবীর বক্ষবিদারণ যে স্বত-উৎসারিত রসধারা,
আমি যেন তা'রই প্রান্তরেণায় বিম্বিতদৃষ্টি বালকের মত ব'সে আছি।
চিরকাল যেন স্তম্ভিত হ'য়ে আছি
আমার সেই মুহূর্তদর্শনের কাছে।

মনে মনে বলি,
হে প্রজ্জ্বা, তোমার গুণ্ডন আর অপসারিত ক'রো না
অত প্রথরতা সইব কি ক'রে ?

মুগ্ধা

মুগ্ধে, এত ঐশ্বর্য তোমার ?
চেয়ে চেয়ে চোখের পলক যেন আর পড়ে না।
এত স্তব্ধ ভূমি, মনে হয় ঘূষের ডাকের মধোও
এত অলস স্তম্ভতা নেই।

হির হ'য়ে আছি

সমস্ত দেহ মন

একটি অপূর্ণ আমল-চেতনার কেন্দ্রে আত্মহারা।
ভিল ভিল সামাজকে নিয়ে ভূমি অসামান্য।
আমাকে শতধা বিজ্রিম ক'রেও আশা মেটে না কিছুতেই।

ভাঙা কোঠাবাড়ি

অনেক দিনের ভাঙা কোঠাবাড়ি,
কাঁটাল, আম নারকেলের বাগান,
তা'রই ফাঁকে ফাঁকে দেখি
একটি মেয়েকে
শ্রামল বনশোভার মত,
মনের পীড়া যে দূর করে
এমন মেয়ে।

সে আমার জলাঙ্গী

স্তোত্রের আবৃত্তিগুঞ্জন স্তম্ভেত পাই—
কাপড় কাচার শব্দ,
হাঁসের পাখাবাড়ার শব্দ,
জলবস্ত্রের নিত্য আবৃত্ত্যমান ঝঙ্ক-ঝঙ্ক শব্দ,
মনে হয়, নদী চলেছে একে বেকে
আমার মনের নদী
কাশফুলে ভরে গেছে তা'র ছুই তীর।
কৃষাণেরা কাজ করছে ক্ষেতে
বধূরা সারি বেঁধে চলেছে পথে,
সে আমার জলাঙ্গী।

কল্যাণী বধু

বেথানে কল্যাণীবধু আপন নীড় রচনা করে,
বেথানে তাঁর মদল হস্তের ঝাঁকণ বাজে,
বেথানে অতিথি ভিক্ষুক সন্মানিত,
ইচ্ছা করে, আমি সেই নিভৃত নীড়ের ঘারদেশে একবার দাঁড়াই
লোক-লোকান্তর উত্তীর্ণ হ'বে যে জীবনধারা,
সেই জীবনকে শরীদ দিয়ে অহতব কবুতে সাধ যায়।

কবির ভাবনাধারা

কবির ভাবনাধারাকে অহুসরণ করবে কে ?
আলসী মনতরীতে তাঁর যাত্রা,
শরতের লঘুমেঘের মত তার ভাবনা।
কোথাও বাঁধা পড়ে না, দাগ থাকে না কিছুতেই—
ঘন জনতার মধ্যেও তার নির্জন বাস।

মনের শিখিল ভাবনাগুলি

মনের শিখিল ভাবনাগুলি আখিনের শিখিলবৃন্ত শেফালির মত
শ্রামল দুর্বার উপরে ঝ'রে পড়তে চায়।

শিশিরে ঝলমল শ্রামল দুর্বার,
আর অশ্রুতে টলমল রূপসায়ের।

ইচ্ছা করে সারাদিন কান পেতে থাকি
এই বিচিত্র জগতের বিচিত্র ধ্বনিঝঙ্কারের দিকে
শব্দের পর শব্দ, কথার পর কথা
আর তরল গলিতবর্ণ প্রভাতরৌদ্রের দিকে চেয়ে থাকি
সারাদিন, সারাদিন।

একটি ছোট পতঙ্গ

কোথায় একটি ছোট পতঙ্গ বাসা বাঁধছে
জামগাছের শুকনো কাঠের ভিতরে।
তাঁর সেই ক্লাস্তিহীন কণ্ঠের তীব্র তীক্ষ্ণ শব্দ এসে লাগছে
আমার মস্তিষ্কের প্রায়ক্ষেপে।

অপরূপ শরৎপ্রভাতে সেই শব্দ আমার কত ভালোই না লাগছে!
ছোট্ট একটি পাতা বারে বারে ডাকছে—কুকুলি কুকুলি!
মনে হয়, এই উপেক্ষিত আবেষ্টনীর মধ্যে সন্নিহিত হ'য়ে আছে
চিরযুগের মধু—

তা' আমাদের কণ্ঠস্বস্ত দৃষ্টির নেপথ্যে।

মহাকাব্য

মাগধের জীবনধারার পরিপূর্ণতা কোথায়?
বিধাতার মহাকাব্য রচিত হচ্ছে
লোক থেকে লোকান্তরে—
আর বিখ্যোজ্ঞ প্রিয়ার চুল চাহনির তলে
কত দেশের অত্মদায়, কত প্রেমের সন্ধান—
কত প্রেরণায় আত্মবিসর্জন।
মাগধের চিরদিনের মহাকাব্য সেইখানেই
তা' সে গুহ্যরগানেই হোক আর পয়ারেই হোক।

সিদ্ধুসারস

জীবনানন্দ দাশ

হু এক মুহূর্ত্ত শুধু রৌদ্রের সিদ্ধুর কোলে তুমি আর আমি
হে সিদ্ধুসারস!

মালাবার পাহাড়ের কোল ছেড়ে অতিদূর তরঙ্গের জানালায় নামি
নাচিতেছ টারান্টেলা—রহস্যের; আমি এই সমুদ্রের পারে চূপে থামি
চেয়ে দেখি বরফের মত শাদা ডানা ছুটি আকাশের গায়
ধবল খেলার মত নেচে উঠে পৃথিবীরে আনন্দ জানায়।

মুছে যায় পাহাড়ের শিঙে শিঙে পৃথিবীর অন্ধকার গান

হে সিদ্ধুসারস,

আবার ফুরায় রাত্রি, হতাশ্বস ;—আবার তোমার গান করিছে নির্ধাণ
নতুন সমুদ্র এক, শাদা বৌজ, সবুজ ঘাসের মত প্রাণ
পৃথিবীর ক্রান্ত বৃকে ;—আবার তোমার গান
শৈলের গহ্বর থেকে অন্ধকার তরঙ্গেরে করিছে আস্থান।

জান কি অনেক যুগ চ'লে গেছে ? ম'রে গেছে অনেক নৃপতি ?

হে সিদ্ধসারস,

অনেক সোনার ধান ব'রে গেছে জান না কি ? অনেক গহন ক্ষতি
আমাদের ক্রান্ত ক'রে দিয়ে গেছে,—হারায়েছি আনন্দের গতি
ইচ্ছা, চিন্তা, স্বপ্ন, ব্যাধা, ভবিষ্যৎ, বর্তমান,—এই বর্তমান
হৃদয়ে বিরস গান গাহিতেছে আমাদের—বেদনার আশ্রয় স্থান ?

জানি না কি ওগো পাখি, শাদা পাখি ওগো নীল মালাবার ফেনার সন্তান !

হে সিদ্ধসারস,

তুমি পিছে চাহনাক', তোমার অতীত নাই, স্মৃতি নাই, বৃকে নাই আকীর্ণ ধূসর
পাণ্ডুলিপি ; পৃথিবীর পাখিদের মত নাই শীতরাতে ব্যাধা আর কুয়াশার ঘর ।
যে রক্ত বয়েছে তারে স্বপ্নে বেঁধে কল্পনার নিঃসঙ্গ প্রভাত
নাই তব; নাই নিম্নভূমি—নাই আনন্দের অন্তরালে প্রথ আর চিন্তার আঘাত ।

স্বপ্ন তুমি দেখ নি ত',—পৃথিবীর সব পথ সব সিদ্ধ হেঁড়ে দিয়ে একা

হে সিদ্ধসারস,

বিপরীত দীপে দূরে মায়াবীর আরসীতে হয় শুধু দেখা
রূপসীর সাথে এক ;—সন্ধ্যার নদীর ঢেউয়ে আসন্ন গল্লের মত রেখা
প্রাণে তার,—স্নান চুল,—চোখ তার হিজল বনের মত কালো ;
একবার স্বপ্নে তারে দেখে ফেলে পৃথিবীর সব স্পষ্ট আলো

নিভে গেছে ;—তুমি স্বপ্ন দেখ নাক'—যেখানে সোনার মধু ফুরায়েছে,
করে না বুনন

হে সিদ্ধসারস,

মাছি আর ; হলুদ পাতার গন্ধে ভ'রে ওঠে অবিচল শালিখের মন,
মেঘের দুপুর ভাসে—সোনালি চিলের বৃক হয় উন্মন
মেঘের দুপুরে, আহা, ধানসিঁড়ি নদীটির পাশে ;
সেখানে আকাশে কেউ নাই আর, নাই আর পৃথিবীর ঘাসে ।

তুমি সেই নিস্তব্ধতা চেন নাক' ;—অথবা রক্তের পথে পৃথিবীর ধুলির ভিতরে

হে সিদ্ধসারস,

জান নাক' অজ্ঞো কাঞ্চী বিদিশার মুখশ্রী মাছির মত বয়ে ;
সৌন্দর্য্য রাখিছে হাত অন্ধকার কুখার বিবরে ;
গভীর নীলাভতম ইচ্ছা চেঁচা মাছবের,—ইন্দ্রবহু ধরিবার ক্রান্ত আয়োজন
হেমন্তের কুয়াশায় ফুরাতেছে অল্পপ্রাণ বিনের মতন !

এই সব জান নাক' প্রব্যাদপঙ্কর ঘিরে ভানার উল্লাসে

হে সিদ্ধসারস,

রৌদ্রে বিলম্বিল করে শাদা ডানা শাদা ফেনা-শিশুদের পাশে
হেলিওস্টোপের মত দুপুরের অসীম আকাশে ।
বিক্রমিক করে রৌদ্রে বরফের মত শাদা ডানা,
যদিও এ পৃথিবীর স্বপ্ন চিন্তা সব তার অচেনা অজানা ।

চকল শরের নীড়ে কবে ভূমি—জয় ভূমি নিয়েছিলে কবে

হে সিদ্ধসারস,

বিখণ্ড পৃথিবী ছেড়ে দলে দলে নেমেছিলে সবে

আরব সমুদ্রে, আর চীনের সাগরে,—দূর ভারতের সিদ্ধুর উৎসবে !

পীতাম্ব এ পৃথিবীর আমরণ চেষ্টা ক্রান্তি বিফলতা ছিঁড়ে
নেমেছিলে কবে নীল সমুদ্রের নীড়ে !

ধানের রসের গল্প পৃথিবীর—পৃথিবীর নরম অজ্ঞান

হে সিদ্ধসারস,

পৃথিবীর শব্দমালা নারী সেই,—আর তার প্রেমিকের স্নান

নিঃসঙ্গ মুখের রূপ,—বিশুদ্ধ তৃণের মত প্রাণ,

ভূমি তাহা কোনোদিন জানিবে না ;—সমুদ্রের নীল জানালায়
আমারি শৈশব আজ আমারেই আনন্দ জানায় ।

রাত্রিমাখা ঘাসে

জীবনানন্দ দাশ

একবার নক্ষত্রের দিকে চাই—একবার প্রান্তরের দিকে

আমি অনিমিষে ।

ধানের খেতের গন্ধ সুছে গেছে কবে

জীবনের থেকে যেন ; প্রান্তরের মতন নীরবে

বিচ্ছিন্ন খড়ের বোঝা বৃকে নিয়ে বৃকে নিয়ে ঘুম পায় তার ;

নক্ষত্রেরা বাতি জ্বলে—জ্বলে—জ্বলে—‘নিভে গেলে—নিভে গেলে ?’

ব’লে তারে জাগায় আবার ;

জাগায় আবার ।

বিফল খড়ের বোঝা বৃকে নিয়ে—বৃকে নিয়ে ঘুম পায় তার,

ঘুম পায় তার ।

অনেক নক্ষত্রে ভরে গেছে এই সন্ধ্যার আকাশ—এই রাতের আকাশ ;

এইখানে কায়নের ছাঁচমাখা ঘাসে শুয়ে আছি ;

এখন মরণ ভালো,—শরীরে লাগিয়া রবে এই সব ঘাস ;

অনন্ত নক্ষত্র রবে চিরকাল যেন কাছাকাছি ।

কে যেন উঠিল হেঁচে,—হামিদের থবুটে কানা ঘোড়া বুকি !
সারাদিন গাড়ী টানা হ'ল চের,—ছুটি পেয়ে জ্যোৎস্নায় নিজ মনে থেয়ে
যায় ঘাস;

যেন কোনো ব্যথা নাই পৃথিবীতে,—আমি কেন তবে মৃত্যু খুঁজি ?
'কেন মৃত্যু খোঁজ তুমি ?' চাপা ঠোঁটে বলে দূর কৌতুকী আকাশ।

ঝাউকলে ঘাস ভরে,—এখানে ঝাউয়ের নীচে শুয়ে আছি ঘাসের উপরে ;
কাশ আর চোরকাটা ছেড়ে দিয়ে ফড়িং চলিয়া গেছে ঘরে ।
সন্ধ্যার নক্ষত্র, তুমি বল দেখি কোন্ পথে কোন্ ঘরে যাব !
কোথায় উত্তম নাই, কোথায় আবেগ নাই,—চিন্তা স্বপ্ন ভুলে গিয়ে শান্তি আমি
পাব ?

রাতের নক্ষত্র, তুমি বল দেখি কোন্ পথে যাব ?

'তোমারি নিজের ঘরে চ'লে যাও'—বলিল নক্ষত্র চুপে হেসে
'অথবা ঘাসের পরে শুয়ে থাক আমার মুখের রূপ ঠায় ভালোবেসে ;
অথবা তাকিয়ে দেখ গোরুর গাড়ীটি বীরে চ'তু'রায় অন্ধকারে সোনালি
খড়ের বোঝা বৃকে ;
পিছে তার সাপের খোলস, নালা, খল্খল অন্ধকার—শাস্তি তার র'য়েছে সমুৎপে ;
চ'লে যায় চুপে চুপে সোনালি খড়ের বোঝা বৃকে ;—
যদিও ঘ'রেছে চের গর্দর কিসর, বন্ধ—তবু তার মৃত্যু নাই মুখে ।'

স্বপ্ন

জীবনানন্দ দাশ

পাভুলিপি কাছে রেখে খুসর দীপের কাছে আমি
নিস্তরু ছিলাম ব'সে ;

শিশির পড়িতেছিল বীরে বীরে থ'সে ;
নিমের শাখার থেকে একাকীতম কে পাখী নামি

উড়ে গেল কুয়াশায়,—কুয়াশার থেকে দূর কুয়াশায় আরো ।

তাহারি পাখার হাওয়া প্রদীপ নিভিয়ে গেল মূখি ?

অন্ধকার হাতুড়ায় বীরে বীরে দেশ লাই খুঁজি ;

যখন জালিব আলো কার মুখ দেখা যাবে বলিতে কি পার ?

কার মুখ ?—আমলকী শাখার পিছনে

শিতের মতন বীকা নীল চাঁদ একদিন দেখেছিল তাহা ;

এ খুসর পাভুলিপি একদিন দেখেছিল, আহা,

সে মুখ ধ্বংসতম আজ এই পৃথিবীর মনে ।

তবু এই পৃথিবীর সব আলো একদিন নিভে গেলে পরে,

পৃথিবীর সব গল্প একদিন ছুরাবে যখন,

মাহুয র'বে না আর, র'বে শুধু মাহুযের স্বপ্ন তখন :

সেই মুখ আর আমি র'ব সেই স্বপ্নের ভিতরে ।

হরিণেরা

জীবনানন্দ দাশ

বনের ভিতরে বৃষ্টি—কান্টনের জ্যোৎস্নার ভিতরে
দেখিলাম পলাশের বনে খেলা করে

হরিণেরা ; রূপালি চাঁদের হাত শিশিরে পাতায় ;
বাতাস ঝাড়ছে ডানা,—মুজা স্বরে ঘাস

পল্লবের ফাঁকে ফাঁকে—বনে বনে—হরিণের চোখে ;
হরিণেরা খেলা করে হাওরা আর মৃত্যুর আলোকে ।

হীরের প্রদীপ জেলে শেফালিকা বোস ঘেন হাসে
হিস্জল ডালের পিছে অগণন বনের আকাশে ;—

বিদগ্ধ ধূসর কোন পৃথিবীর শেফালিকা; আহা,
কান্টনের জ্যোৎস্নায় হরিণেরা জানে শুধু জ্বালা

বাতাস ঝাড়ছে ডানা, হীরা বরে হরিণের চোখে ;—
হরিণেরা খেলা করে হাওরা আর হীরার আলোকে ।

মরুভূমিতে গুলু

অলকা

সমর সেন

কার নীল চোখে

এখনো সমুদ্রের গভীরতা কাঁপে,
ট্র্যাফলাইন শেষ হলে, শেষ হলে ধূসর নহর ।

আর এখনো আকাশের মরুভূমিতে
নিঃসঙ্গ পশুর মতো রাজি আসে,
ট্র্যাফলাইন শেষ হলে, শেষ হলে ধূসর নহর ।

রাজে, চাঁদের আলোয় শূন্য মরুভূমি জলে
বাঘের চোখের মতো ।

অকাল বসন্ত

মহাকাল আজ আমাদের সামনে কাঁপে,—

শোনে, দক্ষিণের হাওয়ায় শোনে,

নতুন জীবনের হ্রস্ব ঝড় ;

বুনা হাঁসের দল রোদে-ভরা সমুদ্রের দিকে
তাদের শুভ্র ডানা মেলল :

সামনে দূর সমুদ্রের দীপ্ত দিন !

—আজকের হাওয়ায় শুনি শেষ শব্দের পদক্ষেপ,
টুকরো টুকরো আশা আর আনন্দ আর শব্দের শেষে
অদৃশ্য শব্দের পদক্ষেপ ।

রামগিরিতে কতদিন

বরফের জলন্ত স্তম্ভভায়
স্বর্ষের উজ্জল বর্ষা লাগল ;
সামনে স্বপ্নের মতো উঠেছে পাহাড়ের ঢেউ ।

আজো জলন্ত থড়োর মতো আকাশে

চাঁদ ওঠে,

আজো সামনে

মৃত্যুর মতো মন্থর জীবন ।

স্বর্গ হতে বিদায়

স্নান হয়ে এলো কুমালে

ইভনিং-ইন-প্যারিসের গন্ধ—

হে শহর হে ধূসর শহর

কানিঘাট ব্রিজের উপরে কখনো কি শুনতে পাও

লম্পটের পদধ্বনি

কালের যাত্রার ধ্বনি শুনিতে কি পাও

হে শহর হে ধূসর শহর !

লুক লোকের ভিড়ে যখন ভুমি নাটো

দশ টাকায় কেনা কয়েক গ্রহরের হে উর্ধ্বশী,

তখন সাদির আর তাড়ির উল্লাসে,

অমৃতের পুত্রের বৃক্ চিত্ত আত্মহার

নাচে রক্তধারা

আর দিগন্তে জলন্ত চাঁদ ওঠে

হে শহর হে ধূসর শহর ।

‘আমি নহি পুরুষা হে উর্ধ্বশী’,

মোটের আর বায়ে

আর রবিবারে ভায়মণ্ডহারবারে

কয়েক টাকায় কয়েক গ্রহরের আমার প্রেম,

তারপর সামনে শূন্য মরুভূমি জলে

বাঘের চোখের মতো ।

১৯০০

সমুদ্র শেষ হল,
আজ ছরস্ত অন্ধকার জানা বাড়ে
উড্ডস্ত পান্থীর মতো,
সমুদ্র শেষ হল :
গভীর বনে আর হরিণ নেই,
সবুজ পান্থী গিয়েছে ম'রে,
আর পাহাড়ের ধূসর অন্ধকারে
ছরস্ত অন্ধকার জানা বাড়ে
উড্ডস্ত সাপের মতো।
সমুদ্র শেষ হল
চাঁদের আলোর
সমুদ্রের শূন্য মকলুসি জলে।

মদনভট্টায়ের প্রার্থনা

মাঙ্গলের দীর্ঘ রেখা দিগন্তে,
জাহাজের অজুত শব্দ,
দূর সমুদ্র থেকে ভেসে আসে
বিষম নাবিকের গান।

সমস্ত দিন কাটে ছঃষ্পের মতো ;
বাজে ধূসর প্রেম : কুহুমের কারাগার।
কতো দিন, কতো মঘর, দীর্ঘ দিন,
কতো গোদুলি-নদীর অন্ধকার,
কতো মধুরাতি রভসে গোভায়হ,
আজ মৃত্যুলোকে দাপ্ত প্রাণ
দূর সমুদ্র থেকে ভেসে আসে
বিষম নাবিকের গান।

বিরহ

তোমারে ভাবিয়া যবে অন্ধকার রাতে
অপলকে কাটায়েছি তারাদের সাথে
দীর্ঘ বিরহ-বেলা কেটেছে তখন
ঈশরের স্তুতির মতন ।

বাধায় মুচ্ছিত, তবু মধুর মধুর
রোমাঙ্কের মত সেই বিরহের সুর
মর্দরে ভরেছে মোর হৃদয়ের বন
ঈশরের স্তুতির মতন ।

আজ তুমি এত কাছে তারা-ভরা ব্যভে,
রাখিছাছি রাস্ত হাত ভব তপ্ত হাতে ।
রাত্রির হৃদয়ে তবু বিরহ-স্পন্দন
ঈশরের বজ্রের মতন ।

পরিচ্ছেদ

প্রতিভা বহু

থাক, থাক,

এ নিয়ে ভেবে কী হবে ?

বে চাকায় তোমার জীবন চিরকাল ঘুরে চলেছে

সেই ঘূর্ণমান চাকাতেই তুমি থাকো,

তা নিয়ে অভিযোগে আর অভিমানে

মনকে বিব্রত করবো

এমন সময় আমার নেই ।

আমি ঘুরেই শ'রে যাই ।

আমার সন্তা আর আমার নিঃসঙ্গ জীবন

সে তো কারো নয়—

তাই নিয়ে ঘুরে শ'রে যাই আমি

যেখানে তোমাকে দেখা যায় না

ছোঁয়া যায় না

ডাকলেও শোনা যায় না যেখানে—

হৃৎধের দেয়াল ঘেরা সেই অন্ধ অন্ধকারে

মৃত্যুর অতল অন্ধকারে ।

আমি যদি লিখতে পারতুম তোমার মতো
যদি বোঝাতে পারতুম আমার কথা,
তবে তুমি এমন ক'রে ছিঁড়তে পারতে না আমাকে
কাটিতে পারতে না প্রতিমূর্ত্তে কুচি-কুচি ক'রে
তোমার ঐ রক্তহীন

হিমেল ঠাণ্ডা নীরবতা দিয়ে—
যদি বোঝাতে পারতুম!

যদি বোঝাতে পারতুম আমার কথা
তবে তুমি আসতেই
তুমি আসতেই আমার বৃকের অন্ধকার বেয়ে,
সেই অপরূপ নিঃসঙ্গ ঘরে
আমি শুনতুম তোমার পাখের শব্দ
আশায় আর আশঙ্কায়,
আরক্ত হ'য়ে উঠতুম উত্তপ্ত উচ্ছ্বাসে;
আর তুমি আমাকে নিয়ে যেতে
তোমার অপূর্ণ জ্যোতির্ধর্ম জীবনে
যদি পারতুম
যদি বোঝাতে পারতুম আমার কথা।

চারদিকে পাহাড় ঘেরা এই রামগড় হ্রদ
আকাশের মতো কালো এর জলের রঙ
গভীরতম গভীরতায় সঞ্চিত রেখেছে ইতিহাসকে।
আলো বাবার পথ নেই। আকাশের মত কালো জল।
মধ্যাহ্নের সূর্য ঠিকরে পড়ে কালো পাথরের জলে।
বহরিনকার ঘুমিয়ে পড়া এক নীরব আগেরগিরি।

আমি যখন দেখলুম এই নির্ঝাঁক সমুদ্রকে
তখন এর বুকে বয়ে চলেছে জলন্ত আগুনের স্রোত;
আকাশ থেকে নেমে এসেছে সে আগুন নেভানো চিত্তার মতো
বিস্তৃত রঙীন শূন্যতায়। বসে রইলুম এই শ্রশানে।
পাহাড়ের পিছনে সূর্য নেমে গেল। তার কর্ণিক স্পর্শ রেখে গেল
পাহাড়ের ছড়ায় গাছের মাথায়, ধমকে-ধাকা মেঘের অন্তরে অন্তরে।

তাজমহল

দ্বিজেন্দ্র মৈত্র

তোমাকে দেখেছিলুম আগ্রা যাবার পথে ।
 তুমি উঠলে যাবার এক স্টেশন থেকে,
 চমকে উঠলেম । একেই তো আমি চেয়েছিলেম,
 খুঁজেছিলেম প্রতি দেয়ের চোখে ।
 তুমি বসলে আমার সাম্নাসাম্নি, বাইরের দিকে মুখ ফিরিয়ে,
 তোমার চূলে লেগেছে অন্তর্গত সূর্যের আলো
 ঝিকমিক করে ওঠে তোমার দুল;
 তুমি চেয়ে রইলে গতিশীল দিগন্তের দিকে, অপলক চোখে ।
 শুধু একটা স্টেশন, তারপর তুমি গেলে নেমে
 দুটু অথচ শান্ত পারে, ফিরেও চাইলে না আমার দিকে ।
 সূর্য তখন অন্ত গেছে, পশ্চিম আকাশে শেষ রক্তীন স্বপ্ন ।
 আমি নামলেম আগ্রায় ।
 প্রকৃত কথা বলতে কী তাজমহল আমার ভালো লাগেনি
 দেখতে পাইনি এর মধ্যে শাজাহানের অবিনশ্বর বিরহী আত্মা
 দেখলুম বারবার পুণিমা ও প্রতিপদের রাতে
 যেন প্রাণহীন একটা জড় সৌন্দর্য ।

ফিরে চলেছি আগ্রা থেকে পুরোনো পথে
 বাইরে নিবিড় অন্ধকার, ট্রেন চলেছে হ-ছ করে
 গাছ পালা স্কোপ ভূতের মত সামনে এসে সরে যাচ্ছে
 বুনো জন্তুর মত ভয় পেয়ে ছুটে চলেছে ট্রেন ।
 হঠাৎ তোমার মুখখানি সূর্যের সোনা মাখানো
 জলে উঠলো ভীক প্রবীপশিখার মত
 যেন দূরে ফেলে আসা রাস্তার স্টেশনের আলো ।
 তুমি দাঁড়িয়ে আছ জরিফ রূপায়নে ।
 মহাকাল ধমকে আছে কবিক স্তম্ভভায় ।

যযাতি

অনেক পাপের পরম তাপের বিষম বোঝা
অনেক দিনের অনেক জ্ঞানের চরম ক্ষতি
অনিকেত মনে যাকের কুট প্রশ্ন আনে ।
তাইত কাতরে ব্যাধভয়াহত পাহাড় খোঁজা
পাতালপুরীর আধারে তাইত প্রণয়রতি
নাটকীয়হরে যযাতিশিরার প্রবল গানে ।
বহুদুরার অগ্নিউদরে লেগেছে দোলা
শতশিল ধুমকেতু তার অস্ত্র টানে
মরণ আহরি' আহারে বিবশ দিবসনিশা
উপবাসোগ্র ধমনীশিরার প্রবল তৃষা
নিজাহীনের রজনীতে তাই পরম ভোলা
নাটকীয়হরে যযাতিশিরার প্রবল গানে ।
গদ্যামণির সোনার খনিতে আগুন লাগে
আকাশশব্দ। হল শিঙ্গল বাপুকা জ্বালা
শনির কবিকা দৈবআখরে জীবনে হানে
মরণের ছায়া, করকোম্পির ছিন্ন মালা ।
তাইত স্থলয় নির্দয়লোভে তোমারে মাগে
প্রায়মুহূর্ষ যযাতিশিরার প্রবল গানে ।

মুখ

বুদ্ধদেব বস্তু

যোমটা টেনে দাও
যোমটা টেনে দাও তোমার মুখের উপর :
তোমার রূপ আমি সহিতে পারিনে ।

তোমার মুখ
নয়, উৎসুক, সম্পূর্ণ-উদ্ভাসিত
যেখানে বলসাহেব বিদ্যুৎ
যেখানে ভানা কাপটাচ্ছে অদৃশ পানি, আগুনের চেউয়ের মত তার
ডানার ওঠা পড়া—
আমি তা কেমন করে সহিবো ?

তোমার কি ভয় করে না
ভয় করে না আমার কাছে এসে বসতে ?
ভয় করে না চোখ তুলে ভাকতে আমার দিকে ?
তোমার কি ভয় করে না যে আমি ম'রে যাবো ?
যোমটা টেনে দাও
যোমটা টেনে দাও তোমার মুখের উপর—
তোমার মুখ আমাকে মারছে ।

এত মধুর তুমি, এমন নরম—তোমার হাত
বার-বার আমার হাতের মধ্যে মিশে যেতে চায়,
প'লে যেতে চায় মোমের মত আগুনে ;
তোমার সমস্ত শরীরের সৌরভ আমাকে জড়িয়ে ধরে,
আমার সমস্ত আত্মাকে জড়িয়ে ধরে তোমার চুল,
আর তুমি—তোমার দুই চোখের উৎস থেকে
বাসনার তারাময় স্রোত আমার উপর ঝরিয়ে দিয়ে বেলো—
মৃদুস্বরে, অর্ধশূঁচ স্বরে, তোমার ঐ ভাঙা-ভাঙা নরম গলায়
শুধু বেলো—‘কী ?’

তুমি কি জানো সেই মুহূর্তে আমি ম'রে যেতে পারতুম ?

তোমার মধুরতা, তোমার কোমলতা—
এর ভয়ঙ্কর ভার আমি সহিবো কী করে ?

দুঃখ দাঁও
দুঃখ দাঁও আমাকে—
এই নববর্ষার ছোট-ছোট বৃষ্টির মত
ধারালো দুঃখ আমার বুকের উপর নামুক :
যে-বৃষ্টিতে জাগে প্রাণের অঙ্কুর,
মাটি সবুজে হেসে ওঠে,
যে-বৃষ্টি জালিয়ে দেয় আশ্চর্য্য রামধন্থ
আকাশের প্রান্ত থেকে প্রান্তে ।

ঘোমটা টেনে দাঁও ।

ব্রাউনিঙের অনুসরণে

বুদ্ধদেব বসু

এ-ঘর থেকে ও-ঘর
আমি তাকে খুঁজে বেড়াই :
হঠাৎ চমকে উঠি—
বুঝি ও-আদ্যনায় পড়লো তার ছায়া ।
বুঝি বালিসে তার চুলের বাসি গন্ধ ;
বুঝি দেয়ালের বঁকা রোদে তার খোঁপার আধখানা ছায়া ;
একটু আগে সে কি বসেছিলো এই সোফাটায়,
এইমাত্র উঠে গেলো, তার আঁচল
রান্নাঘরের দরজায় ঝিলকিয়ে উঠলো—
থেকে-থেকে চমকে উঠি ।

এ-ঘর থেকে ও-ঘর
প্রেতের মত আমি ঘুরে বেড়াই ;
প্রেত-পাওয়া এই বাড়ি বোঝা হ'য়ে আছে
স্বতির ভয়ঙ্কর চাপে মুছিত ।
আকাশে পূর্ব থেকে পশ্চিমে স্বর্ষ্যের পরিক্রমণ
সময়কে আলোর করাত দিয়ে চিরে-চিরে যায়
এক-একটি মনিময় মুহূর্তে
এক-একটি বাণীবীন প্রত্যাশায় ।

নাম

বুদ্ধদেব বসু

দেয়ালে তোমার নাম লিখে গেছো
চুলের কাঁটা দিয়ে
ছোট ছ' অক্ষর।

মনে-মনে বলি, ওদিকে তাকাবো না,
ও-পথে উন্নততা।

বিছনায় শুয়ে রূপ ক্লান্ত হাতে
কী খেয়ালে নিজের নাম লিখেছিলে
ঐখানে—দেয়ালের গায়ে।

বলো, এখন আমি কী করে যুঝবো ?
এখন আমি তাকাবো কোমরিকে ?

শেষরাত্রে, ঘুম-ভাঙা চোখে
কতদিন আমরা দেখেছি
লাল-আলো-জালা টালিগঞ্জের ক্রীম
অক্ষরকার পার হ'য়ে আসছে।

ঐ তো সেই রাস্তার বাক, গাছের সারিতে আধো-লুকোনে,
এই তো সারাদিন ধ'রে ট্রামের গোঙানি
সারাদিন ধ'রে ট্রামিকের অট্টরোল :
কিন্তু আমার
আমার মন নিশেব,
নিঃস্পন্দ,
ধাতে-ধাত-চাপা মুছায় নিশেতন—
কেননা নিঃসাড় হ'তে যদি না পারি তাহ'লে উন্নততা।

সেই যে তুমি লিখে গেছো
দেয়ালের গায়ে তোমার নাম,
ছোট ছ' অক্ষর।

কার্তিক

ঘুমে ভরা, বিষম নিঃশ্বাসে ভরা নীরজ কার্তিক ।
নিশ্চল নিশ্চল দিন, আকাশ পাণ্ডুর ।
নিশ্চিত নিঃশ্বাসে বেলা, পৃথিবীতে পীত পাণ্ডুরোগ ।
নিশ্চিত মৃত্যুর মত

আসন্ন শীতের বেলা

হামাগুড়ি দিয়ে চ'লে আসে ;

শুভদিনে শূন্যমনে শুয়ে-শুয়ে

সহরের বিমর্ষ গোড়ানি শুনি,

কাক আর কুহুরের ডাক ;

সহরের মুহূর্ত নিঃশ্বাস শুনি ;

কিরাত-কার্তিকে কাক ডেকে-ডেকে

গৃহস্থের ঘরে-ঘরে নিঠে এলো ।

বিবর্ণ আকাশে

ওং পেতে চূপ ক'রে থাকে

সারাদিন ধূসর স্বাপন এক ;

সারারাত্রি ধূসর স্বাপন এক

হা-হা ক'রে চ'মে-চ'মে কেরে

আকাশের অনাকার অন্ধকারে ।

বুদ্ধদেব বস্তু

সমান্তি

সুদীপ্তনাথ দত্ত

বরষাবিষয় বেলা কাটানান উন্মন আবেশে ।

উদ্‌ঘাটিয়া জনশূন্য হৃদয়ের ঘার

শ্রবণের চলাচল করিলাম সহজ সরল ।

দৃষ্টিহারী নেত্রপাতে দেখিলাম সমস্ত আকাশে

এইমতো আর এক দিবসের ছবি ।

অবিশ্রান্ত বৃষ্টির বিলাপে

তুলিলাম সে-কণ্ঠের স্নেহসন্তাষণ ।

অর্পিত বাতায়নে ঝটিকার নিরর্থ আক্রোশে

বিচ্ছেদবিশ্বস্ত হিয়া বাখানিলো ক্ষুদ্র অক্ষমতা

নির্বিকার নিরন্তর রক্ষ বিধাতারে ॥

এলো সন্ধ্যা দ্বিকল্পবিরষণ ;

দিনান্তের মুহূর্ত বহুকা

ক্ষণিকের অক্ষুদ্র কৃত্রিম রচিতে

প্রাণের অস্তিম শক্তি অকাতরে দিলো নিঃশেষিয়া ;

তারপরে অন্তরে বাহিরে

অন্ধকার বিস্তারিলো শবপ্রাবরণী ॥

মনে হলো আশা নাই,
মনে হলো ভাষা নাই পিঞ্জরিত বার্থতা বলার।
মনে হলো
সঙ্কচিত হয়ে আসে মরণের চক্রবাহ ঘন।
মনে হলো রঙ্গুচারী মৃষিকের মতো
শতটি অঞ্জলিকণা বুড়িয়েছি এত কাল ধরে
রূপণের ভাণ্ডারে ভাণ্ডারে;
এইবার ফুরিয়েছে পালা,
যাতক যন্ত্রের কারা অবরুদ্ধ হলো অবশেষে;
এইবার উজ্জ্বলিত সখ্যাজ্ঞানীমূলে
পিষ্ট হবে অচিরে অকিঞ্চন উল্লসন্তি মম ॥

হাউই

শ্রুতিশেখর উপাধ্যায়

হাউইটা বারুদে ভরাটি।
শাহস ক'রে কেউ তার মুখে আগুন মিতে পারে না।
ভূমি বেপরোয়া,
আঁচোলটা কোমরে জড়িয়ে
বা হাতে সেটা আলুপোচে ধরলে,
ডান হাতে দীপটি একবার ছুঁয়ে দিলে তার মুখে।
জ্ব' ক'রে হাউই নিমেষে উড়ল আকাশে,
আঁধারের কষ্টপাথরের উপর
একটা সোনার রেখা টেনে দিয়ে,
পড়ল ঝ'রে হাজার তারায়।
তার পাকটির দেহটা কোথায় গিয়ে পড়ল কে জানে!

এই তুমি হচ্ছ সেই তুমি,
যে আমাকে একটি খুপের মত উড়িয়ে দিল আকাশে।
দিয়েছিল একটি মাত্র চুখন,
টিক ওই আগুনের ক্ষুধিতের মত সলিতার মুখে।
তোমার কাছ থেকে সেই আমার বিদায় অভিসার
উদ্ধলকে, বহিদরনি ধ'রে।
হাজার তারায় বরতে বরতে ছুটে চলেছি,
ওই ত আমার কবিতার পর কবিতা তোমার উদ্দেশে।

আমার দেহ? সেই পাকাটিটা?
কোথায় প'ড়ে আছে কে জানে!
কে-ই বা তুমি, কোথায় বা আছ,
সে সংবাদে আমার প্রয়োজন কি?
তোমাকে প্রশ্ন, আমাকে মুক্তি দিয়েছে হরের জুবনে।

প্রশ্নের উত্তর

জীবন-রহস্য নিয়ে
ঘাঁটাঘাঁটি, কথা-কাটাকাটি অনেক হয়েছে।
যে শূন্য, যার শেষ নেই
তারই ধবর পাবে বলে
মরণ-পথের যাত্রীদল তবু
ভিড় করেছে আগা-বাগ্‌হার সদয়ে।

কেমন করে আসা গেল,
কখন চ'লে যাওয়া হবে,
কেন বেঁচে থাকা, কেন পথ-চলা,
কেন ভালোবাসা—
এ সব ভাবনা আসে।

তত্ত্বজ্ঞানী বলে :
ভূমি-আমি
পরমাশ্চর্য টুকরো কিনা তাই।

বায়লজিস্ট বলে :
আমার এই প্রাণমন, অন্তর বাহির,
অস্থির খোলসটা,
ক্ষুণ্ণপিণ্ডের স্পন্দনধ্বনি,

অতু গুহাকুরতা

আমার ওই স্বপ্ন রসবোধ,
শরীরের মত দরকার,
রূপের পিপাসা, আর ভালোবাসার প্রচুর উৎসীড়ন—
সবই নাকি
বগু-বগু রূপে আছে
গোড়াকার প্রোটোপ্লাজমের অদেহী বিন্দুতে।
আধুনিক বৈজ্ঞানিকদের মতে
সব জন্মকারণের, সব গ্রন্থ আরম্ভের
আসল সংবাদই ঐ।

এ যুগের মনের ছুয়ার খুলে দিল
হেকেল, ইয়ং, ব্যাটেণ্ড, রাসেল,
মারি স্টোপ্‌স্‌ আর হাঙ্ক লক্‌ এলিস্।
মহাব ইফ্রোল্যুশনের থিওরির ছিল
নিভান্তই মনগড়া ;

অনন্তের যে-সন্ধান
বেদান্ত করেছে প্রচার
সে পথ হারিয়ে গেছে পথের বালিতে।

মিছে কেন জীবনের স্বরূপগুলি মিথ্যায় জড়াবো ?
কে না জানে
নারদি ফলের কোয়াগুলির মতো
জীবনের বীজবিন্দু

পরতে পরতে

জন্ম-স্বচনার গায়ে গায়ে

গোড়া হ'তে লেগে ছিল।

সেইজন্ত, সবই আজ চোখে পড়চে ধরা,

মায়া নয়, ছলনাও সে হ'তে পারে না ;

প্রোটোজুয়াগুলি কিল্‌বিল্ করতে থাকে

একখণ্ড কাচের উপরে

যখনই চোখে মাইক্রোস্কোপ লাগিয়ে দেখি।

বেহের মন্দির ভ'রে আছে মাইক্রোবে,

মাইক্রোব বাহন হয়েছে তার দেবতার ;

সব বৈজ্ঞানিকরা মিলে

ভালোবাসার গোপন কথাটি বুঝিয়ে দিয়েছে।

কেন ভালোবাসি ?

কেনই বা ভালোবাসা ফিরে পাই,

ফিরিয়ে দিই ?

আপ-টু-ডেট ব্যাখ্যা আছে :

শরীরের কোনো-কোনো গ্ল্যান্ড

স্নায়ু-স্তরঙ্গের উদ্দাম উচ্ছ্বাসে

যখন চঞ্চল হোয়ে ওঠে,

তখন ভালোবাসা জেগে ওঠে প্রাণে ;

শিরায়-শিরায় গ্রেম-কোষগুলি ডাক দিয়ে বলে :

"জাগো, ভালোবাসা।"

জাগে ভালোবাসা।

নবীনপঙ্খীরা আজ

জীবনের দুই পার দখল করেছে ;

বে পার থেকে হৃদয়-নদী পাড়ি দেয়ার সঙ্কল্প

করি জোঁগাড় ;

আর যে পারে গিয়ে চুকিয়ে ফেলতে চাই

পাওয়া-না-পাওয়ার সব হিসেবপত্র।

বিষ্ম থেকে স্তব্ধ হয়েছিল যে দেহটা

তার বিম্ববিসর্গও জানতে পারলাম না ;

যে আবেগগুলি শিরশিরিয়ে উঠেছিল

বার বার

অকারণ আনন্দে,

তার চলাচলের রাস্তাঘাট

তিনবার অবকাশ আর মিললোই না।

আরস্ত হওয়ার কাহিনীটা

লেখা আছে বাদে নোটখাতায়,

সেটা তারাই পড়লো,

আমি পড়তে গেলাম না।

গদ্য-কাব্য

গল্প-কাব্য নিয়ে সন্নিহিত পাঠকের মনে তর্ক চলছে। এতে আশ্চর্যের বিষয় নেই।

ছন্দের মধ্যে যে বেগ আছে সেই বেগের অভিধাতে রসগর্ভ বাক্য সহজে হৃদয়ের মধ্যে প্রবেশ করে, মনকে ছুলিয়ে তোলে—এ কথা স্বীকার করতে হয়।

শুধু তাই নয়। যে সংসারের ব্যবহারে গল্প নানা বিভাগে নানা কাজে বেটে মরছে কাব্যের জগৎ তার থেকে পৃথক। পঙ্ক্তির ভাষা-বিশিষ্টতা এই কথাটাকে স্পষ্ট করে; স্পষ্ট হোলেই মনটা তাকে স্বল্পে জ্ঞান করবার ক্ষমতা প্রস্তুত হোতে পারে। গেক্সা বেশে সম্মানী জানান দেয় সে গৃহীর থেকে পৃথক, ভক্তের মন সেই মুহূর্তেই তার পায়ে কাছে এগিয়ে আসে—নইলে সম্মানীর ভক্তির ব্যবসারে ক্ষতি হবার কথা।

কিন্তু বলা বাহুল্য সম্মানস্বর্গের মুখ্য তত্ত্বটা তার গেক্সা কাপড়ে নয় সেটা আছে তার সাধনার সত্যতায়। এই কথাটা যে বোঝে, গেক্সা কাপড়ের অভাবেই তার মন আরো বেশি করে আকৃষ্ট হয়। সে বলে আমার বোধশক্তির দ্বারা ই সত্যকে চিনব, সেই গেক্সা কাপড়ের দ্বারা নয় যে কাপড় বহু অসত্যকে চাপা দিয়ে রাখে।

ছন্দটাই যে ঐকান্তিকভাবে কাব্য তা নয়। কাব্যের মূল কথাটা আছে রসে, ছন্দটা এই রসের পরিচয় দেয় তার আনন্দিক হয়ে।

সহায়তা করে দুইদিক থেকে। এক হতে স্বভাবতই তার দোলা দেবার শক্তি আছে, আর এক হতে পাঠকের চিত্রাভাস্ত সংস্কার। এই সংস্কারের কথাটা ভাববার বিষয়। একদা নিয়মিত অংশে বিভক্ত ছন্দই সাধু কাব্যভাষায় একমাত্র পাণ্ডুর ব'লে গণ্য ছিল। সেই সময়ে আমাদের কানের অভ্যাসও ছিল তার অহঙ্কে। তখন ছন্দে মিল রাখাও ছিল অপরিহার্য।

এমন সময়ে মধুসূদন বাংলাসাহিত্যে আমাদের সংস্কারের প্রতিফল আনলেন অমিত্রাক্ষর ছন্দ। তাতে রইল না মিল। তাতে লাইনের বেড়াঙল সমানভাবে সাজানো বটে, কিন্তু ছন্দের পদক্ষেপ চলে ক্রমাগতই বেড়াঙা ভিত্তি। অর্থাৎ এর ভদ্র পদের মতো কিন্তু ব্যবহার গজের চাল।

কবিতা

সংসারের অনিত্যতার আর একটা প্রমাণ দিই। এক সময়ে কুলবধুর মজা ছিল, সে অন্তঃপুরচারিণী। প্রথম যে কুলস্রীরা অন্তঃপুর থেকে অদৃষ্টোৎপত্তি বেরিয়ে এলেন তাঁরা সাধারণের সংস্কারকে আঘাত করতে তাঁদেরকে সন্দেহের চোখে দেখা ও অপ্রকাশ্য বা প্রকাশ্যে অপমানিত করা, প্রহসনের নারিকারূপে তাঁদেরকে অট্টহাস্যের বিষয় করা প্রচলিত হয়ে এসেছিল। সেদিন যে মেয়েরা সাহস ক'রে বিশ্ববিজ্ঞানে পুরুষ ছাত্রদের সঙ্গে একত্রে পাঠ নিতেন তাঁদের মধ্যেও কাপুরুষ আচরণের কথা জানা আছে। ক্রমশঃই সংস্কার পরিবর্তন হয়ে আসছে। কুলস্রীরা আজ অসংশয়িতভাবে কুলস্রীই আছেন যদিও অন্তঃপুরের অবরোধ থেকে তাঁরা মুক্ত।

তেমনি অমিত্রাক্ষর ছন্দের মিলবর্জিত অসমানতাকে কেউ কাব্যরীতির বিরোধী ব'লে আজ মনে করেন না। অথচ পূর্বতন বিধানকে এই ছন্দ বহু দূরে লঙ্ঘন করে গেছে।

কাজটা সহজ হয়েছিল কেননা তখনকার ইংরেজিগোষ্ঠী পাঠকেরা মিস্টন শেক্সপিয়ারের ছন্দকে শ্রদ্ধা করতে বাধ্য হয়েছিলেন।

অমিত্রাক্ষর ছন্দকে জাতিতে ভুলে নেবার প্রসঙ্গে সাহিত্যিক সনাতনীর এই কথা বলবেন যে, যদিও এই ছন্দ চোখ অক্ষরের গণিতা পেরিয়ে চলে তবু সে পরায়ের লয়টাকে অমাত্র করে না।

অর্থাৎ লগ্নকে রক্ষা করার দ্বারা এই ছন্দ কাব্যের ধর্ম রক্ষা করেছে, অমিত্রাক্ষর মধ্যে এইটুকু বিশ্বাস লোকে ঝাঁকড়ে রয়েছে। তারা বলতে চায় পরায়ের সঙ্গে এই নাড়ীর সম্বন্ধটুকু না থাকলে কাব্য কাব্যই হোতে পারে না। কী হোতে পারে এবং হোতে পারে না তা হওয়ার উপরেই নির্ভর করে, লোকের অভ্যাসের উপর করে না—এ কথাটা অমিত্রাক্ষর ছন্দই পূর্বেই প্রমাণ করেছে। আজ গল্প কাব্যের উপরে প্রমাণের ভার পড়েছে যে গজও কাব্যের সংস্কার অসম্ভাব্য নয়।

অথারোহী সৈন্তও সৈন্ত আবার পদাতি সৈন্তও সৈন্ত—কোনখানে তাদের মূলগত মিল? যেখানে লড়াই করে জেতাই তাদের উভয়েরই সাধনার লক্ষ্য। কাব্যের লক্ষ্য হৃদয় জয় করা,—পায়ের ঘোড়ায় চড়েই হোক আর গাড়ে পা চালিয়েই হোক। সেই উদ্দেশ্যসিদ্ধির সক্ষমতার দ্বারা ই তাকে বিচার করতে

হবে। হার হোলেই হার, তা সে ঘোড়ায় চড়েই হোক আর পায়ে হেটেই হোক। ছন্দে লেখা রচনা কাব্য হয় নি তার হাজার প্রমাণ আছে, গদ্য রচনাও কাব্য নামধরলেও কাব্য হবে না তার ভূরি ভূরি প্রমাণ জুটতে থাকবে।
ছন্দের একটা হবিধা এই যে ছন্দের স্বভাবই একটা মাধুর্য্য আছে, আর কিছু না হয় তো সেটাই একটা লাভ। সস্তা সন্দেহে ছানার অংশ নগণ্য হোতে পারে কিন্তু অস্তুত চিনিটা পাওয়া যায়।

কিন্তু সহজে সন্তুষ্ট নয় এমন একগুণে মাছুষ আছে, যারা চিনি দিয়ে আপনাকে ভোলাতে লজ্জা পায়। মনভোলানো মালমসলা বাফ দিয়েও কেবলমাত্র খাটি মাল দিয়েই তারা জিতবে এমনতরো তাদের বিশ্বাস। তারা এই কথাই বলতে চায় আসল কাব্য জিনিষটা একান্তভাবে ছন্দ অছন্দ নিয়ে নয়, তার গৌরব তার আন্তরিক সার্থকতায়।

গদ্যই হোক পদ্যই হোক রসরচনামাত্রেরই একটা স্বাভাবিক ছন্দ থাকে। পণ্ডে সেটা স্বগ্রন্থাক্ষর; গণ্ডে সেটা অন্তর্নিহিত। সেই নিগূঢ় ছন্দটিকে গীড়ন করলেই কাব্যকে আহত করা হয়। পণ্ড-ছন্দবোধের চর্চ্চা বাঁধা নিয়মের পথে চলতে পারে কিন্তু গণ্ড-ছন্দের পরিমাণবোধ মনের মধ্যে যদি সহজে না থাকে তবে অলঙ্কারশাস্ত্রের সাহায্যে এর দুর্গমতা পার হওয়া যায় না। অথচ অনেককেই মনে রাখেন না যে, যেহেতু গণ্ড সহজ, সেই কারণেই গণ্ডছন্দ সহজ নয়। সহজের প্রলোভনেই মারাত্মক বিপদ ঘটে, আপনি এসে পড়ে অসতর্কতা। অসতর্কতাই অপমান করে কলালক্ষ্যকে, আর কলালক্ষ্যী তার শোধ তোলেন অকৃতার্থতা দিয়ে। অসতর্ক লেখকদের হাতে গদ্যকাব্য অবজ্ঞা ও পরিহাসের উপাদান স্বপাকার ক'রে ভুলবে এমন আশঙ্কার কারণ আছে। কিন্তু এই সহজ কথাটা বলতেই হবে যেটা যথার্থ কাব্য সেটা পণ্ড হোলেও কাব্য গণ্ড হোলেও কাব্য।

সবশেষে এই একটি কথা বলবার আছে :—কাব্য প্রাত্যহিক সংসারের অপরিমার্জিত বাস্তবতা থেকে যত দূরে ছিল এখন তা নেই। এখন সমস্তকেই সে আপন রসলোকে উত্তীর্ণ করতে চায়—এখন সে স্বর্গরোহণ করবার সময়ও সন্দের সুহৃদটিকে ছাড়ে না।

বাস্তব জগৎ ও রসের জগতের সমন্বয়সাধনে গদ্য কাজে লাগবে; কেননা গদ্য শুচিবামুগ্রন্থ নয়।

১২।১।১০৬

রবীন্দ্রনাথ ঠাকুর

৪৮

সম্পাদক : বুদ্ধদেব বসু : প্রেসে প্রিন্ট : সহকারী সম্পাদক : সমর সেন ;
ও ৬ চিত্রাবলি দাস লেন অগোঁড়ার খেন হইতে প্রকাশিত রায় কৰ্ত্তৃক মুদ্রিত ও প্রকাশিত

কবিতা

দ্বিতীয় বর্ষ

চৈত্র, ১৩৪৩

তৃতীয় সংখ্যা

ইকনমিস্ত

বুদ্ধদেব বসু

বক্ষে যখন দিচ্ছে হানা

অম্মাভাবের জুগে,

তখনো কি স্বভাস্থানা

নেইকো হাতে রুক্ষ ?

পিষ্ট হলেম সুবুদ্ধি ও

চুষ্ট ইকনমিস্তে,

ভব্যতাতেও অধিতীয়—

নয় কি ধানিক কমিক সে?

ইহুটায় তো হাত-পা ছোড়ে

বাঞ্জে মরতে-মরতে,

ভজভাবে আমরা পড়ে

ইকনমিক গর্ভে।

অপমৃত্যুর তলায় পাতা

কত মত্ত খিওরি,

মুচ ইহুর ভাবলে না তা

দেখে আমরা শিহরি।

মনোবৃত্তি অতিরিক্ত
শিক্ষিত ও হৃদয়,
চক্ৰ হ'লেও অশিক্ষিত
মেজাজ হয় না রূপ ।
কালচারের চুড়ায় ব'সে
রাগ করতেও জাত যায়,
ঈর্ষা যদি হঠাৎ কোসে
ম'রেই যাবো লজ্জায় ।
অর্থনীতির শাস্ত্রমতেই
যটছে যে এই কাণ্ডটা
সে-কথাটা বুঝবে না এই
মগজ-ভরা মুণ্ডটা !
উদরটা তুই অতি ইতর
তনার দিকে আকর্ষণ,
ভাঙবি এমন সাধা কি তোর
শালীনতার আদর্শন !
হায়রে কবি হায়রে,
অতি উচ্চ কাব্যচর্চা
তাতেও কিছু অর্থধরচা,
ভিতরটাতে হা-হা করুক,
হাসতে হবেই বাইরে ।

যদি এ-সব সভাবাগী
নাগে ঈষৎ বিদ্যুটে,
ধ্বংস করো, মফিরানি,
কটাক্ষের বিদ্রোহে ।
মফিরানি, চক্ষে তোমার
অশিক্ষিত মূর্তি,
প্রজলিত কল্লনার
অসংবত ছুঁটি ।
বিখজ্জী দহ্যতার
হুঃসাহসী বণিক সে,
দেয়নি ধরা বৈশ্রভার
ক্ষুদ্র ইকনমিক্সে ।
মফিরানি, মুক্ত করো
যৌবনের বহাজল,
যয় হোক হৃদয়তরো
স্ববুদ্ধির সৈন্যদল ।
নিয়ম মেনে বিশ্ব চলে
বিধাতাও তো গণিতকার,
তোমার চোখে আগুন জলে
ধন্য মোহ ক্ষণিক তাঁর ।

কবিতা

স্বপ্নস্থ তুচ্ছ অতি,
 সবই হচ্ছে সিস্টেমে,
 তাই পৃথিবীর অগ্রগতি
 চলছে পুরো ইষ্টমে।
 তুমি রঙিন সাড়ি পরো
 রক্ষে আছে কি গুরই ?
 তার মধ্যেও মত্ত বড়ো
 ইকনমিক থিওরি।
 মন্দিরানি, শুধু তোমার
 চক্ষে জ্বলে মুক্তি,
 যৌবনের বহুতার
 অসম্ভবের স্মৃতি।
 এই তো রানি, এই তো !
 চোখের চা'প উৎস খোলো,
 বিদ্রোহের ঝলক তোলো—
 অক বতই হোক না অন্ধ
 কোনো শব্দ নেই তো।

কবিতা

গুহার গান

জ্যোতিরিন্দ্রনাথ মৈত্র

প্রভু !

তোমার মাথায় পড়ে স্বচ্ছ শুভ্র রাতের কণিকা।
 তোমাকে রয়েছে বিরে আঁধারের নীরব আলোক।
 আমি আছি অতল গুহার।
 বৃকের উপর চেপে রয়েছে অজ্ঞতা
 গভীর সে রাত,
 তু পীকৃত পাহাড়ের সমাধির মত।
 আমি যেন শুন্তে পাই আমার এ সমাহিতি হতে
 নরম রাতের চূর্ণ বিন্দু-বিন্দু ধরে,
 কালো আঙুরের মত গুচ্ছ-গুচ্ছ
 তোমার গু-চুলে।

প্রভু !

তোমার বিশাল হাত আমাকে কিরেছে বৃক্ষে, জানি,
 শিকারী হাতের ছায়া কেঁদে গেছে দেহের উপর।
 আমার বৃকের রক্ত হয় নাই এখনো ত হিম।
 এক বিন্দু উষ্ণতায় যদি জ্বলে জীবন আমার,
 এক বিন্দু চোখের আভার
 এ বদন বজ্রই আমার।

প্রভু,

তোমার মাথার 'পরে অর্থা পড়ে
অনাদি রাতের ।
তার ঘন সুরভির ঝড়
আমার অসাড় ঘরে করে করাঘাত
চলে যায় গ্রহলোক পানে ।
আমি থাকি পড়ে অনুহায় ।
পক্ষাঘাত দুর্ভেদ্য গ্রহরী ।
তোমার কুঠারে চূর্ণ ক'রে দাও মোরে ।
দুহাতে ছড়িয়ে দাও রাতের আকাশে ।
আমার এ গুহাকাশে বজ্র হানো, প্রভু
দধি হোক আমার এ শব ।

জাতক

জ্যোতিরিন্দ্রনাথ মৈত্র

বহুদিন আগে,
যখন মাগুব ছিল জেলিমাত্ত,
আর, গাছপালাগুলো
ছিল সব্বের লোক—
(তুমি বিশ্বাস করবে না)
তখন কুমারী আকাশটার কথা
ভেবে দেখেছো ?
ইন্দ্রধনুর বর্ণ ছিল
সারা আকাশটার গায়ে,—
ভিজ্জে রং—,
তারাদের দল ছিল পাকী;
তাঁদের ভানায় এখনও তাই কত রং !
আজ তারা মর্ন্ত্যে নেমেছে ।
আর, তাদের পুরোনো ইজ্ঞাগুলো
টুকরো টুকরো হ'য়ে ছড়িয়ে পড়ে
জলছে উপরে ।

তখন ভুমিও ছিলে না,
আদিও ছিলাম না, স্বরমা,
আকাশের মূখ চেয়ে।
আজ মাহুয় পালিয়ে এসেছি,
আমিও এসেছি
জেলিমাছের মূগ থেকে
হাজার হাজার বছরের পথ বেয়ে,
সমুদ্রের তলে অন্ধকার শাওলা-ঢাকা পথ,
কাকরের রাস্তা,
পাথরের রাস্তা,
ইটের রাস্তা
আর পিচের রাস্তা বেয়ে,
তোমার কাছে।
তোমার বাগানের এক কোনে
ছোট ছাতিম গাছ,
গন্ধে উঠেছে ভরে।
আর দেখেছি
গোন্ধ মোহরের ফুলগুলি সোনা ছড়ায়
রোজ সকালে
রোদ্দুরের আঙুল দিয়ে।

মুই ফুলের ঝাড়গুলোর নিচে
মরা ফুলের তৃণ,
হৃগদ্বী বরফের মত অঁমে রয়েছে।
এই বাগানে বাসা বেঁধেছি, স্বরমা

আমার সেই পুরোনো, জেলিমাছের আত্মাকে ঘিরে
গঁড়ে উঠেছে দেহ
শিরা উপশিরায় ঢাকা,
যেমন গঁড়ে ওঠে প্রাচীন ভগ্নস্তূপের উপর
উইয়ের চিপি।
তোমার বেগী লতিয়ে নামে জান্না বেয়ে
দেখতে পাই,
আর তোমার বেগীর সপিল ডগাগুলোর
উজ্জত আগ্রহে
আমার বৃকের রক্ত জমাট বাঁধে;
আর তাই জান্নার নিচে,
অশ্বের চারটিকে খুন করতে ইচ্ছে করে।

সন্ধ্যার সময়
যখন আকাশের মুখ,
হ'য়ে ওঠে ঘুমুর বৃকের মত
নরম আর গোলাপি,
তখন তার দিকে চেয়ে চেয়ে
কোন্ রূপকথাকে খুঁজে বেড়াও জানি না।
—দেখছি আকাশকে ভোলো নি!

তুনে হযত হাসবে,—
তোমার চোখের স্পর্শ-লাগা আকাশ,
গুঁড়ি মেরে চুকেছে
আমার বৃকে।
কৃৎসিও ছড়াচ্ছে নীল রক্ত।
ছাতের আলসে থেকে,
তুমি দেখ, কালো পিচের রাস্তা দিয়ে
লাল রক্তলোম্বুপ বাসগুলো ছুটছে;
দূরে, জাহাজের হুইস্কে,
হরিণীর মত ওঠো চমকে।
আর আমি খুঁজে কিরছি
ফাটলগুলো
তোমার বাড়ির অনাচে কানাচে।

সনেট

("When by thy scorn, O' murd'ress, I am dead"—)

Donne

জ্যোতিরিন্দ্রনাথ মৈত্র

বৈশাখের দাবদাহ ভ'রে নিলে চোখে,
স্পর্শ-ভিক্ষু পাদপেরা পুড়ে হল থাক্।
কামনার সৌধচূড়া প্রলয় আলোকে
মুমূর্ষু ও শোকাভূর। আজ ঝ'রে যাক্
বিচ্যক্তিচে হৃদয়র স্বপন-স্বপ্নম।
যৌবনের মঙ্গল আশ্রয়স ভুলি'
দেহ ভরি' পান করি মৃত্যু-নীল ঘুম।
কবরীর মেঘ হতে বজ্র লাহো তুলি'
হানো-এই তপোধন শীর্ণতার বৃকে,
নিষ্টুর খুনির পায়ে ভস্ম যাক্ উড়ে।
প্রোত্তের দুর্জয় পথে নেমে যাবে স্বপে
গহন পাতালে। তবু ছায়াপথ ঘুরে
পাঠাবো বেদনা রাতে তোমার শিয়রে,
দুঃস্বপ্নের খড়্গ যাবো রাখি বক্ষ 'পরে।

ডি, এইচ. লরেন্সের

কয়েকটি অনুবাদ

১

গম্ভীর স্থির পাহাড়ের সামনে অস্পষ্ট ইন্দ্রধনুর ফিতে,
তার আর আমাদের মধ্যে বজ্রের যাওয়া-আসা।
নিচে সবুজ ক্ষেতে মজুররা দাঁড়িয়ে
কালো ধানের মতো, সবুজ ববের ক্ষেতে নিশ্চল।

তুমি আমার পাশে, তোমার খালি পায়ে স্যাণ্ডাল
বারাণ্ডার কাঁচা কাঠের গন্ধের মধ্যে দিয়ে ভাসছে
তোমার চুলের গন্ধ আমার কাছে :
ঐ আসছে
আকাশ থেকে পড়ল এসে বিদ্রাঘ।

দীপ সবুজ বরফগলা নদীতে কালো নৌকো
অন্ধকার কেটে-কেটে—বায় কোথায় ?
বজ্র হৈকে ওঠে। কিন্তু আমরা তো এখনো
পরস্পরের।

উলদ বিদ্রাঘ আকাশে কেঁপে-কেঁপে চলে' যায়।
—আমরা ছাড়া আর কিই বা আছে আমাদের ?
নৌকোটা গেলে চলে'।

বিষ্ণু দে

২

বাংলায় নীরবতা, বাক্তি গভীর, আমি একা
বারাণ্ডায়

শোনা যায় তিতার আর্দ্রনাশ, দেখা

যার সাগা নদীটির ভাঙা হাড় প্রেতচ্ছায়ায়

পাইনের ফাঁকে-ফাঁকে, পাথরের আকাশের পায়ে।

থেকে-থেকে গোটাকর জোনাকপোকাকর অস্পষ্ট অসাড়

মুগ্ধে মিশে যাওয়া।

ভাবি শুধু কোথা নিশি-পাওয়া

সর্বস্বান্ত বিলুপ্তির অন্ধকারে আমার নিত্যর ?

৩

না, না, এই রৌদ্র এবারুে থেমে যাক

চুনকামে বাক্বাক্ব বাড়িগুলো আর বারাণ্ডার টুক্টকে ফুলগুলো

আর দূরের ঐ নীলিম পাহাড়গুলো পিবে যাক

অন্ধকারের দুটো পেন্সিলের চাপে।

অন্ধকার উঠছে, অন্ধকার পড়ছে, তার চাপা আওয়াজে

সর্বস্ব মুছে দিয়ে-দিয়ে।

আলোর দেহালের ভিৎ ধ্বসে' যাক্, থসে' যাক্
আর অন্ধকারের পাখরগুলো হড়মুড় করে' নেমে আহুক
আর সব চিরকালের মতো হ'য়ে যাক্ ঘন কালো অন্ধকার।
ঘুম নয়, স্বপ্নে ঘুসর সে ঘুম,
মৃত্যুও নয়, নবজন্মের সত্তাবনায় সে স্পন্দমান,
শুধু ভারি, বিশ্ব-ভোবানো অন্ধকার, নিস্তর, নিশ্চল।

ঘুম ? ঘুমে কি হবে ?
পাহাড়ের উপর চলতি মেঘের ছায়া, আমার উপর ভেসে যায়,
সে আমায় বদলায় না, দেয় না কিছুই।
আর মৃত্যুও নিশ্চয়ই বাকি রেখে যাবে একটু বেদনা,
সেও ত বীজবাক্স, অস্থির।
একেবারে অন্ধকার হোক সব অন্ধকার
আমার ভিতরে, আমার বাইরে একেবারে
ঘন ভারি অন্ধকার।

৪

আমাদের দিন হলো গত,
রাত্রি উঠে আসে ঐ।

পৃথিবীর গর্ভ ছেড়ে চূপিসারে উঠে আসে
আঁধার ছায়ায়
আঁধার ছায়ায়
ধূয়ে দিয়ে যায় আমাদের ইটু
ভিন্নিয়ে দিয়ে ছিটিয়ে দিয়ে আমাদের উরু।
আমাদের দিন হলো শেষ।
কাগ ভেঙে ঠেলে-ঠেলে আমরা চলি
পাথরের কঁকে-কঁকে টলতে-টলতে পড়তে-পড়তে চলি।
ডুবলুম আমরা।
আমাদের দিন হলো গত
রাত্রি উঠে আসে ঐ।

৫

লেডা

এসো নাকো বহিষা চূখন
ছই বাহ ওঠাধরে গাঢ় আলিঙ্গন
বহিষা অক্ষুটস্থর মধুর গুঞ্জে
এসো তুমি পক্ষ-বিধুননে
সমুদ্রের হৃৎ বহি চঞ্চু ব আশ্বাদে
এসো তুমি তরঙ্গ-সকারী
সিক্ত তব শুভ্রপদপাতে
জলাভূমি-স্বকোমল উদরে আমার।

৬

আনো বিপ্লব বিদ্রোহ কেউ ভাই
অর্থভাগের অনর্ধে নয়
অর্থলোপের একান্ত দুঃশায়ী।
আনো বিপ্লব যাহোক্ একটা ভাই
অমিকের নব-অভিষেক চেয়ে নয়
অমিকের পাট একবারে তুলে দিতে
আর রচনা করতে শুধু
মাহুঘেরই নব স্বর্ধাখচিত দেশ।

৭

কবে তুমি শেখাবে তোমার জনগণকে
অমোঘ ন্যায়ের হে অমর দেবতা! নিজেদের উদ্ধার নিজেরাই করতে
কতবার ত তারা উদ্ধৃত হল
কতবার উপজীবিত।

অমোঘ ন্যায়ের হে অমরদেবতা! পাঠিও না আর
জনগণ-উদ্ধারের অবতার।
একদা এক অবতার এলেন, করলেন উদ্ধার।

তারা দেখলে যে তারা তাঁর অমৃতপিতার কাছে হয়ে গেছে
বন্দকী তমগুণক।

তারা বললে, উদ্ধার ত করলে গ্রহু
এদিকে যে উপবাস।

তিনি বলেন, ভালোই ত রে,
ওদিকে ততই ঘনিয়ে আসছে
আমার পিতার উনপঞ্চাশমহলা প্রাসাদে তোদের
কল্পপায়দারের ভোজ।

তারা বলে, গ্রহু একটু মোটা শাকামণ্ড যদি—
তিনি বলেন, ছিছি
কোথায় সেই বৈকুণ্ঠের পায়দার খাওয়া
আর তোরা চাস্ কিনা—

তারপরে ধরো নেপোলিয়ন
বলেন, আমি শু তোমাদের খালাস করলুম
অতীত আমলের আমূলমূল ইজারা থেকে।
তোমরা হস্তান্তরে আজকে আমার,
প্রস্তুত করো জীবনমরণ তোমাদের
আমারই তরকে।

হয়তো তারপরে আসেন গণতান্ত্রিকদল,
বলেন, তোমাদের উদ্ধার হল আজ,
তোমরা আমাদের উদ্ধৃত উদ্ধৃত পুঞ্জি
এবারে কলকারখানায় আর বাণিজ্যে বসতে লক্ষ্যী।

তারপরে লেনিন হয়তো বা,
বলেন, তোমাদের উদ্ধার সমাধা হল
একেবারে পাইকারি উদ্ধার।
তোমরা আর মাহুদ নয়, সেটা বড় বুজেরিয়া
তোমরা সোভিয়েট রাষ্ট্রই একমাত্র হিসাবনিকাশ, মনে রেখো
তোমরা সব সে হিসাবে এক এক দফা শুধু,
দফায় দফায় কিছু আসে যায় না।
এই ভুলেছে চিরকাল, লোক উদ্ধারের পেশা
হে ছায়ের দেবতা, কবে এদের শেখাবে
আত্মউদ্ধার?

নির্জন অলস মধ্যাহ্নের সুর

হেমচন্দ্র বাগচী

মধ্যাহ্নের অলস সুর।

মন সন্নিবিষ্ট পাতার উপর এসে পড়েছে

প্রদীপ্ত রৌদ্র।

বনতলে আলোছায়ায় খেলা

শ্রামল দূর্বার উপরে লাগে কীটপতঙ্গের মেলা।

একটা হলুদে রঙের পানী

পত্রবহুল কাঠাল পাছের ঘনতার মধ্য থেকে ডাকছে ক্রমাগত

চোখু গেল চোখু গেল।

তার সেই সুর ধীরে ধীরে উচ্চ থেকে উচ্চতর হয়ে উঠেছে—

নির্জন অলস মধ্যাহ্নের সুর

নাথ যায় অস্বস্থ শরীর ও মন নিয়ে

ঐ শ্রামল দূর্বার উপরে পড়ে থাকি কিছুকাল—

শ্রামল দূর্বার স্নিগ্ধ স্পর্শ

আর বনের স্নেহশীতল মর্মরধ্বনি।

চেয়ে চেয়ে দেখি—

নেবুর ফুল এখনো ধরে নি।

নেবুফলের গন্ধের সঙ্গে আসে

অনাদিকালের বিরহরাগিণী।

নির্জন অলস মধ্যাহ্নের স্থর।

চেয়ে চেয়ে দেখি—

পতমিথুনের লীলাবিলাস—

তাদের বলশালী কণ্ঠের ভীষণধ্বনি।

আর পুচ্ছের ক্ষত আন্দোলন,

বনতলের আধ আলো আধ ছায়ার মধ্যে

তাদের মূর্তিগুলির হৃষ্ট রেখা,

সজল আয়ত চকু,

ভঙ্গীতে জীবনের পরিচয়।

সাধ যায় দেখি

এই জীবনের চিত্র,

চোখের উপরে একটি বিশ্বত যুগের ছায়া ঘনায়—

তপোবন,

আলবালে জলশেচন,

মিলনকাতর ছুয়াস্তের বিলাপধ্বনি,

অতিপিনাক্তনীর ঋষিকৃত্তাদের বোবন-বেদনা।

আর দেখি,

মমরিত দেবদারুণবনজ্জায়ে

আয়তচকু রুম্মসারযুগের করুণ প্রেম নিবেদন।

স্বপ্ন ভেঙে যায়,

দেখি, সে দিন শেষ হয়েছে—

এখন শুধু অনবসরের কাহিনী।

প্রেম ? সময় নাই।

দয়া ? সময় নাই।

ক্ৰমা ? সময় নাই।

হরিণীদের আয়তচকুর বিভ্রম

বেদনায় নিগীড়িত হ'য়ে ওঠে।

* * *

অনেকদিন ধরে একটি পাখী

ক্রমাগত ডাকছে—

পত্রবহুল কাঁঠালগাছের মধ্য থেকে
চোখ্ গেল চোখ্ গেল—
তার ডাক শুনি
আর চেয়ে চেয়ে দেখি
ঘনশনিবিষ্ট পাতার উগরে এসে পড়েছে
প্রদীপ্ত রৌদ্র।
মধ্যাহ্নের জলতরঙ্গ বাজছে
তারি অলস ক্রিষ্টহর ভেসে আসছে
নারিকেলপত্রের উদাস মিমিরধ্বনিতে—
নির্জন অলস মধ্যাহ্নের স্বর।

জীবনরাত

জীবনানন্দ দাশ

শ্রাবণের গভীর অন্ধকার রাতে
ধীরে ধীরে ঘুম ভেঙে যায়
কোথায় দূরে বন্দোপসাগরের শব্দ শুনে ?
বর্ষণ অনেকক্ষণ হয় থেমে গেছে ;
যতদূর চোখ যায় কালো আকাশ
মাটির শেষ তরঙ্গকে কোলে ক'রে চুপ ক'রে রয়েছে যেন ;
নিতক হয়ে দূর উপসাগরের ধ্বনি শুনেছে।

মনে হয়
কারা যেন বড় বড় কপাট খুলছে,
বন্ধ ক'রে ফেলেছে আবাস ;
কোন দূর—দীর্ঘব—আকাশেরখার সীমানায়।

বালিশে মাথা রেখে বারো ঘুমিয়ে আছে
তারো ঘুমিয়ে থাকে :
কাল ভোরে জাগবার জ্ঞান।

যে সব ধূসর হাসি, গল্প, প্রেম, মুখেরখা
পৃথিবীর পাথরে কঙ্কালে অঙ্ককারে মিশেছিল
ধীরে ধীরে জেগে ওঠে তারা ;
পৃথিবীর অবিচলিত পল্লর থেকে খসিয়ে আমাকে বুঁজে বার করে ।

সমস্ত বপ্সাগরের উচ্ছ্বাস খেমে যায় যেন ;
মাইলের পর মাইল মৃত্তিকা নীরব হয়ে থাকে ।

কে যেন বলে :

আমি যদি সেই সব কপাট স্পর্শ করতে পারতাম
তাহ'লে এইরকম গভীর নিস্তর রাতে স্পর্শ করতাম গিয়ে ।—
আমার কাঁধের উপর ঝাপসা হাত রেখে ধীরে ধীরে আমাকে আগিয়ে দিয়ে ।

চোখ তুলে আমি

ছই তর অন্ধকারের ভিতর ধূসর মেখের মত প্রবেশ করলাম :
সেই মুখের ভিতর প্রবেশ করলাম ।

বিড়াল

জীবনানন্দ দাশ

সারাদিন একটা বিড়ালের সঙ্গে ঘুরে ফিরে কেবলই আমার দেখা হয় :
গাছের ছায়ায়, রোদের ভিতরে, বাদামী পাতার ভিড়ে ;
কোথাও কয়েক টুকরো মাছের কাঁটার সফলতার পর
তারপর শাদা মাটির কঙ্কালের ভিতর
নিজের স্বদয়কে নিয়ে মৌমাছির মত নিমগ্ন হয়ে আছে দেখি ;
কিন্তু তবুও তারপর কৃষ্ণচূড়ার গায়ে নখ আঁচড়াচ্ছে,
সারাদিন সূর্যের পিছনে পিছনে চলছে সে ।
একবার তাকে দেখা যায়,
একবার হারিয়ে যায় কোথায় ।
হেমন্তের সন্ধ্যায় আফ্রান-রঙের সূর্যের নরম শরীরে
শাদা খাবা বুলিয়ে বুলিয়ে খেলা করতে দেখলাম তাকে ;
তারপর অন্ধকারকে ছোট ছোট বলের মত খাবা দিয়ে লুফে আনল সে,
সমস্ত পৃথিবীর ভিতর ছড়িয়ে দিল ।

অকৃতজ্ঞ

সুধীন্দ্রনাথ দত্ত

আমার মৃত্যুর দিনে কোতুলী প্রশ্ন করে যদি—
সাধিলাম কী স্বকৃতি, হবো যার প্রসাদে অমর ?
যেনে নিও মূল্য কঠে, নেই মোর পাণের অবধি ;
সারা ইতিহাস খুঁজে মিলিবে না হেন স্বার্থপর ॥

অজস্র ঐশ্বর্য মোরে অপিয়াছে সমুদার বিধি ;
ভুঞ্জিছি নিহুঁত মনে সেন-সকলি প্রাপ্য ভেবে আমি ।
পেয়েছি অমিত স্বধা আমস্থিরা কালের বারিধি ;
করেছি তা আত্মসম, শুধু বিষ কঠে গেছে ধামি ॥

দেখেছি এ-সরচক্ষে নটরাজ মহাশূন্য নাচে,
শুনছি পাখির কানে সেন-সজ্জন্মপূরের ধ্বনি ;
তথাপি আমার বীণা বাজায়েছে বেহর পিশাচে,
অধরার অঙ্গনায়ে মাড়া কতু দেয় নি ধমনী ॥

কান্দন অদনে মোর ছড়ায়েছে অশোক পলাশ ।
দক্ষিণের বাতায়নে কৃষ্ণচূড়া হেনেছে বৈশাখ ।
জাগায়ে মেঘের মেঘের চপলাব চকিত বিলাস
বিকচ কদম্বকুলে আঘাত দিয়েছে মোরে ডাক ॥

শেফালীরঞ্জিত হস্তে নবান্নের নৈবেদ্য এনেছে
অতিক্রমি কাশবন সিতাধর স্থামল আশ্রিন ।
কাননে ছড়ায়ে সোনা উদাসী অশ্রাব চলে গেছে ।
পউষের অত্যাচারে সর্বহারা হয়েছে বিপিন ॥

তথাপি অভাব মোর মিটে নাই মূহুর্তের তরে ;
অপবায়ী প্রকৃতির অরক্ষিত দানসত্র হতে
অপহরি মহাবিন্ত আনিয়াছি বৎসরে বৎসরে
অশ্বভৌঁন কোষাগারে মল্লপুত্র হৃদয়ের পথে ॥

কিন্তু সে-ঐশ্বর্য দেখে হয় নাই কার্পণ্য লজ্জিত,
সন্দেহের অবকাশ পায় নাই গুণ তা আমার ;
কিরেছি ধনীর ঘারে অপলাপী চাঁবের সজ্জিত,
বলেছি নাটকী স্বরে—বিশে শুধু সত্য অবিচার ॥

অন্তরঙ্গ সখাসম ফুলধর আমার ইঙ্গিতে
ফুটাইয়েছে পারিজাত হিমকণ্ঠ তুঙ্গ তপোবনে ;
স্বয়ম্বরা শৈলহতা এসেছে কৌমার্য নিবেদিতে ;
টুটেছে ছঃস্রণ মোর ব্রহ্মাণ্ডের মদলাচরণে ॥

তবু মোর নীলকণ্ঠে উঠে নাই কামোদ স্বপ্নারি,
অনভাস্ত রসনার উৎসারিত হয়নি নীপক ।
মোর প্রিয়সত্তায়ণে বিরহের আশঙ্কা সঞ্চারি
অশ্বরের দ্বার জুড়ে হেসেছে অন্নীল বিদূষক ॥

গোপন বৈভব আমি ব্যক্ত ক'বু করিনি প্রিয়ারে ;
বুঝি নাই বিনিময়, বিনা-বয়ের বুড়য়েছি পূজা ;
অভিবাগ্ন স্বধা বম অবরোধে ঘিরেছে তাহারে,
পরিচুপ্তি বিতরিতে পারিনি স্বয়ং দশভুজা ॥

নিমেষ না-যেতে তাই হুরায়েছে প্রথম আবেশ,
উন্মীলিত বিনোচন জলিয়াছে বিপ্রলঙ্ঘনোভে,
অভিরাং সে-আগুন কামেঘে করেছে ভস্মশেষ ;
অপর্ণা পেছেছে চণ্ডী আত্মহিতে মোর উপদ্রবে ॥

কেবলি চেয়েছি আমি, ক্ষতি ক'বু ছোঁয়নি আমারে,
কোনোদিন বজ্রাঘাতে সর্গস্থাত্ত করেনি উর্ধ্বশী ;
মোর তারাদীপাবলী মূলাধার আমার ফুংকারে
কখনো যায়নি নিবে, ধ্বংসমুক হয়নি ক্রন্দসী ॥

শিথিলি কদাপি আমি, কামা যার নিচিহ্ন অনরা,
অনির্বাণ কুন্তীপাকে হতে হয় তাহারে নিখাদ ।
গুধুই জঞ্জালে তাই ভরিয়াছি প্রাণের পসরা,
গায়ত্রী জপেছি, কিন্তু শোনা গেছে নিরর্থ নিনাদ ॥

আমার যুজ্জ্বল দিনে তাই যদি অলস জিজ্ঞাসু
যাগে শবপরিত্তি, বিনা-ভায়ে বোলা তারে, স্বধা,—
জগতের কোনো কাজে লাগেনি এ-অধ্যাত্ত গভাস্ত,
যায়নি অনাথ ক'রে কোনো মৌন স্বপ্ন-অলকা ॥

শীতলপাটি

যুবলাগ

চিকণ শীতলপাটিটি বিছানো রগিন-ছাদারী ধরে,
গাল তারি 'পরে,
মাথার বালিশ কখন গিয়েছে সরে ।
এ পাশে গড়ায় হালের প্রবাসী,
এলোমেলো, পাতা খোলা ।
পড়ন্ত বেলা, এখনো ঘুমোর আপন ভোলা ।

শাড়ির আঁচল গায়ে নেই,
নেই ধোঁপায় চুলের কাঁটা ।
ধরধর কাঁপে চপ্পকাধর দিনের দ্বন্দ্বপনে ।
যদি দোষ হয়
পরে মাপ কোরে, না হয় কোয়ো না কথা ।
এখন ত আমি গুট প্রান্ত একে দেব চুষনে ।

গালেতে পাটির লেগেছে দাগ,
টোটেতে আমার চুমো ।
চোখের প্রাণ, ভালোবাসি কিনা,
কাল হবে ।
আজ যুঁমো ।

প্রশস্তি

সুরেশ্বর শর্মা

আমার আকাশে যবে বর্ষনানে হেরি অন্তরাগ,
অনাগত ভবিষ্যের অরুণিমা তরুণের মুখে
নেহারি প্রত্যাশাপূর্ণ মুগ্ধ নেত্রে, জাগে পূর্বরাগ
আমার যুযুৎ প্রেমে অভিনব হৃৎথে আর হৃৎথে ।
এ জীবনে রহিল যা স্বপনের আকাশকুহুম,
তার প্রস্ফুটিত শোভা হেরি আমি আগামী পটে,
পূর্বাশার গিরিশৃঙ্গ হ'তে যেন আবীর কুহুম
মৃতি মৃতি উড়ে আসে আমার পশ্চিম গিরিতটে ।

হে জবাফুলমকান্তি নবরবি, করে নমস্কার
তোমারে অস্তিম শয্যাতলনীন অপস্থয়মান
আমার নির্ধারণমূৰ্ত্তী অন্তরবি, হর্ষে কপ্পমান
যুক্ত করে ; প্রসারিতা ক্ষীণবাহু আশীর্বাদী তার
জানায় তোমারে আজি, জীবনের শেষ মেহাঞ্জলি
লহ শিরে, ওঠ জাগি দীপ্ত তেজে ত্বন উজ্জলি ।

মুক্তি না যত্ন

অনুপম গুপ্ত

সদ্বা নায়ে ধীরে ।
অত্মমিত তপনের দ্রান আভা
প্রকৃতির দৃশ্যপটে রচে মায়া মরণ-রঙের ।
দূরে আকাশের গায়ে লঘু মেঘগুলি
ভদ্রর মুহূর্ত্তটির নিয়ে করে খেলা
চৈত্বের চপল বায়ে ।
উল্লসিত মাধবী বিতান—তারই কিপ্র ছায়ে
সাদ করে রাক্তি-তরে বিরহ সস্তাপ ।
এই ভাবে, মুক্তি-ছলে
দিবা যরে রজনীর জন্ম মাগি' ।
অজানার উৎস হ'তে উজ্জ্বলিয়া উঠি'
কেনিল সর্পিলা স্রোত মহাকাল-সাগরের দিকে
সতত চলেছে বহি' ।
তরুণ রবির স্পর্শ মাগি' যত ফুলকলিদল
মুক্তি লাগি' মেলিল পল্লব
তাদের যত্নের তরে
নিভা এই স্রোতস্বতী চলেছে বহিয়া ।

তাই ভাবি, মুক্তিভিক্ষু যত জীবনের
উৎসর্গিণী উদ্বার্গ-মৃত্যুর মন্তায়
এ কী রহস্যের লীলা নিরন্তর খেলিছে প্রকৃতি!

আমি কবি বন্ধনের অবিচ্ছেদ্য কারাগারে ব'সে
হেরি যবে এই খেলা, প্রকৃতির নিত্য পরিহাস
অহু ভবি মিবশের হত্যাকারী রক্তনীর প্রথম নিঃশ্বাস,
ভাবি, কবে, কোন্‌ নিশি-শেষে
প্রভাতের মূল্য মালি' অসহ্য স্রবণ এসে দেবে না কি হান্না?
নীল আকাশের ভালে রাকা শব্দী স্বপ্ন-মাখা আলো
যবে করে শেষ—বিকিঞ্চিকি তারারা নিঃশেষ,
সেখা এসে নিদ্রালগ্না উধা করিবে না :
'জালো দীপ জালো' ?
প্রজ্জলিত অরিসম ভাঙ্গর-কিরণ
আসিবে না নিদ্রা তার করিতে হরণ ?
কোথা সেই ক্ষণ
তপন তেরাগি যবে রক্তাধর—
মোর মুখে রবে চেয়ে বিপুল বিষ্ময়ে
নিশান্তের শুকতারা সম।

মুক্তি-অভিলাষী আমি ভাবি তাই
মুক্তি-পথ অহুসারি' যাপিতেছি জীবনের দীর্ঘ দিনমান।
কিন্তু হায়, মুক্তিরে কি পেতে পারি হৃদয়ে আমার
মৃত্যু যেখা যাত্রার অনলজ্বা অস্তরায় ?
মৃত্যুর সোপানে যেরা মুক্তির মন্দির।
সে তো মৃত্যু জগৎ-মুক্ত মাতার জঠরে,
সে তো মৃত্যু সত্ত্বমুক্ত শিশুর অস্তরে।
ভয় করি' কৈশোরের স্বপ্নস্বপ্ন
যৌবনের স্বর্বা যবে ওঠে জলি' প্রদীপ্ত শিখায়,
কবি কীদে কবিতার কল্পনালতায়
মান গোপুর্লি বেলায়।
আবণের বারিখরা উতলা গ্রহরে
প্রিয়ারে বাহুতে বাঁধে যবে
সেখানে কি মুক্তি তার ?
হুকোমল শুভ্র তল্ল—তার প্রতি রোমহৃৎ হ'তে
সত্ত্বপণে সর্পিলা লাবণি বাহিরিয়া
বাঁধে তারে মরণের নাগপাশে।

যৌবনেরে মান করি' মৃত্যু ব'য়ে আনে
মুক্তিকামী বান্ধিকোরে।

যুগ যুগ ধরি' তারা মুক্তি মাগে
 ভয়মুক্তি, লোভমুক্তি, মোহমুক্তি,
 মুক্তি নাকি স্বপ্নহীন ঘুম
 নাকি ইচ্ছানিরোধ ।
 জীবনের সায়াহ্নে লগনে
 ভক্ত যবে মনের মন্দিরে জ্বলে দীপ,
 গুণ-গুণ-দৌরভে ভরে গৃহ-কোন
 নভশিখরে দেয় সন্ধ্যারতি
 মুক্তির প্রতীক্ষা করি'—
 তবু কি মুক্তি দেয় ধরা ?
 সন্ধ্যার সন্ধ্যাশেষে স্বপ্নের সে আসে কি খেচ্ছায়
 প্রিয়া সম পূর্ণ কামনা
 মরণে হরণ ক'রে বিরহের দিনগুলি সম ?
 জীবনেরে রিক্ত করি' হানে তীর যেই পরাজয়
 মরণের ছদ্মবেশ ধরি'
 তারে তুমি মুক্তি বল, বল প্রিয়তন ?
 ওরে মূঢ়, পুণাতন জীর্ণ মরণেরে
 বার বার করেছ কামনা ভিন্ন রূপে, ভিন্ন নামে ;
 তবু ভাঙিল না ভুল,
 মুক্তিরে চাহিয়া তুমি চলিয়াছ নিরন্তর মৃত্যু-অভিসারে ।

বরনা

কামাক্ষীপ্রসাদ চট্টোপাধ্যায়

বরনায় রূপসী আগুন ;
 বরনায় অর্থহীন উল্লাস ।
 তোমার একমুঠো চুল আমার হাতে,
 চোখে তোমার শুকতারার দীপ্তি ।

চুখনের ভাবা আজ লুপ্ত
 আত্মকের স্পর্শে অসহ উচ্ছ্বাস নেই ;
 তবু মনে আমার আগুন,
 তবু দেহে আমার অর্থহীন উল্লাস ।

রাজা সন্ধ্যা

অজিত দত্ত

রাজা সন্ধ্যার স্তব্ধ আকাশ কীপায়ে পাখার ঘায়
ডানা মেলে দূরে উড়ে' চ'লে যায় ছ'টি কস্পিত কথা,
রাজা সন্ধ্যার বহির পানে ছ'টি কথা উড়ে' যায় !

পাখার শব্দে কীপে হৃদয়ের প্রসূর-সুস্কতা,
দূর হ'তে দূর তবু কানে বাজে সে-পাখার স্পন্দন,
কীণ হ'তে কীণ, বাড়ের মতন তবু তা'র মত্ততা ।

চ'লে যায় তারা চোখের আড়ালে—লক্ষ কথা বন
অটহাস্তে কোলাহল করে, তবুও তবুও কানে
কিসের আওয়াজ ? বজ্র ছাড়া এ কি অলি-গুঞ্জন ?

যাযাবর যত পক্ষী-নিখুন—থামে তারা কোন্‌খানে ?
মাছঘের ছায়া সে-আলোর নিচে পড়েছে কি কোনোদিন ?
তুমি তো আমারে ভুলে যাবে নাকো—যদি যাই সন্ধ্যানে ?

তুমি নীড়, তুমি উষ্ণ কোমল ; পাখার শব্দ কীণ,
তবু সে আমারে ডাকে, ডাকে শুধু ছেদহীন, ক্ষমাহীন ।

বসন্তের গান

সমর সেন

বসন্ত-পীড়িত বন থেকে আজ
মহির গন্ধ আসে,
শুধু মনে পড়ে
নিঃসঙ্গ ছিপ্রহরে
হৃদয় আকাশে চিলের ডাক ।

নাহি জানে কেউ
রক্তে মোর নাচে আজি সমুজের ঢেউ ।
মালতী রায়ের নরম উষ্ণ শরীর
রাজের ঘুমে আর দিনের চিন্তায়
সমুজের জোয়ার এনেছে রক্তে ।
দিকে দিকে আজ হানা দিল
নিষ্ঠুর বসন্ত ।

তবু বসন্তের রাজে
 স্বপ্নে দেখি ধূসর পাহাড়,
 অফকারে শুনি কিসের বিবর্ণ পদক্ষেপ,
 আর কর্কশ হাসির স্রোত
 অকারণে অন্তরে কাঁপে ;
 শিশিরে আর হাওয়ায় বিষন্ন সকালে
 আবার রক্তে আসে সমুদ্রের গান,
 তবু বসন্তের রাজে
 স্বপ্নে দেখি ধূসর পাহাড়
 বিলাসের দিন শেষ, দূরন্ত বনের বাঘ

প্রকৃতির কবি

বিদ্যালয়ে ইংরিজি কাব্যের পাঠ নিতে গিয়ে যখন শোনা যায় যে ওয়ার্ডসওয়ার্থ প্রকৃতির কবি তখন সহজবুদ্ধিতে সংশয় লাগে। প্রকৃতির কবি কোন্ কবি নন? প্রকৃতির অম্লরস্তু লীলাবৈচিত্র্য অন্তত কখনো কখনো ভালো না লাগে এমন নিরেট সাধারণ লোকের মধ্যেও যখন দেখা যায় না, তখন কবিনামের যোগা যে-কোনো ব্যক্তির হৃদয়প্রতিবেদকে অতি তীব্রভাবেই তা নাড়া দেবে এ তো জানা কথা। শেক্সপিয়ার কি প্রকৃতির কবিও নন? শেলি? কীটস? যদি বলা হয় যে ওয়ার্ডসওয়ার্থ জড়প্রকৃতির মধ্যে এক জীবন্ত ও সর্বব্যাপক সত্তা খুঁজে পেয়েছিলেন— সত্যি বলতে, সকল কবির কাছেই প্রকৃতি জীবন্ত, এবং এ-উপলব্ধি শেলির মত তীব্র অল্প কয়েক কবিতে তা জানিনে। যদি বলা হয় ওয়ার্ডসওয়ার্থের প্রকৃতিপ্রেম ছিল তাঁর পক্ষে ধর্মের মাদিল সে-কথা মানবো; কিন্তু সেই ধর্মের সারতত্ত্ব অর্থাৎ ইটু লাইক ইটু-এর নির্বাসিত ডিউক খুব সংক্ষেপেই কি বলেননি—হয়তো কিঞ্চিৎ তাছিল্লোর হয়ে—যখন তিনি খুঁজে পেয়েছিলেন 'books in the running brooks, sermons in stones, and good in everything'? এর চেয়ে বেশি ওয়ার্ডসওয়ার্থ কী বলেছেন?

তবে এটা সত্য যে প্রকৃতি ছাড়া অল্প-কোনো বিষয়ে ওয়ার্ডসওয়ার্থ কবিতা লেখেননি, লিখলেও সকল হননি। সেইজন্মে ইংরিজি সাহিত্যের ইতিহাসে তিনি প্রকৃতির কবি লেবেল-আঁটা। কবিদের গায়ে লেবেল আঁটা থাকলে ডক্টরেট ডিগ্রিকানীদের সহায়তা হয়, কিন্তু রসোপলব্ধিতে ব্যাধাত ঘটে। প্রকৃতিবিষয়ক কবিতার সমস্তটা ক্ষেত্র যেন ওয়ার্ডসওয়ার্থেরই দখলে; প্রকৃতি সম্বন্ধে নতুনরকমের অহুত্বি ও আবেগ পরবর্তীযুগের যে-সব কবিতে পাওয়া যায়—যেমন ডেভিডস, এডওয়ার্ড টমাস—তাদের কাব্য সম্বন্ধে যথেষ্ট মনোযোগী কি শ্রদ্ধাবান হ'তে যদি আমরা ভুলে যাই, সেজন্য

কবিতা

আমাদের বিশ্ববিদ্যালয়ই দায়ী। প্রকৃতি সৃষ্টে ওয়ার্ডস্বার্থের মনোভঙ্গি তো একমাত্র নয়, এবং ভিন্ন মনোভঙ্গি আমাদের অনেকের পক্ষেই হয়তো বেশি উপভোগ্য হতে পারে।

আমাদের কবিদের মধ্যে অবশ্য রবীন্দ্রনাথই প্রকৃতির কবি হিসেবে প্রধান। একথা বললেও ভুল হয় না যে তাঁর কাব্যের প্রধান বিষয়ই প্রকৃতি। যত কবিতা ও গান তিনি লিখেছেন, তার মধ্যে বেশির ভাগই তো শোভাহুজি ঋতুসংক্রান্ত। তা ছাড়া, তাঁর 'জীবন-দেবতা'র উপলব্ধিও মুখ্যত প্রকৃতির ভিতর দিয়ে; গীতাঞ্জলি, গীতিমালা প্রভৃতি 'আধ্যাত্মিক' গ্রন্থও এ-বিষয়ে নিঃসংশয় সাক্ষ্য দেবে।

অবশ্য একহিসেবে সকল কবিই প্রকৃতির কবি, একথা পূর্বেই বলেছি। কিন্তু সকল কবিকেই ঐ আখ্যা দেওয়া যায় না; কারণ সকলের পক্ষেই প্রকৃতি একমাত্র কি প্রধান বিষয় নয়। অনেক কবির পক্ষে প্রকৃতি মানবজীবনের মানী অভিজ্ঞতার পটভূমিকা; অনেকের পক্ষে ইঞ্জিরের বিলাস, অনেকের পক্ষে প্রেমের উজ্জীপনা ও প্রতিক্রিয়াসমূহ। প্রকৃতিকে অতি নিবিড়ভাবে অহত্ব না করেন এমন কোনো কবি নেই; কিন্তু সমগ্র জীবনকে প্রকৃতির ভিতর দিয়েই গ্রহণ করেন এমন কবির সংখ্যা অল্প। তাঁরাই বিশেষভাবে প্রকৃতির কবি।

আমার মনে হয়, আমাদের আধুনিক কবিদের মধ্যে একজনকে এই বিশেষ অর্থে প্রকৃতির কবি বলা যায় : তিনি জীবনানন্দ দাশ। তাঁর নব-প্রকাশিত কাব্যগ্রন্থ দুটির পাণ্ডুলিপি পড়ে এই কথাই আমার মনে হ'লো। অবশ্য এই বইয়ের কবিতাগুলো আমার পক্ষে একেবারে নতুন নয়। এদের রচনার কাল আজ থেকে এগারো বছর ও সাত বছরের মধ্যে; এবং সেই সময়ে এরা যখন অধুনালুপ্ত কয়েকটি মাসিকপত্রে আত্মপ্রকাশ করে, তখন থেকেই এদের সঙ্গে আমার পরিচয়। জীবনানন্দের প্রথম কাব্যগ্রন্থ বরা পালক ১৩৩৪ সালে বেরিয়েছিলো, এবং তার রচনাকাল আরো কিছু আগে হবে নিশ্চয়ই। সে-বইখানা তখনো কারো বিশেষ নজরে পড়েনি, এখন তো একেবারেই বিস্মৃত। মোহিতলালের স্বপন-পসারীর মত, বরা পালকেও সন্তান দত্তর প্রভাব

কবিতা

ছিলো স্পষ্ট। যে-মৌতাতের ঝোঁকে মোহিতলাল এই লাইন লিখতে পেরেছিলেন—

উটপাখী তার ডিমজোড়া কি লুকিয়েছে ঐ বৃকে
সেটা জীবনানন্দও এড়াতে পারেননি তখন। বরা পালকে স্বরণীয় বিশেষ-কিছু হয়তো ছিলো না, কিন্তু তার কয়েকটি লাইন দেখছি আজো কুলত পারিনি :

ভাঙ্কিয়া কতিল মোরে হাজার হুলাল—

ভালিমফুলের মত চোঁচি যার, পাকি আগেলের মত লাল যার গাল,
চুন যার শাওনের মেঘ, আর আঁবি যার গোঁড়ুলির মত গোলাপি রঙিন,
তারে আমি দেখিরাছি প্রতি রাত্রে—স্বপ্নে—কতদিন।

সন্তান দত্তীয় বঙ্কর থেকে এ অনেক দূরে; অতি পুরোনো কল্পনা যেন একটি নতুন ও অপূর্ব রূপ পেয়েছে এখানে। তার কারণ ছন্দের নবত্ব, ধ্বনির বৈশিষ্ট্য। কয়েকটি লাইনে সম্পূর্ণ একটি ছবি পেশম : এ-ছবির রচনায় যে কলাকৌশল লেগেছে, তা এই কবিরই নিজস্ব সৃষ্টি। বস্তুত, এখানে জীবনানন্দের নিজস্ব সৃষ্টিপ্রেরণারই পরিচয় পাওয়া যায়; পড়তে-পড়তে মনে হয় একজন নতুন কবির বৃষ্টি দেখা পেশম।

এই সৃষ্টিপ্রেরণা অবশ্য চাপা থাকলো না; অল্প সময়ের মধ্যে দেখা গেলো তার প্রগতি ও পরিণতি। সে সময়ে জীবনানন্দ যে-নব কবিতা বিভিন্ন মাসিকপত্রে প্রকাশ করেন তা পড়ে আমি মুগ্ধ হয়েছিলাম; এবং এখন সেগুলোই দেখতে পাচ্ছি দুটির পাণ্ডুলিপিতে একত্রিত। ভালো কবিতার কেমন একটা আদিম অপূর্ততা আছে : মনে হয় এ যেন সন্দেহাজাত অথচ চিরন্তন; এইমাত্র এই মুহূর্তে এর জন্ম হ'লো, এবং চিরকালের মধ্যে এর মতো আর কিছু হবে না। এই কবিতাগুলোয় ছিলো সেই স্বরের অনন্ততা ও অখণ্ডতা; প্রতিটি রচনার ভিতর দিয়ে এমন একটা স্বর বৃকে এসে লাগলো, যেরকম আর কখনো শুনিনি। একেবারে নতুন সেই স্বর, আর এমন অদ্ভুত যে চমকে উঠতে হয়।

বছর দশেক পরে সেই কবিতাগুলোই আবার পড়ে সেইরকমই ভালো লাগলো। ইতিমধ্যে জীবনানন্দের কাব্যপ্রেরণা কিম্বদন্তি পড়েনি, তার প্রমাণ

তিনি সম্ভ্রুতি সাময়িক পত্রের পৃষ্ঠায় দিয়েছেন। সত্যি বলতে, আমাদের আধুনিক কবিদের মধ্যে তিনিই বোধ হয় সব চেয়ে সক্রিয়। তাঁর কল্পনা সর্বদাই নব-নব রূপের সন্ধানী, তাঁর রচনাভঙ্গি গভীরতর পরিপত্তির দিকে ফুঁকছে। কিন্তু এতদিনেও আমাদের সাহিত্যের বাজারে তাঁর খ্যাতির রোল ওঠেনি। আমাদের স্বাধীশ্রেণীও তাঁর কাব্যের সঙ্গে যথেষ্ট পরিচিত, এমন মনে হয় না। আধুনিক বাঙলা কাব্য সম্বন্ধে কোনো আলোচনাত্রেই জীবনানন্দের উপযুক্ত উল্লেখ এ-পর্যন্ত দেবেছি বলে মনে পড়ে না। জীবনানন্দের ব্যক্তিগত লোকচক্ষু থেকে একেবারেই প্রচ্ছন্ন, এ ছাড়া এই অজ্ঞায়ের আর-কোনো কারণ আছে কিনা জানিনে। কবিতা ছাড়া আর-কিছু তিনি লেখেন না, কোনো সাহিত্যিক গোপীকৃত হয়ে বেশবিশেষে আশ্বর্যজন্যের আয়োজন তিনি কখনোই করেননি। আমার বিশ্বাস, এ-পর্যন্ত ছ'জন চারজনর বেশি অল্পবয়সী পাঠক তাঁর জোটেনি। তবে এটাও লক্ষ্য করার যে অতি-আধুনিক বাঙলা কাব্যে তাঁর প্রভাব বেশ স্পষ্ট।

আমাদের বাঙলাদেশের পাঠকসাধারণের মধ্যে জীবনানন্দ যদি অজ্ঞাতই থাকেন সেটা আশ্চর্যের বিষয় নয়, তবে গুণী ধারা, কাব্যসম্ভোগের প্রকৃত অধিকারী ধারা, তাঁদের মধ্যে ধূসর পাণ্ডুলিপি প্রকাশের পর তিনি স্বীকৃত ও সম্মানিত হবেন এ-আশা জোর করেই করা যায়। ধূসর পাণ্ডুলিপি পড়ে এক-বাই প্রথমে মনে হয় যে এই লেখকের আছে সত্যিকারের স্টাইল। কোথাও-কোথাও সেটা হস্ততা স্ফূর্ত্যবোধে অবনত হয়েছে (যদিও সেটা খুব কম), এবং তা নিয়ে ঠাট্টা করাও খুব সোজা। কিন্তু যদি আমরা সত্যি কবিত্বশক্তিকে শ্রদ্ধা করি, যদি কবিতা আমাদের পক্ষে ইয়ারকির বিষয় না-হ'য়ে গভীর অহুশীলনের বিষয় হয়, তবে একথা আমাদের মানতেই হবে যে এই কবি এমন একটি স্রয়ের সম্মোহন ফটি' করেছেন যা ভোলা যায় না, যা ছল হয় না, যা হানা দেয়।

জীবনানন্দ প্রকৃত কবি ও প্রকৃতির কবি। ঠিক প্রেমের কবিতা বলতে যা বোঝায় ধূসর পাণ্ডুলিপিতে তা একটুও নেই। 'নিজস্ব স্বাক্ষর' '১৩০০'।

'দহর' 'কয়েকটি লাইন' এ-সমস্ত কবিতায় প্রেমের পাত্রী অপেক্ষা পারিপার্শ্বিক প্রকৃতিই অনেক বড়ো ও জীবন্ত হ'য়ে উঠেছে কবির কল্পনায়। এটা উল্লেখযোগ্য যে জীবনানন্দ একেবারেই রবীন্দ্রনাথের প্রভাবমুক্ত। উনবিংশ শতাব্দীর ইংরিজি কাব্যস্রোতে প্রচুর পান করেছেন তিনি; 'জীবন' 'প্রেম' এই দীর্ঘ কবিতাদ্বটিতে শেলি কীটস্ উভয়েই প্রভাব স্পষ্ট। কিন্তু সাধারণভাবে বলতে গেলে, শেলির চাইতে বরফ কীটসের প্রভাব বেশি, কীটসের চাইতে বরফ হুইনবার্ন ও প্রিয়ার-কেলাইটদের। এবং সব চেয়ে বড়ো কথা যেটা, সমস্ত প্রভাব ছাপিয়ে উঠেছে তাঁর নিজস্ব দুটি ও স্বজনীশক্তি। যে-দৃষ্টিতে অতি সাধারণ অপরূপ হয়ে ওঠে, তুচ্ছকে ঘিরে গড়ে ওঠে মহিমাগণ্ডল, সেই দুটি জীবনানন্দের। অতি ছোট-ছোট জিনিষ নিয়ে অতি স্বল্প সঙ্গীতের জাল তিনি এমনভাবে বুন গেছেন যে বিশ্লেষণ ধরা দিতে চার না।

বলি আমি এই ছন্দেই হবে :

সে কেন জলের মত ঘুরে ঘুরে একা কথা কয়।

ছন্দের ঝাঁকোরা পতিতে, স্বল্প ধ্বনিতে ও বিরতিতে, পুনরাবৃত্তিতে ও প্রতিধ্বনিতে মনে হয় যেন এই কবিতাগুলো ঝাঁকোরা জলের মতই ঘুরে ঘুরে একা কথা বলছে। এদের আবহতে আছে একটি স্বদ্রবতা ও নিজনতা; আমাদের পরিচিত পরিবেশ ছাড়িয়ে, এই আকাশ আর পৃথিবী ছাড়িয়ে, অজ্ঞ কোনো আকাশে অজ্ঞ কোনো জগতে এক সম্পূর্ণ রূপকথার রচনা। জীবন অহুশীল ও পরিবর্তনশীল, মৃত্যুতে সব জিনিসেরই সমাপ্তি, এই আদিম বেদনা জীবনানন্দের কাব্যের ভিত্তি।

পৃথিবীর বাধা—এই বেতের ব্যাঘাতে
ছন্দে বেদনা জমে;—স্বপনের হাতে
আমি তাই

আমারে তুলিয়া নিতে চাই। ...

পৃথিবীর দিন আর রাতের আঘাতে
বেদনা পেত না তবে কেন্দ্র আর,—
খাফিত না ছন্দের জবা,—

সবাই স্বপ্নের হাতে দিত যদি ধরা। ...

কবিতা

ইয়েইস-এর লাইন মনে পড়বে অনেকেরই; এ-কথা অনেক কবিরই মনের কথা মনেই নেই। স্বপ্নের হাতে ধরা দিতে চান যে-সব কবি তাঁদের প্রত্যেকেরই 'স্বপ্ন' বিশেষ একটি রূপকথার মূর্তিগ্রহণ করে। প্রকৃতির নিৰ্জন ও প্রচ্ছন্ন রূপের মধ্যে জীবনানন্দ তাঁর রূপকথা সৃষ্টি করেছেন।

তার পর,—একদিন
আবার হলদে তুণ
ভ'রে আছে মাঠে,—
পাতার, শুকনো ডাঁটে
ভাসিছে কুয়াসা
দিকে দিকে, চতুর্ঘের ভাঙা বাসা
শিশিবে গিয়েছে ভিজে,—পথের উপর
পাখীর ডিমের বোনা, ঠাণ্ডা—কড়কড়, !
শসাকুল,—হ' একটা নষ্ট মাদা শসা,—
মাকড়ের হেঁড়া জাল,—শুকনো মাকড়সা
লতার পাতায়,—
ফুটফুটে জ্যোৎস্নারাত পথ চেনা যায়;
দেখা যায় কয়েকটা তারা
হিম আকাশের গায়,—ইদুর-পেঁচা
ঘুরে যায় মাঠে মাঠে, ফুৎ খেয়ে ওদের পিণাসা আজো মেটে,
পচিশ বছর তবু গেছে কবে কেটে।

('মাঠের গল্প')

আকাশের মেঠো পথে থেমে ভেসে চলে চাঁদ;
অবসর আছে তার,—অবোধের মতন আফ্রাদ
আমাদের শেষ হবে যখন সে চ'লে যাবে পশ্চিমের পানে,—
এটুকু সময় তাই কেটে যাক রূপ আর কামনার গানে!

* * *

এখানে নাহিক' কাজ,—উৎসাহের ব্যাধি নাই, উজ্জ্বল নাহিক ভাবনা;
এখানে ফুঁসে গেছে নাথার অনেক উত্তেজনা।

কবিতা

অলস মাছির শব্দ ভ'রে থাকে সকালের বিষম সময়,
পৃথিবীরে মায়াবীর নদীর পাথের বেশ ব'লে মনে হয়!
সকল পড়ন্ত রৌদ্র চারিদিকে ছুটি পেয়ে জনিতো এইখানে এসে
ঐশ্বর্য সমুদ্র থেকে চোখের ঘূমের পান আগন্তুকে ভেসে,
এখানে পালকে শুয়ে কাটিবে অনেকদিন ছেপে থেকে ঘুমাবার সাধ ভালোবাসে।

('অবসরের পান')

কচিল সে,—উত্তর সাগরে
আর নাই কেউ!—
জ্যোৎস্না আর সাগরের ঢেউ
উচুনীচু পাথরের 'পরে
হাতে হাতে ধ'রে
সেইখানে; কখন জেগেছে তারা—তারপর ঘুমাল কখন!
ফেনার মতন তারা ঠাণ্ডা—শাদা,—
আর তারা ঢেউয়ের মতন
জড়য়ে জড়য়ে মায় সাগরের জলে!
ঢেউয়ের মতন তারা চলে!
সেই জল-মেয়েদের স্তন
ঠাণ্ডা,—শাদা,—বরফের কৃষ্ণ মতন!
তাহাদের চোখ ঘুৎ ভিজে,—
ফেনার সেমিজে
তাহাদের শরীর গিছল!
কাচের গুড়ির মত শিশিরের জল
চাঁদের বৃক্কের থেকে বরে
উত্তর সাগরে!

('পরস্পর')

এই সমস্ত রচনায় আধো আলোর লীলা, আধো ঘূমের মোহ; এই
আবছায়ায়, এই অলসতার কবির মুক্তি।

জীবনানন্দের কাব্যে দেখা যায় রূপক রচনার অজপ্রভা, সেই রূপকের
বিশেষত্বও উল্লেখযোগ্য। যত উপায় যত ইন্দ্রিতে তিনি কল্পনাকে প্রকাশ

কবিতা

করেন সেগুলো ভাবাত্মক নয়, রূপাত্মক, চিত্তাপ্রসূত নয়, অহুত্বিগ্রসূত। আমাদের কবিদের মধ্যে জীবনানন্দ সব চেয়ে কম 'আধ্যাত্মিক', সব চেয়ে বেশি 'শারীরিক'; তাঁর রচনা সব চেয়ে কম বুদ্ধিগত, সব চেয়ে বেশি ইন্দ্রিয়গত। তাঁর এই বিশেষত্বই কীটু ও প্রিয়ারফেলাইটদের কথা মনে করিয়ে দেয়। তাঁর একটি কবিতা সম্বন্ধে রবীন্দ্রনাথ একবার বলেছিলেন 'চিত্তরূপময়'। জীবনানন্দের সমগ্র কাব্য সম্বন্ধেই এই আখ্যা প্রযুক্ত। কথা দিয়ে ছবি আঁকতে তাঁর নিপুণতা অসাধারণ। তার উপর, ছবিগুলো শুধু দৃশ্যের নয়, গন্ধের ও স্পর্শেরও বটে। গন্ধ ও স্পর্শ দিয়ে অনেক অপরূপ অভিজ্ঞতা আমরা সংগ্রহ করি; কিন্তু এই দুই ইন্দ্রিয়ের অহুত্বি জীবনানন্দের মত এত পূর্ণমাত্রায় আমাদের আর কোন্ কবি ব্যবহার করেছেন জানি না। তাঁর যে-কবিতাটি পড়ে রবীন্দ্রনাথ ঐ মন্তব্য করেছিলেন, তা থেকে কয়েকটি ছবি উদ্ধার করছি :

দেখছি সবুজ পাতা অজ্ঞানের অন্ধকারে হয়েছ তলুদ,
হিঙ্গলের জানালায় আলো আর বুলবুল কবিরাজে খেলা,
ইদুর শীতের রাতে বেশমের মত বোনে মাঝিমাছে খুচ,
চালের দূসর গন্ধে তরদেবা রূপ হ'য়ে সরেছে ছ'বেলা
নির্জন মাছের চোখে; —পুত্রেদের পারে হাঁস সন্ধ্যার আধারে
পেয়েছে ঘুমের স্বাপ—মেয়েলি হাতের স্পর্শ ল'য়ে গেছে তারে;

দিনালের মত মেঘ সোনালি ঢিলেয়ে তার জানালায় ডাকে;
বেতের লতার নিচে চড়ুয়ের ডিম বেন শক্ত হ'য়ে আছে;
নরম জলের গন্ধ দিয়ে নবী বার বার তীরটির মাঝে,
পড়ের চালের ছায়া গাঢ় রাতে জ্যোৎস্নার উঠানে পড়িয়াছে;
বাতাসে কি'ম্ব'র গন্ধ—বৈশাখের প্রান্তরের সবুজ বাতাসে;
নীলাভ নোনার বৃকে ঘন রস গাঢ় আকাজ্জক্য নেমে আসে;

('স্বপ্নার আগ')

এই ছবিগুলি সম্পূর্ণ ইন্দ্রিয়গ্রাহ্য; স্পর্শ আর গন্ধ তো আছেই, রসনার স্বাদও একেবারে বাদ পড়েনি। এ তো সত্যি কথা যে আমাদের

কবিতা

সমস্ত অহুত্বি শরীরের মারকম এসে পৌছয়; অথচ কবিতায় এই অহুত্বিগুলোর অবিশিষ্ট প্রকাশ অনেকেই করেন না কি করতে পারেন না, উপরন্তু যদি কেউ করেন তাঁর রূপালে অজস্র নিশাই জোটে। কীটু'র যে 'sensuous' মাত্র, 'sensual' নয়, সেটা প্রমাণ করতে অধ্যাপকরা গলদঘর্ম! এই ইন্দ্রিয়গ্রাহ্যতার জ্বলেই রসটি হীনবনের লাগ্না। আমাদের কবিদের মধ্যে ইন্দ্রিয়ের অহুত্বি সম্বন্ধে এই কথা চেননা জীবনানন্দের মত আর কারুরই নেই; তাঁর রচনায় তত্ত্ব নেই, চিন্তাশীলতা নেই; কোনো কল্পিততা কি অহুত্ব নেই; তা পবিত্র, বিশুদ্ধ ও সহজ, ইন্দ্রিয়ের প্রত্যক্ষ ও জীবন্ত অভিজ্ঞতার স্রষ্টি; তা নিছক কবিতা, কবিতা ছাড়া আর কিছুই নয়।

৩

পরিশেষে আদিকের দিক থেকে ছ' একটি কথা বলতে ইচ্ছা করি। জীবনানন্দের কান নিখুঁত। ছন্দকে ইচ্ছামত বৈকিরে-চুরিয়ে ঘুরিয়ে-কিরিয়ে তিনি নিয়ে গেছেন, যেখানে আটকেছে সেখানে আটকানোটাই কবির উদ্দেশ্য ছিলো। একই ছন্দের ছাচ বিভিন্ন কবির হাতে বিভিন্ন স্বরে বাজে এটা পুরোনো কথা; ধূসর পাণ্ডুলিপি তার চমৎকার দৃষ্টান্ত। এ-বইয়ের সবগুলো কবিতাই পরমরাজ্যীয় ছন্দে; বেশির ভাগ অসমমাত্রার, যাকে বলতেই হয় বলাকার ছন্দ। অর্থাৎ চেহারাটা বলাকার ছন্দের, কিন্তু ধ্বনি একেবারেই ভিন্ন। বলাকার তীব্রতা ও বেগ নেই এখানে; এ-ছন্দে মন্থর, যেন ইচ্ছে করে ভাঙা-ভাঙা, অসমান ও পালিশনা-করা, এ-ছন্দ খোঁচ-খোঁচ ঘুরে-ঘুরে চলে, ঘুরে ভরা হৃদয় এর স্বর, অগ্রে-ভরা, শিশির-কোমল, যেন ঘুমের মধ্যে গান এসে কানে লাগে, তারপর সমস্ত রাত হানা দেয়। কলাকৌশলের অভাব নেই এই কবিতাগুলিতে, সেগুলোর প্রধান গুণ এই যে তারা প্রচ্ছন্ন। মিলে, অশ্লীল মিলে, অহুত্বপ্রাণে, পুনরুক্তিতে ধ্বনির স্বক্যতা ও বৈচিত্র্য প্রতি পংক্তিতে বেজে উঠছে; সে যেন অপার্থিব ও পলাতক, স্বপ্নের স্বরদে অলস ভাবনার যাওয়া-আসা।

কবিতা

বোম্বারের সহরের জাহাজ কখন

বন্দরের অক্ষকাবে ভিড় করে, দেখে তাঁর ;—একবার শিঙ মাগাবারে
উড়ে যায় ; কোন এক মিনারের বিমর্ষ কিনার ঘিরে অনেক শূন
পৃথিবীর পাখীদের ভুলে গিয়ে চলে যায় যেন কোন মৃত্যুর ওপারে।

(‘শূন’)

ধনির দিক থেকে এর চেয়ে ভালো রচনা ধূসর পাণ্ডুলিপিতে নেই।
এই ধনি উক্ত নয় তীর নয়, কিন্তু গভীর ও প্রতিধনিময়। নামশব্দ ও
বিদেশী শব্দের ব্যবহারে এতখানি কৃত্তিম আর কোনো আধুনিক কবির
দেখিনি। জীবনানন্দ নামশব্দ ব্যবহার করেন মিলটনের মত জমকালো
ধনি সৃষ্টি করতে নয়, প্রিয়াফেলাইটদের মত ছবি ফোটাতে। রবীন্দ্রনাথের
কাব্যে উজ্জয়িনী মালবিকা প্রভৃতি পুরাণের নাম যে-উদ্দেশ্য সাধন করে,
ঠিক সেই উদ্দেশ্যই জীবনানন্দ সাহিত্য করেছেন বোম্বাই বনলতা সেন
প্রভৃতি আধুনিক ‘কবিতা’হীন নাম দিয়ে।

মাগরের অই পারে—আরো দুই পারে

কোনো এক মেরুর পাশে

এই সব পাখী ছিল ;

ব্রিজার্ডের ভাড়া বেয়ে দলে দলে সমুদ্রের ‘পার

নেমেছিল তারা তারপর,—

মাছব বেমন তার মৃত্যুর অজানে নেমে পড়ে !

বাশানি—সোনালি—শাদা—ফুটফুট ডানার ভিতরে

রবারের বলের মতন ছোট বৃকে

তাদের জীবন ছিল,—

যেমন রয়েছে মৃত্যু লক্ষ-লক্ষ মাইল ধরে সমুদ্রের মুখে

তেমন অতল সত্য হয়ে !

(‘পাখীরা’)

ইংরিজি শব্দগুলোকে বাঙলার প্রাকৃত ছন্দের সঙ্গে এমনভাবে
মেশানো হয়েছে যে অচিরাৎ বলতে হয়। একটু খোঁচ নেই। এটাও
লক্ষ্য করার যে জীবনানন্দর প্যারে যুক্তাক্ষর কম। যুক্তাক্ষরের অভাবে
পয়ারের শিথিল ও যেরূদওহীন হ’য়ে পড়বার আশঙ্কা থাকে ; কিন্তু এই

কবিতা

কবি একটি লাইনও লেখেননি যাতে ঋজুতা, মূঢ়তা কি পাণ্ডীর্ঘ্যের অভাব।
বরক, যুক্তাক্ষরের স্বরভাই কবি এমনভাবে ব্যবহার করেছেন যাতে
পয়ারে লেগেছে নতুন স্বর।

এই আলোচনা আমি দীর্ঘ করলুম কেননা জীবনানন্দ দশকে আমি
আধুনিক যুগের একজন প্রধান কবি বলে বিবেচনা করি, এবং ধূসর
পাণ্ডুলিপি তাঁর প্রথম পরিণত গ্রন্থ। আমার নিজের তাঁর কবিতা অত্যন্তই
ভালো লাগে, কিন্তু আশা করি নেহাৎই আমরা ব্যক্তিগত অভিরুচির ঘায়া
এই মতামত গঠিত হ’তে দিইনি। আমাদের দেশে কোনো ক্ষেত্রেই
কোনোরকম স্ট্যাণ্ডার্ড নেই, সাহিত্যে একেবারেই নেই। প্রতিভা হয়
অবজ্ঞাত, তৃতীয় শ্রেণীর কবি অভিনন্দিত হয় অ-সাহিত্যিক কারণে।
আমাদের মূল্যজ্ঞানহীন সমাজের মূঢ়তাকে মাঝে-মাঝে নাড়া দেয়াই
দরকার ; নিজের বিশ্বাসটা মাঝে-মাঝে জোর ক’রেই বলা দরকার। এ-দেশে
মাতৃভাষার সাহিত্যকে বীরা শ্রদ্ধা ক’রে ভালোবাসেন (যদি আজকালকার
দিনে এমন কেউ থাকেন) তারা ধূসর পাণ্ডুলিপি নিজের পরজেই পড়বেন,
কারণ এ-বইয়ের পাতা খুললে তাঁরা একজনের পরিচয় পাবেন যিনি প্রকৃতই
কবি, এবং প্রকৃত অর্থে নতুন। বিশেষ ক’রে, ‘শূন’, ‘পাখীরা’, ‘অবশরের
গান’, ‘মৃত্যুর আগে’, ‘ক্যাপ্টে’ এসব কবিতা প’ড়ে তাঁরা স্বভাই উপলব্ধি
করবেন যে বাঙলা কাব্যের ক্ষেত্রে এক অগ্ৰসর শক্তির আবির্ভাব হয়েছে।

নতুন কবিতা

ব্রাউনিঙ পঞ্চাশিকা। হুরেল্ডনাথ মৈত্র। গুরুদাস চট্টোপাধ্যায়, ছই টাকা।

কবিতার অহুবাদ সম্বন্ধে আমি একটি মত পোষণ করে এসেছি। হয়তো সেটা নেহাৎই ব্যক্তিগত, তবু এখানে বলি। অতি বিখ্যাত কি কি যতি মহৎ কাব্যের অহুবাদ চেষ্টা করাই উচিত নয়—আর যদি এ-দুসাহসী চেষ্টা না-করলেই নয় তবে ছন্দ-মিল বজায় রেখে নিকট অহুসরণ না-করে মুক্তছন্দের গদ্যে করাই যুক্তিসঙ্গত। অপেক্ষাকৃত অপরিচিত, অপেক্ষাকৃত মাঝারি কবিতাই তর্জমা করবার পক্ষে ভালো। যদি কেউ মনে করেন আমি নিজে কোনো মহৎ কবিতার অহুবাদে হাত দিইনি কি হাত দিয়েও সফল হইনি, আমার এ-মতের এ ছাড়া আর কোনো ভিত্তি নেই, তাহ'লে ছ' একটা দৃষ্টান্ত দিই। শ্রীযুক্ত হুমায়ুন কবীর ছাত্রাবস্থায় কীটসের ওড টু নাইটিঙ্গেল প্রভৃতি কয়েকটি পল্‌গ্রেভ রস্বের ভাবান্তর সাধন করেছিলেন। তাঁর অহুবাদ বার্ষ হয়েছিলো বললে তাঁর উপর দোষারোপ করা হয় না। ঐ কবিতা এবং ঐরকম কবিতার অহুবাদ বার্ষ হ'তেই বাধা একথাই আমার মনে হয়েছিলো ভগ্ন। পরিত্যক্ত পৃষ্ঠায় শেলির 'One word is too often profaned' কবিতার বিভিন্ন অহুবাদ পড়ে আমার এ-মত আরো দৃঢ়ই হয়েছিলো। যতদূর মনে করতে পারি, ঐ পত্রিকাতেই শ্রীযুক্ত হিষণুদ্বার সাহায্যের শেলির রাজি কবিতার অহুবাদ এর একমাত্র ব্যতিক্রম। রূপালগুণে ও-রকম তর্জমা হয়।

সত্যেন দত্তর কথা ভাবুন। কবিতার অহুবাদে এমন পরিষ্কার হাত আর-কেউ দেখাননি; কিন্তু তাঁর কৃতিত্বের দৃষ্টান্ত কীটস-এর লা বেল্‌ দাম্‌ নয়, নোঙটির ওহাক্‌ কবিতা। নানা ভাষা থেকে যত ছোট-ছোট উজ্জ্বল রচনা তিনি মাছুভাষায় আহরণ করেছিলেন তার কোনোটিই

কবিতা

কাব্যপূর্ণায়ে শ্রেষ্ঠতার দাবি রাখে না; সেগুলো ভালো কবিতা, কিন্তু মহৎ কবিতা নয়, এবং অহুবাদকের কৃতিত্বের সেটাও একটা কারণ। সত্যেন্দ্রনাথ ওড টু ওয়েস্ট উইও তর্জমা করতে যাননি, এ-জন্ম তাঁর প্রশংসাই করবে। মহৎ কাব্যের অহুবাদ প্রায় অসম্ভব।

তবে একেবারেই যে অসম্ভব তাও বা বলি কেমন করে? বা এ-পর্যন্ত হয়নি সেটা কখনোই হবে না এটাও অসম্ভব ধারণা বৈকি। প্রতিভা থাকলে কী না হয়? স্কোফ্রিসের ঈভিগিস ইয়েটস তো ইংরিজি পদ্যে লিখেছেন। আমি এক বর্ণও গ্রীক জানিনে; তবু সাহস করে বলবো যে ইয়েটস-এর অহুলিখন যত ভালো, স্কোফ্রিসের রচনা যদি ঠিক ততটাই ভালো হয়, তাহ'লেও তাঁর বিরাত খ্যাতি সার্থক। ফিটজেরাল্ড ইত্যাদি মানুষি উদাহরণ তো আছেই। ক্ষমতা থাকলে বাড়লায় শেখাপিয়র কি ব্রাউনিঙই বা অসম্ভব হবে কেন?

শ্রীযুক্ত হুরেল্ডনাথ মৈত্র ব্রাউনিঙের একটি ছটি নয়, পঞ্চাশটি কবিতা তর্জমা করেছেন এক-কথা শুনতেই অথাক লাগে। এই লেখকের পরিচয় তাঁর নামে নয়, তাঁর রচনায়। আপনি হয়তো মৈত্র মহাশয়ের বহু কবিতা পড়েও আজো তাঁর নাম জানেন না। বিভিন্ন ও বহু ছন্দনামে বিভিন্ন ও বহু সাময়িক পত্রে পদ্যে ও পদ্যে অনেক কবিতা প্রকাশ করেছেন তিনি। তাঁর প্রচুর গুণ এই যে তিনি ভালোও লেখেন, অসঙ্গতও লেখেন; তাঁর কল্পনার রূপতা কি কল্পনের ক্রান্তি নেই। কবিতার অহুবাদেও তাঁর প্রচুর উৎসাহ; এবং একমাত্র অহুবাদ-রচনাতেই তিনি স্বনাম স্বাপন্ন করেন। অহুবাদ-শিল্পী হিসেবে এই বইখানি তাঁর প্রামাণ্য সঙ্গী।

প্রথমেই তাঁর সাহসকে ধন্যবাদ দিচ্ছি। সকল ইংরেজ কবির মধ্যে ব্রাউনিঙের যে তর্জমা হ'তে পারে এক-কথা ভাবতে আমার তো কখনো সাহস হয়নি কি হ'তো না। কেননা ব্রাউনিঙ শুধু যে মহৎ কবিতা নয়, তাঁর রচনা অত্যন্ত জটিল ও কঠিন। যে-সব কবির ব্যক্তিত্ব অত্যন্ত প্রখর, তাঁরা অহুবাদে কিছুতেই ধরা দিতে চান না; এবং ব্রাউনিঙের সর্বগ্রাসী ব্যক্তিত্ব প্রকাশ পেয়েছে তাঁর মহিমায় ও মূর্ত্যাদানে, প্রতিটি কথায় ও

কবিতা

কমা-ফটকিতে। ব্রাউনিঙ পড়াটাই তো এক-এক সময় মানসিক মল্লযুদ্ধ,
 তাঁর অহুবাদ না জানি আরো কতগুণে মল্লযুদ্ধ!
 কিন্তু মৈত্র মহাশয়ের এই বইখানাতে মল্লযুদ্ধের চিহ্নমাত্র নেই। এত
 সহজে তিনি অহুবাদ ক'রে গেছেন যে দেখে অবাক লাগে। অবশ্য তার
 ফলে কবিতাগুলোও অত্যন্ত সহজ হ'য়ে গেছে। এমনকি, অনেক ক্ষেত্রে
 না-বলে দিলে ব্রাউনিঙ ব'লে বুঝতেই পারতুম না। ব্রাউনিঙকে অত্যন্ত
 তরল ক'রে নিয়ে তরল বাঙলা প্যারে অনায়াসে তিনি লিখে গেছেন।
 তারই মধ্যে চেষ্টা করেছেন মূল কবির ছন্দ মিল মোটামুটি অহুসরণ করতে।
 কিন্তু ভ্রমসংকেত ব্রাউনিঙের রীতিবৈশিষ্ট্য কিছু ফোটেনি; অত্য়দিকে, অহুবাাদের
 স্বাধীন কবিত্বশক্তি পদে-পদে মূলকে অহুসরণ করতে গিয়ে চাপা পড়েছে।
 মৈত্র মহাশয়েরই লেখা ভালো কবিতা পড়তে পেলে আমরা খুশি হতুম;
 কি গদ্যছন্দের রচনায় ব্রাউনিঙের ভাববস্ত্র আরো বেশিমাঝায় পাওয়া
 গেলেও ভালো ছিলো। ব্রাউনিঙের রচনারীতি ছিলো অদ্ভুত, আশ্চর্য,
 কখনো-কখনো উৎকট; সেটা নিজস্ব ক'রে নেয়া যদি অসম্ভব, তবে নিজেরই
 ধরনে ভালো কবিতা তৈরি করলে ব্রাউনিঙ কি অহুবাদক কারুরই ক্ষতি
 হ'তো না। মনে করুন 'ঘরে-বাইরে'তে 'কিস্টিনা'র প্রথম দু'লাইনের তর্জমা:

আমায় ভালোবাসবে না সে এই যদি তার ছিল জানা
 তবে কি তার উচিত ছিল আমার পানে নয়ন হানা?

এ তো একবারেই রবীন্দ্রস্বর, কিন্তু ভিতরের উপাদানটা ঠিকই ব্রাউনিঙের।
 এই পংক্তি দুটি মৈত্র মহাশয় করেছেন এই:

উচিত ছিল না তার সে চাহনি হানা মোর 'পরে
 না ছিল বাচনা যদি প্রাণে তার মোর প্রেরণে তরে।

পাশাপাশি এই দুই পদ্য পড়লে আমার অর্থ স্পষ্ট হবে। তারপর মূল
 ব্রাউনিঙের সঙ্গে ধানিকট্টা তুলনা ক'রে দেখা যাক। নিচের এই কবিতাটি
 আমাদের সকলেরই অতি পরিচিত:

কবিতা

Escape me ?

Never—

Beloved !

While I am I, and you are you.

So long as the world contains us both,

Me the loving and you the loth.

মৈত্র মহাশয়ের অহুবাদ:

আমাকে এড়াবে তুমি ভেবেছ কি মনে ?

—কত নয়, জেনো এ জীবনে।

যতদিন ভবে

আমি র'ব আমি, আর তুমি তুমি র'বে,

—আমার অহুসরণ, পলায়ন তোমার সত্তা,

তুমি বিমুখিনী নারী, প্রেমাকাল আমি অবিরত।

ইভেলিন হোপ্-এর প্রথম দু'লাইন:

Beautiful Evelyn Hope is dead !

Sit and watch her side an hour.

অহুবাদে হচ্ছে এই:

সে যে হায় নাই আর ! স্বপ্নমার কুলের মতন

ছিল যার সুখখানি, হারিল সে সুখারী বতন

মরণ আপন হাতে। বসে আছি শবদেহ পাশে।

ব্রাউনিঙ যদি আশ্রো বেঁচে থাকতেন এবং যদি তিনি বাঙলা পড়তে পারতেন
 তাহ'লে এই তর্জমা পড়ে তাঁর কী মনে হ'তো জানিনে। কাব্যের 'বিষয়'
 তো মোটামুটি সব কবিতাই এক, বলবার ভঙ্গিতেই বিশেষত্ব। ব্রাউনিঙ
 যদি বাঙালি হতেন তাহ'লে 'বিমুখিনী নারী' 'সুখারীরতন' গোছের সরচে-পড়া
 শব্দ কখনোই তাঁর কলমে আসতো না; 'সে যে হায় নাই আর !' ব'লে
 শোক-গাথার স্বরূপাতও তিনি করতেন না। ব্রাউনিঙের প্রধান বিশেষত্ব
 এইখানেই যে তাঁর কাব্যের ধরণ ছিলো ঠিক কথা বলার ধরণ; একদিকে

তার শব্দসম্পদ যেমন বিশাল ও অসাধারণ ছিলো তেমনি অতি গভীর অতি সূক্ষ্ম কবিতাও ছোট-ছোট জীবন্ত কথায় একবারে চলতি ইংরিজিতে তিনি লিখেছেন। একজন আর-একজনের কাছে বলছে: 'তার প্রায় সব কবিতার ছাঁচই এই। ছাঁচটা গীতিকবিতার নয়, নাটকীয় কবিতার। এই নাটকীয়তা মৈত্র মহাশয়ের অহুবাতে সঞ্চারিত হয়নি। পর্কিরিয়াজ লভার-এর রুদ্ধশ্বাস, অসহ্য ব্যাকুলতা চিমে তালের জন্মে কাটা-কাটা শ্লোকে 'মিষ্ট' প্রেমের কবিতায় পরিণত হয়েছে। জেমস্ লী আনি বরাবর অতি দুর্জয় কবিতা বলে ভয় ক'রে এসেছি, এই বইয়ে তারও অহুবাৎ দেখে রীতিমত অবাক হয়ে গেলুম। কিন্তু—

আজি সাগরের তীরে অতি ক্ষুদ্র এ কুটারে

মোরা দৌড়ে লেভেছি ক্লানয়।

হানে হিম শিহরণ পড়িয়েব প্রভঞ্জন,

অগ্নিকুণ্ড-আতপ বিলায়।

পড়িছে কি এ অনলে, জ্বিলি যা সিঁদুলজে

ভগ্নকাঠ সে মগ্ন-তরী?

নৌকাছুবি এই কুলে হাল কত যাই কুলে

হয়ত অন্তলে মোহ নীড়।

প্রাক-রবীন্দ্র কি বালক-রবীন্দ্র যুগের বাঙালি কবিতার এই চমৎকার উদাহরণের সঙ্গে মনে হয় কি নিম্নের ইংরিজি লাইনগুলোর কোনো সম্পর্ক আছে?

Is all our fire of shipwreck wood,

Oak and pine?

Oh, for the ills half-understood,

The dim, dead woe

Long ago

Befallen this bitter coast of France!

Well, poor sailors took their chance,

I take mine.

মোটের উপর, ব্রাউনিঙ পঞ্চাশিকার ব্রাউনিঙই যেন অহুপস্থিত। কোনো-কোনো কবিতা যানিকটা কাছে আসতে পেরেছে সেটা মৈত্র মহাশয়ের কৃত্তি; মূল ব্রাউনিঙ যে পড়েনি হয়তো এ-বই প'ড়ে সে খুঁসি হ'তে পারে, কিন্তু ব্রাউনিঙকে কিছু পেলো এ-কথা ভাবলে সে ভুল করবে। এই অহুবাৎগুলোয় ব্রাউনিঙের প্রকৃত আশ্বাদ পাওয়া যাবে না এ-কথা মৈত্র মহাশয়ের মত রসজ্ঞ ব্যক্তি নিজেই বুঝতে পেরেছেন নিশ্চয়ই। ব্রাউনিঙের রস ও সুর বজায় রেখে ভর্তমা করা এতই কঠিন কাজ যে তার চেষ্টাতেও গৌরব। যেটাকে এখন পর্যন্ত অসম্ভবই বলতে হয়, সেটা সম্ভব করতে পারেননি ব'লে মৈত্র মহাশয়কে দোষ দেয়া অত্যাচার হবে; এবং তার এই দুর্জয় চেষ্টার জন্ত যথাযোগ্য ধন্যবাদ নিশ্চয়ই তাঁর প্রাপ্য। কোনো একজন বিশেষ বিদেশী কবিকে মাতৃভাষায় মোটামুটি সমগ্রভাবে প্রকাশ করবার চেষ্টা বাঙলাভাষায় এই বোধ হয় প্রথম। এই বই প্রকাশ ক'রে মৈত্র মহাশয় শুধু যে নিজের অসাধারণ কাব্যশ্রীতির পরিচয় দিয়েছেন তা নয়; অহুবাৎদের দিকে অনেক মূল্যবান কাজের ক্ষেত্র বাঙলা কাব্যে প'ড়ে আছে সে-কথাও আমাদের মনে করিয়ে দিয়েছেন।

শ্রামলী। রবীন্দ্রনাথ ঠাকুর। বিখ্যাতরতী, এক টাকা।

সম্প্রতি এক বাঙলা মাসিকপত্রের পৃষ্ঠায় এক 'সমালোচক' আমাদের জানিয়েছেন: 'রবীন্দ্রনাথ অপেক্ষা বাঙলাদেশের সকল কবিই নিকৃষ্ট—এত নিকৃষ্ট যে ভুলনা বাতুলতা।' বস্তুত, রবীন্দ্রনাথ নাকি এতই উৎকৃষ্ট কবি যে গল্পকবিতাকল্প 'কচুরিপানা'ও তাঁর হাতে ফুল হ'রে ফোটে। তারই ছ' একটি ফুলের সন্ধান এই 'সমালোচক' ভদ্রলোক নিজের অনিচ্ছাসত্ত্বেও শ্রামলীতে পেয়েছেন। রবীন্দ্রনাথ নাকি শ্রামলী প্রভৃতি বই লিখেছেন 'এই কথা ঘোষণা করিবার জন্য—'ইহা না লেখাই ভালো, কিন্তু যদি নিতান্তই লিখিতে হয়, এই ভাবে লিখিযো।'

গদ্য কবিতা 'দাহাব একটুমান লিখিবার ক্ষমতা আছে সেই লিখিতে পারে', কিন্তু 'সমালোচনা' লিখতে হ'লে 'একটুমান' লেখবার ক্ষমতাও দরকার করে না সেটা নিঃসংশয়ে বুঝতে পারলুম। এমনকি, সামান্যতম

বোধশক্তিও না থাকলে তো চলেই, উপরন্তু না-থাকাই ভালো। যে-গদ্যকবিতা 'কাব্যজগতের অপসৃষ্টি' তারই একটি উদাহরণ উদ্ধৃত করে 'সমালোচক' মন্তব্য করেছেন 'অত্যন্ত হৃদয়'। তার কারণ? কারণ তিনি নিজেই জানিয়েছেন: লেখক রবীন্দ্রনাথ। স্বয়ং রবীন্দ্রনাথ যখন লিখেছেন তখন তাঁকে বাহ্য দেবার জন্ত 'সংযম' 'সংহতি' প্রত্যুত্তি শব্দ কলমের মুখে তৈরিই আছে। অত্যাশ্রিত 'নিষ্কণ্ট' কবিদের হাতে গদ্যকবিতা হ'লো রাশি-রাশি রাশি, শুধু রবীন্দ্রাকুরের হাতেই ভালো। রবীন্দ্রাকুরের হাতে ভালো হ'লো কেন? বাঃ, হবে না, রবীন্দ্রাকুর যে! হিজ মাস্টার্স ভয়েন কানে গেলে চিত্ত চমৎকৃত না-হ'য়ে পারে!

'প্রভু, তোমার সৃষ্টি ব্রহ্মতে পারিয়ে, ক্ষমা করো,' এই কান্তর উক্তি করে পায়ে লুটিয়ে পড়াটা যখন বাঙলাদেশের একটি প্রসিদ্ধ পত্রিকার পৃষ্ঠায় 'সমালোচনা' নামে চলতে দেখি তখন, আর কিছু না হোক, এর প্রকাশ্য নির্লজ্জতাতেই স্তম্ভিত হ'তে হয়। এই ধরণের বৃকে-হাটা ভদ্রিতে প্রভুর গৌরব কিছু বাড়ে না, দর্শকরাও লজ্জিত হয়। এই 'সমালোচক'র মারকং জানতে পেশম যে 'পত্রপুটের ও শ্রামলীর কবিতাগুলির বৈশিষ্ট্য এইখানেই—তাহারা মুখর নহে।' আমি হাজার লোকের বিরুদ্ধে দাঁড়িয়ে জোর করেই বলবো যে গদ্যে কি পদ্যে রবীন্দ্রনাথের কবিতার প্রধান বিশেষত্ব ও প্রধান গুণই এই যে তারার মুখর; নদীর ঘোত যেমন মুখর, হাওড়ায় যেমন মুখর অরণ্য। রবীন্দ্র-কাব্যকে 'সংহত ও সংযত' বলা অতি নির্বোধ চাটুবাঙ্ক, কেননা 'সংহত ও সংযত' হওয়াই যে কাব্যের একমাত্র মহিমা তা তো নয়। ছইটমানেব কি হইনবানেব কি শেলির স্ততি করতে গিয়ে কেউ কি তাঁদের 'সংযম ও সংহতি'র তারিক করে? বরঞ্চ এঁদের—এবং রবীন্দ্রনাথের—রচনার বিশাল ছুনিবার উচ্ছ্বাসই কোনো-কোনো ক্ষতিতে হয়তো ঠিক সম্ভ হয় না। মানসী থেকে আরম্ভ করে বলাকা পর্যন্ত, তারপর এই পরবর্তী সমস্ত কাব্যগ্রন্থলি মনে-মনে ভেবে দেখুন: বার-বার একথাই মনে হবে যে রবীন্দ্রনাথ একবার বলতে আরম্ভ করলে সহজে আর থামতে পারেন না,

নিজের আবেগের বোঁকে কুল ছাড়িয়ে চ'লে যান বন্ধার নদীর মতো। স্রুতি হৃদ্যভাবে দেখলে, এতে হয়তো তাঁর বিশেষ কোনো-কোনো কবিতার ক্ষতিও হয়েছে। কিন্তু এক-জন্ত রবীন্দ্রনাথকে দোষ দেয়া আর তিনি রবীন্দ্রনাথ হ'লেন ব'লে তাঁকে দোষ দেয়া একই কথা। প্রত্যেক কবিকে তাঁর নিজের সর্ব-অঙ্গসারেই স্বীকার করে নিতে হয়; ব্যক্তিগত পছন্দমত কাঁচিট করতে গেলে হয়তো হারাতে হয় কবির সারবস্তুকেই। সমগ্রভাবে না নিলে কোনো কবিকেই বোঝা যায় না; যেটা কখনো-কখনো মনে হবে কবির দুর্বলতা, সেটাই যে তাঁর মহিমারও উৎসস্থল, একথা সমগ্রভাবে তাঁর রচনা পড়লেই বোঝা যায়।

'এই সকল নিষ্কণ্টক কবিদেরও অনেকেই যথেষ্ট উপভোগ্য কবিতা লিখিয়া থাকেন এবং রবীন্দ্রনাথের কবিতার আশা পুষ্ট হইয়াও এই সকল কবিতার সমাদরে বিদগ্ধজনের ব্যাঘাত ঘটে না।' কিন্তু, মুখর নয় ব'লে পত্রপুট শ্রামলীর তারিক করেছেন যে-সমালোচক, তিনি কোনোদিন রবীন্দ্রনাথের, এমনকি 'নিষ্কণ্টক' কবিদেরও রচনা প'ড়ে বুঝেছেন কিনা সন্দেহ করি। দাস-মনোভাবের এমন চমৎকার দৃষ্টান্ত সত্যি বিরল। কবিদের 'উৎকণ্ঠতা' মাপবার কিতে তাঁদের পকেটেই থাকে ধারা নিষ্কণ্টক কবিও নন; এবং এই ধরণের মূঢ় চাটুকারিতা রবীন্দ্রনাথকেই হাত্তকর করে, এটাই সব চেয়ে বড় ঘৃণা।

গল্প-কবিতা অনেকেই এখনো বোঝেন না কি ব্রহ্মতে চান না; এবং না বুঝে, কি ইচ্ছে করে না বুঝে অনেক অসংলগ্ন অর্থহীন কথা বলেন। এঁদের মধ্যে কারো মতামতে যদি সত্যতা থাকে সেটা অশ্রদ্ধেয় নয়। গল্প কবিতার উপর যদি কারো সত্যিকারের অবিপাক থাকে, সেটা রবীন্দ্রনাথের রচনা পর্যন্ত প্রসারিত না-হবার কোনো কারণ নেই। কেননা যে-জিনিসটাই মেকি, সেটা রবীন্দ্রনাথ লিখলেও মেকি—বিশেষ করে বাঙালার রবীন্দ্রনাথই যখন সেটা প্রথম চালানেন। আর যদি তাতে কিছু থাকে, সেটা রবীন্দ্রনাথের রচনাতেও যেমন আছে, অত্যাশ্রিত কি অজ কোনো-কোনো কবিতাও আছে নিশ্চয়ই। কিন্তু এই 'সমালোচক' গল্প-কবিতার

বৈধ অস্তিত্বই স্বীকার করেন না, এদিকে রবীন্দ্রনাথের নাম উঠলেই নমো হে নমো। প্রভুর কণ্ঠস্বর শোনামাত্র জিভ দিয়ে কী-রকম ললা গড়তে থাকে সে একটা দেখবার জিনিস। সীতিনাথ পাঠলোভের কথা মনে করিয়ে দেয়। গল্প-কবিতা কী-রকম হওয়া উচিত সেটা দেখবার জেগেই রবীন্দ্রনাথ এ-সব কবিতা লিখেছেন এ-উক্তিও টেকসই নয় যেহেতু এই দৃষ্টান্ত দেখে অথ-কে-কেউ লিখলে সেটা তত্বনি 'কুচুরিপানা' হবে, কেননা তার লেখক তো রবীন্দ্রনাথ নন। পত্রপুট জামলা যে ভালো, এর তো আর কোনো কারণ নেই; একমাত্র কারণ এই যে লেখক রবীন্দ্রনাথ।

আমি নিজে গল্প-কবিতায় অংশ নিয়েই আস্থাবান। সকলেই তা বলেন, এখন পর্যন্ত সেটা আশা করেন; কিন্তু এই ধরনের কাপুরুষ কপটতা ও হাঁটু-ভাঙা স্বাবকতা দেখলে বৈধ থাকে না। বাড়লা কাব্যে এই গদ্য-কবিতার প্রতিষ্ঠা একদিন হবে সকল তর্কের অতীত, এ আমার দৃঢ় বিশ্বাস। অবশ্য কালক্রমে এর নব-নব বিকাশ হবে নতুন কবিদের হাতে; এখনই তো দেখা যাচ্ছে সকলের হাতে গদ্য-কবিতা এক ধরনের বাজছে না। শব্দ অহঙ্করণের প্রাচুর্য দেখে ভীত হবার কিছু নেই; সেটা অনিবার্য ও অবজ্ঞের। গদ্য-কবিতা যে স্বাধী ও মূল্যবান তার একটা প্রমাণ এই যে তার রচনাভঙ্গির প্রভাব পড়েছে আমাদের পদ্যের উপরেও। পদ্যের শব্দ, আশ্ব-সচেতন, ইন্দ্রি-করা পোষাকি ভাবটা ক্রমেই কেটে যাচ্ছে, অনেক এগিয়ে এসেছে যুগের ভাষার দিকে। রবীন্দ্রনাথের সাম্প্রতিক পদ্যে এবং আধুনিক কবিদের পদ্যরচনায় এ-জিনিসটা বিশেষ করে লক্ষ্য করবার।

গদ্য-কবিতা ইংরিজিতে অন্যায়সে বেনে নিতে পারি, কিন্তু বাড়লায় তাকে কিছুতেই আমল দেবো না, এটা আমাদের জাতিগত দাসত্বেরই একটা দৃষ্টান্ত হিসেবে নিতে হবে। ভালো লাগা কি ভালো না-লাগা নিয়েই কথা; ভালো যদি লাগলো সেখানেই তো মিটলো তর্ক। কিন্তু অনেকে হয়তো সহজ ভালো লাগাকে জোর করে ঠেকিয়ে রেখে তাত্ত্বিক

তর্ক তোলে, নাম নিয়ে ঝগড়া বাধান। শ্রামলীর অন্তর্গত 'শেষ পহরে' কি 'বিকৃত' ধীর ভালো না লাগবে, কোনো কবিতাই বোধ হয় তার ভালো লাগে না। এই ধরনের নাটকীয় কবিতা—আমাদের অতিশয় চিত্ত জীবনের ছোট-ছোট ছবি—গদ্য-কবিতায় রবীন্দ্রনাথের ঝোঁকটা খুব বেশি করেই এইদিকে। যেন জীবনের কত ছেঁড়া পাতা বিশ্বস্তির হাওয়ায় উড়ে যেতে-যেতে কবির কল্পনায় আটক পড়ে গেছে। পুনশ্চ পরিশেষ উভয় গ্রন্থই এই জাতীয় রচনার ভাঙার। পলাতকার মত সম্পূর্ণ ও নিটোল গল্প নয়; একটুখানি গল্পকে ঘিরে মস্ত উজ্জল ভাবমণ্ডল। 'সম্ভাবণ' ও 'অকালঘুম' এ দুটি কবিতাও সেই জাতের। 'বাক্যে খুব জানি তাকেও সব জানিনে এই কথা ধরা পড়ে কোনো একটা আকস্মিক', যেমন হঠাৎ চোখে পড়ে প্রিয়ার প্রসাধন কি দেখা যায় তাকে অসময়ে সকালবেলায় ঘুমোতে, এক-একটি আশ্চর্য মুহূর্তে যেন সমস্ত জীবনের সঞ্চিত অভিজ্ঞতা উন্মোচিত। এ ছাড়া, শ্রামলীর লিরিক জাতীয় কবিতা-গুলোর পড়েছে পঙ্ক্তবেলার রোদ-রয়ের ঝিকমিকি; সত্যি বলতে, পুরবী থেকে আরম্ভ করে রবীন্দ্রনাথের বেশির ভাগ গীতিকবিতার মূল কথা হচ্ছে 'মনে পড়ে।'

এ কামা নয়, হামি নয়, চিন্তা নয়, তত্ত্ব নয়,

যত কিছু কাপসা-হয়ে-বাওয়া রূপ,

ফিকে-হয়ে-বাওয়া গন্ধ,

কথা-হারিয়ে-বাওয়া গান,

ভাপহাওয়া স্তবিস্বস্তির ধূপছায়া,

সব নিয়ে একটি মুখ-কিরিয়ে-চলা স্বপ্নছবি...

প্রশান্তি নেমেছে কবির চিন্তে, অতল অকূল প্রশান্তি, দীর্ঘ কবিজীবনের শেষ পুরস্কার। যেন বিকেলের আকাশের বৃক্কের মধ্যে একটি নিশ্চল গভীর দৃষ্টি পাখির মতো ডানা মেলে উড়ে চলে যাচ্ছে;

কবিতা

তোমরা এসেছ তর্ক নিয়ে।

আজ দিনান্তের এই পড়ন্ত বোধে

সময় পেয়েছি একটুখানি;

এর মধ্যে ভালো নেই মন নেই,

নিশা নেই খ্যাতি নেই।

স্বপ্ন নেই, ঘিঘা নেই,

আছে বনের সবুজ,

জলের ঝিকমিক,—

জীবনশ্রোতের উপরতলে

অশ্রু একটু কাঁপন, একটু কমল,

একটু ঢেউ।

আমার এই একটুখানি অবসর

উড়ে চলেছে

কণজীবী পতঙ্গের মতো

স্বর্গাস্তবেলার আকাশে

রঙীন ডানার খেলা শেষ করতে

বুখা প্রশ্ন করেছে না।

এই বিরতি, এই অপরূপ সোনালি অবসর কথা ক'য়ে উঠেছে নানা
স্বপ্নে নানা পরিবেশে কবির সমস্ত আধুনিক কাব্যে। শ্রামলী এর
ব্যতিক্রম নয়। 'আমি' কবিতায় 'ব্যক্তিগত' অস্তিত্বের গণিততত্ত্বের
বিরুদ্ধে ব্যক্তিগত অহঙ্কৃতির অক্ষরগুচ্ছ রঙিন ঐশ্বর্যকে তিনি দাঁড় করিয়েছেন।
এ সমস্ত মুখ্যত আধুনিক। সকল প্রশ্ন তিনি এড়াতে চান, কিন্তু
প্রশ্ন তাঁকে হানা দেবেই, যেহেতু তাঁর মন প্রশান্ত হ'লেও অসাড় নয়,
অতীতের স্মৃতিসঞ্চারিত হ'লেও বর্তমান সযত্নে নিরপেক্ষ নয়। তাঁর
মনীষার তীব্র সচেতনতা এখনো দেখা যাচ্ছে কত নতুন-নতুন কথায় ও
উপমায়ে, কাব্যের কত নতুন প্রকাশভঙ্গিতে, কত নবাগত সমস্তার অঙ্গীকরণে।

কবিতা

মন তাঁর অবিশ্রাম গতিশীল; গীতাঞ্জলির গভীর আত্মস্থতায় এখনো
নিশ্চিত থাকলে এ-প্রশ্ন তিনি করতেন না—

পণ্ডিত বলছেন—

বুড়ো চন্দ্রটা, নির্ভুর চতুর হাসি তার,

সুতানুতের মতো গুড়ি মেরে আসছে সে

পৃথিবীর পাঁজরের কাছে।...

তখন বিরাট বিশ্বভূবনে

দূরে দূরান্তে অনন্ত অসংখ্য লোকে লোকান্তরে

এ বাণী ধ্বনিত হবে না কোনোখানেই—

"তুমি সন্দর"

"আমি ভালোবাসি।"

বিধাতা কি আবার বসবেন সাধনা করতে

যুগ-যুগান্তর ধরে,

প্রলয়-সঙ্কায় জপ করবেন,—

"কথা কও, কথা কও,"

বলবেন, "বলো, তুমি সন্দর,"

বলবেন, "বলো, আমি ভালোবাসি?"

এ-ই তো প্রশ্ন। এবং এ-প্রশ্নের উত্তর রবীন্দ্রনাথের মুখেও আজ নেই।

বুদ্ধদেব বসু

চিঠি-পত্র

মহিলাস,

২৩শে জাহুয়ারী, ১৯০৭।

“কবিতা” সম্পাদক মহাশয় সমীপে—

সবিনয় নিবেদন,

স্বয়ং রবীন্দ্রনাথ যখন বলছেন যে, যেটা কাব্য সেটা পদ্য হলেও কাব্য পদ্য হলেও কাব্য, তখন বিতর্ক শোভা পায় না। এখন কেবল একটি জিজ্ঞাসা থাকে।

রবীন্দ্রনাথের “বিচিত্র প্রবন্ধ,” “ছিন্নপত্র,” “গল্পগুচ্ছ,” “ঘরে বাইরে” ইত্যাদি অসংখ্য গদ্যগ্রন্থে এমন অংশ কি হাজার দশেক নেই যাকে কেটে নিয়ে পদ্যের মত করে ছাপলে আরো পকাশখানা “পুনশ্চ” তৈরি হয়, যাকে তর্জমা করে পদ্যের মত করে সাজালে আরো অনেকগুলি ইংরাজী “গীতাঞ্জলি”!

রবীন্দ্রনাথ কেন, বহুমুখ শরৎচন্দ্র মণীন্দ্রলাল বিজুতিভূষণ অচিন্ত্যহুমার বুদ্ধদেব প্রেসেন্স প্রবোধহুমার প্রভৃতির গদ্য কি স্থলে স্থলে কাব্যের পদ্যে পদ্যপূর্ণ করেনি। সাধারণ জ্ঞানে বহু সহস্র কবিতা কি আজই বাংলা কবিতার চানিকায় সরিষা হয় না।

আমি ত দেখছি পদ্যের অহঙ্করণে সামান্য ছাড়া আধুনিক কবিতার অস্ত্র কোনো বৈশিষ্ট্য নেই যা পুরাতন পদ্যের ছিল না। পদ্যের অহঙ্করণে সামান্যে বলেই এই জিনিষ কবিতা বলে কাটছে, ঐ অহঙ্করণটুকু ছাড়লে এর বৈশিষ্ট্য অবশিষ্ট থাকে না।

কাব্যরসের দিক থেকে বিচার করলে ল্যাম্, লী হাট্, ডি হুইনিস, পেটার, রাস্কিন যত শত প্রবন্ধ লিখেছেন তার অধিকাংশই কবিতা।

কবিতা

অথচ কোনো ইংরাজি কাব্যসম্বলনে তাঁদের দর্শন পাওয়া যায় না। হয়ত ল্যামের ছুই একটি মাঝারি পদ্য দেওয়া থাকে।

“সকায়িতা”র পরবর্তী সংস্করণে আশা করি “বিচিত্র প্রবন্ধ,” “ছিন্নপত্র” ও “গল্পগুচ্ছ” থেকে কিছু কিছু ও “লিপিকা” থেকে বেশী বেশী “কবিতা” থাকবে। ইতি।

বিনীত

লীলাময় রায়

পুনশ্চ—

রবীন্দ্রনাথ “পদ্যকাব্য” নামে একটি কথা ব্যবহার করেছেন। পদ্য বা লেখেন তা কি “পদ্যকাব্য?”

সম্পাদকীয় মন্তব্য :—কবিতা যখন গজ্ঞেও হতে পারে, গজ্ঞেও হতে পারে তখন গদ্য-কাব্য কথাটার বৈধ প্রয়োজন আছে। পদ্যকে পদ্য-কাব্য বললে ভুল হয় না, হয়তো বাহুলা হয়, যদিও পুথিবীতে অনেক পদ্যই দেখা গেছে সেটা কাব্য নয়। এমন অনেকে আছেন যারা সেই শ্রেণীর পদ্যকে অন্যায়সেই কবিতা বলে মানেন, মানেন না লিপিকালে। কিন্তু লিপিকার রচনাগুলি কবিতাই, লীলাময়ের কুট কোটেশন-মার্কী সম্বন্ধে। রবীন্দ্রনাথ নিজের স্বীকার করেছেন যে ওগুলো কবিতার মতো ক’রে সাজাতে চেয়েও শেষ পর্যন্ত সাহসে হুলিয়ে ওঠেনি। অবশ্য সাজানোতে কিছু এসে যায় না। গদ্য কবিতা গজ্ঞের মতো ক’রেই সাজানো হতে পারে, সেই সঙ্গে কবিতাও হতে পারে। ইংরেজি সাহিত্যে এর দৃষ্টান্তের অভাব নেই।

তবে ছিন্নপত্র কি পরমা নথর কবিতা হবে না কেন? হবে না এই কারণে যে ছিন্নপত্র চিঠি এবং-পরমা নথর গদ্য। উভয় রচনাক্ষেই যথেষ্ট কাব্যবস্ত্র আছে, কিন্তু সমগ্র জিনিষটা যে কবিতা নয় এটাও কি বলে দিতে হবে? ল্যাম ডিকুইপির রচনা সম্বন্ধেও সেই কথা। তাঁদের রচনার কবিত্বের অভাব নেই; কিন্তু তাই বলে তা থেকে এমন অংশ হয়তো বুঝ বেশি বার করা যাবে না, যাকে (সাজাবার কাহলা সম্বন্ধে) অভিজ্ঞ পাঠকের একটি কবিতা বলে ভুল হবে। থাকবে না রূপের সম্পূর্ণতা, থাকবে না রসের সমগ্রতা। তাঁদের রচনা থেকে উদ্ধৃতি না দেবার

কবিতা

জন্মে অম্বাফোর্ড বুক অব ইংলিশ ভর্সের সম্পাদককে লেখ দেখা যায় না। * কিন্তু লেখ নিশ্চয়ই দেখা যায় বাইবলের সং অব সংস নেই বলে, হুইটম্যানের ও ক্যাপ্টেন মাই ক্যাপ্টেন ছাড়া বিশেষ কিছু নেই বলে। কেননা সলোমনের কি হুইটম্যানের গান কল্পনায় ও প্রেরণায় সর্বোপরি নির্মাণ-কৌশলে ও রচনা-বিভাগে সম্পূর্ণ ও অবগু কবিতা, এ-বিষয়ে সন্দেহ তাঁরাই করবেন যারা কবিতা বলতে নেহাংই পড়া বোঝেন।

সম্প্রতি ইয়েটস্ সম্পাদিত একটি চরনিকায় ইংরিজি গীতাঞ্জলি স্থান পেয়েছে। ইংরিজি গীতাঞ্জলি আমরা তো কবিতা বলেই জানি, মূলের চাইতে তার মূল্য একটুও কম ধরি না, যদিও বাঙলা রচনাগুলি পড়া, তার উপর গান, এবং ইংরিজিটা পড়া এবং গল্পের মতোই সাধনো। একটা জিজ্ঞাস্তা : ইংরিজি গীতাঞ্জলিকে লীলাময় কি কবিতা বলে মানেন না? হুইটম্যানকে কবি বলে? পাউণ্ড, এলিয়ট, এইচ-ডি, ডি এইচ, লরেন্সকে? পাউণ্ডের টানে কবিতাগুলো কি তাঁর কাছে কবিতা বলে মনে হয় না? যদি হয়, তাহলে ইংরিজিতে যেটা হ'তে পারলো বাঙলায় সেটা হ'তে পারবে না কেন? আর যদি না হয়, যদি তিনি কবিতা বলতে নেহাংই শুধু পণ্য বোঝেন, তাহলে তো এই আলোচনাই কোনো দরকার ছিলো না। এই ডিমক্রেসির যুগে প্রত্যেকেরই স্বীয় মতে অবিকার আছে, সে-মত যদি এও হয় যে ইংরিজি গীতাঞ্জলি কবিতা নয়!

* এ-প্রসঙ্গে এটা অবশ্য উল্লেখযোগ্য যে ইয়েটস্-এর সদ্য-প্রকাশিত অম্বাফোর্ড বুক অব মডার্ন ভর্সের প্রথম কবিতা হচ্ছে শেটহের ধা ডিকি প্রবন্ধ থেকে মোলা লিঙ্গা মথকে বিখ্যাত কয়েকটি লাইন—পদের মতো সাধনো। লীলাময় নিশ্চয়ই সেটা লক্ষ্য করেছেন!

সম্পাদক : বুদ্ধদেব বহু : প্রেমেন্দ্র নির : সহকারী সম্পাদক : সমর সেন
৫ ও ৬ চিত্রাংশু দাস সেন শ্রীধরোদ্র প্রেস হইতে প্রভাতকল্প দ্বায় কর্তৃক মুদ্রিত ও প্রকাশিত।

কবিতা

দ্বিতীয় বর্ষ

আষাঢ়, ১৩৪৪

চতুর্থ সংখ্যা

মুরণ

রবীন্দ্রনাথ ঠাকুর

যখন রবে না আমি মর্ত্যকায়ায়

তখন শ্রুতিতে যদি হয় মন

তবে তুমি এসো হেথা নিভৃত ছায়ায়

যেথা এই চৈত্রেয় শালবন।

হেথায় যে মল্লরী দোলে শাণে শাণে

পুঙ্খ নাচায় যত পাখী গায়,

ওরা মোর নাম ধ'রে কত নাহি ডাকে

মনে নাহি করে ব'সে নিরানায়।

কত যাওয়া কত আসা এই ছায়াতলে

আনমনে নেয় গুয়া সহজেই

মিলায় নিমেষ যত প্রীতি পলে পলে

হিসাব কোথাও তার কিছু নেই।

ওদের এনেছে তেকে কোন্ সমীরণে

ইতিহাস-লিপিসহারা যেই কাল

আমারে সে ভেঙেছিল কতু খনে খনে

রক্তে বাজিয়েছিল তারি তাল।

কবিতা

সেদিন ছুটিয়াছি কীৰ্ত্তি ও খ্যাতি
 বিনাপথে চলেছিল ভোলা মন,
 চারিদিকে নামহারা ক্ষণিকের জ্ঞাপ্তি
 আপনারে করেছিল নিবেদন।
 সেদিন ভাবনা ছিল মেঘের মতন
 কিছু নাহি ছিল ধরে রাখিবার,
 সেদিন আকাশে ছিল রূপের স্বপন,
 রং ছিল উড়ো ছবি আঁকিবার।
 সেদিনের কোনো দানে ছোটো বড়ো কাজে
 স্বাক্ষর দিয়ে দাবী করি নাই,—
 যা লিখেছি বা মুছেছি শূন্যের মাঝে
 মিলায়েছে, দাম তার ধরি নাই।
 সেদিনের হারা আমি,—চিহ্ন বিহীন
 পথ বেয়ে কোরো তার সন্ধান,
 হারাতে হারাতে যেথা চলে যায় দিন,
 ভরিতে ভরিতে ভালি অবসান।
 মাঝে মাঝে পেয়েছিছ আস্থান পাতি
 যেখানে কালের সীমা-রেখা নেই,—
 খেলা করে চলে যায় খেলাবার সাধী
 গিয়েছিছ দায়হীন সেখানেই।

কবিতা

দিই নাই, চাই নাই রাখিনি কিছুই
 ভালোমন্দের কোনো জগাল,
 চলে-যাওয়া বাগানের স্বরা ফুলে ভুঁই
 আসন পেতেছে যোর ক্ষণকাল।
 সেইখানে মাঝে মাঝে এল যারা পাশে
 কথা তারা ফেলে গেছে কোন্‌ টাই;
 সংসার তাহাদের ভোলে অনায়াসে,
 সজাঘরে তাহাদের স্থান নাই।
 বাসা যায় ছিল ঢাকা জনতার পারে,
 ভাষাহারাদের সাথে মিল যার,
 যে-আমি চায়নি কারে স্বপ্নী করিবারে,
 রাখিয়া, যে যায় নাই স্বপ্নভার।
 সে-আমারে কে চিনেছ মর্ত্যকায়ার,
 কখনো স্মরিতে যদি হয় মন,
 ভেঁকো না ভেঁকো না সভা এসো এ ছায়ায়
 যেথা এই চৈতন্যের শালবন ॥

টল্লা-ভুঁংরি

(শ্রীসমর সেন-কে)

তোমার পোস্টকার্ড এল,
যেন ছড়টানা প্রোতে
পিংসিকাটোর আকস্মিক ঘূর্ণী,
রেডিওর এক্যতানে বিস্মিত আবেগ ।

দিন কাটল
যেন জিলহাবিলযিতে ।
গানের কলির অলিতে গলিতে
বাস্ গেল, ক্লাস্ গেল কালের জয়যাত্রায় কেটে ।
জাঁদরেল প্রোফেসরের মাথায় নামূল
বান্ধাতীত কন্মার আকাশে প্রথম করুণার অশীর্বাদ ।
কাব্যেই হল করুণা ; করুণায় কাব্য
সেইদিন প্রথম ।

বিয়ু দে

নামূল সন্ধ্যা,
হৃর্গদেব, এখানে নামূল সন্ধ্যা,
কবিতার সন্ধ্যা
পিলু বারোয়ার সন্ধ্যা ।
একাবার এই স্নান মায়ায়
আগরদুগ্ধের গোখুলিলগে
শুধু নীলাভ একটু আলো এল
তোমার পোস্টকার্ড,
আর এল তোমার স্ট্রেনের অস্পষ্ট দূরাগত ডাক ।
হৃর্গদেব, এর পূর্ববী ওর বিভাসকে অশীর্বাদ করে' চলে'
যাক্ ।
বাসের একি শিঙাডা পৌঁ ।
যন্ত্রের এই থামখেয়াল !
এদিকে আর পচিশমিনিট—
ওরে বিহঙ্গ, ওরে বিহঙ্গ মোর ।
স্বেচ্ছাতন্ত্র ছেড়ে দ্বৈরাচারী উঁমই ভালো,
ইচ্ছার দারিদ্রহীনতা ছেড়ে সংস্কারের বাঁধা সড়ক ।

বড়োবাজারের উপলউপকূলে
 জনগণের গ্রন্থালয়
 উগারিছে ফেনা
 আর বিভিন্ন আর সিগারেটের আর উহনের আর মিলের ধোঁয়া
 আর পানের পিক্
 আর দীর্ঘশ্বাস
 বড়োবাজার গল্পনায়
 বড়োসাহেবের কটা চোখের ব্যঙ্গনায়
 দাম্পত্যমিলনের শান্ত সন্তাননায়
 অপত্যাদিক্যের অহুশোচনায়
 ট্রামের বাসের কারের ফেরিওয়ালার রলরোলে
 এই ক্লাইভ্ ডালহুসি লায়ন্স্ রেলের ডেলিপ্যাসেঞ্জারদের
 রাস্তা নীরবতায়
 তিক্ত গুঞ্জন
 শুধু অস্পষ্ট একটা বিরাট লাগুন্টাট অগুন্ডাজ
 যেন শিশিরভেজা মাটিতে পাতাঝরার গান
 বা যেন একটা বিরাট অতল দীর্ঘশ্বাস
 বড়োবাজারের ক্ষতবিক্ষত কিন্তু অমর আকাশে
 তারায় তারায় কাঁপন লাগে যায় নীড়ে নীড়ে ।

নিতে হল ট্যান্ডি ।
 নতুন প্রিন্টে কি ট্রান্সলাইন পাতবে ওরা ?

হে বিরাট নদী !
 স্টীমারের বাঁশী
 খালানীর গান
 সবপেয়েছির দেশে
 ককেনের দেশে
 যত কিছু বই ছিল সব পড়ার শেষে
 রাস্তা রক্তের বিবর্ণ আবেশে
 স্টীমারের বাঁশী
 আর খালানীর গান !

ট্যান্ডিক্ থমকে দাঁড়ায়, হোট্ট পাথ
 বেতলা, বেহরো, মিলের, কলের, চোঙার ধোঁয়ায়
 পটুনের ফাঁকে ফাঁকে শিরশিরে হাওয়ায়
 আলায়ে বিকিমিকি জলস্রোতে ।
 জনস্রোতে ভেসে যায় জীবন যৌবন ধনমান,
 আশে আর পাশে, সামনে পিছনে
 সারি সারি পিপড়ের সার,

জানিনি আগে, ভাবিনি কখনো
এত লোক জীবনের বলি,
মানিনি আগে
জীবিকার পথে পথে এত লোক,
এত লোককে গোপনসুধারী
জীবন যে পথে বসিয়েছে জানিনি মানিনি আগে
পিপড়ের সারি
অগণন ভিড়াক্রান্ত হে সহর, হে সহর স্বপ্নভারাতুর !

পাঁচমিনিট, পাঁচমিনিট মোটে
কালের যাত্রার ধ্বনি শুনিতে কি পাও
উদ্যম উধাও
ট্রেন এল বলে' হাওড়ায়।

রে স্টক এক্সচেঞ্জের এপারে রেলওয়ের হাওড়া,
তারি মধ্যে বসে আছেন শিবসদাগর
ট্যাক্সির স্বচ্ছন্দে, ট্র্যাকটর এটাক্সিয়ায়।

এল ট্রেন
মহিত করে' রক্তের জোয়ার
আমারই একান্ত মগ্নচৈতন্য মহিত করে',

দেখলুম তোমার রোস-আপ্ মুখ জানলায়,
—একটা হুলি—

শুনলুম যেন ভোরবেলাকার ভৈরবীতে।
হায়রে! আশার ছলনে তুলি!
কোথায় তুমি! ট্রেন ত এল!
কয়লাখনি ধসে' পড়ুক,
ধ্বংসট নাই বা থামল,
ট্রেন ত এল!

তোমার কি অস্থূল হল?
তোমার বাবার?
হঠাৎ দেখি লাব্‌সি
বলে, এই যে, কি খবর,
আমার জন্তে এলেন নাকি?
দিদি আসবে সাড়ুই।

ভেবেছিলুম তন্দ্রালশা সন্ধ্যার গোহুলি ছায়ায়
ট্যাক্সির নিঃসঙ্গ মায়ায়
ট্রেনের ছন্দে স্পন্দিত তোমার হৃদয়ের গানে
হাতে হাত উদ্ধৃতায়
করব সেই চরম প্রকাশ, সেই পরম স্ববনিকামোচন! হায়রে!
—আমার ফাঁকা লিবিডোকে এখন চালাব কোন্‌ খোয়ালের
বাক্য খালে?
কোনু ধ্রুপদী অবদমনের নিদ্রাহীনতায়?

নবজন্ম

হেমচন্দ্র বাগচী

শিশির, দুর্বা, সকালের রৌদ্রে মাকড়সার জালের ঝিকিমিকি—
একটি ছোট মেয়ে কাঁদছে—ওয়া, ওয়া, ওয়া—
পেঁপে গাছের ঢাল-ঢাল পাতার উপরে এসে পড়েছে শীতের রৌদ্র ।
তা'র নীচে থানিকটা বেড়া দেওয়া জমিতে
পালমশাক, সিম, বড়বটির ক্ষেত—
লাউ-এর মাচা থেকে লাউলতা আর পরিপুষ্ট মহুণ লাউ
স্তম্ভারনত রমণীর মত পত্রপল্লবের আবরণে লুকিয়ে আছে ।
বেদিকে চাই, একটি সিঁধ শোভন শ্রামলতা
অস্পষ্টতার আবরণ কাটিয়ে শীতের নীল নির্মল আকাশের নীচে
পাণ্ডুর স্বর্ঘ্যালোকে ঝলমল করে ।

অবনতমূরী পৌষলক্ষ্মী, আর অব্যবহিত প্রাণপ্রাচুর্য্য :
ঝিটা জ্বালাগত বক্ বক্ করে বক্ছে—
কে একজন মানপাতার উপরে
ছোট ছোট বড়ি দিচ্ছেন রৌদ্রে পিঠ দিয়ে,
খেঁজুর রসের জল ছেলেবা বাঘনা ধরেছে
মাঝে মাঝে উদাস উত্তরবায় ব'য়ে চলেছে
অশ্বের জীর্ণ পাতা কাঁপিয়ে ।

মনে হয়, এই চিরউদাসিনী পৃথিবীতে
আবার নতুন ক'রে জন্মেছি—
ধরিদ্রী যেন তাঁর প্রচ্ছন্ন গর্ভাবরণ উন্মুক্ত ক'রেছেন—
তা'রি কাঁকা দিয়ে নীল অব্যবহিত আকাশ
আর পৌষলক্ষ্মীর প্রসন্ন, স্বন্দর মুখ দেখলাম—
জলন্ত সূর্য্যের সিন্দূর-রাগে তা'র খন কেশদাঁড়ি আরক্তিম
পৃথক তাঁর আবরণ উন্মোচন ক'রেছেন,
মনে হ'ল নবজন্ম পেয়েছি ।

“স্বপ্নো নু, মায়া নু, মতিভ্রমে নু”

হেমচন্দ্র বাগচী

প্রতিরাজে আমি হংসপদিকার গান শুনি
বিরহিণী হংসপদিকা—
বহুবল্লভ দুব্যস্তের শুদ্ধান্তবিহারিণী ।
স্বপ্নে আমি চলে যাই কালিদাসের কালে
যখন নদীকান্তারনগরীতে সমাজের সমুদ্র ভারতবর্ষ
কবির কাব্য যখন মেঘলোক থেকে মাটির পৃথিবীকে
প্রিয়ার পদনখের সন্ধে উপমা দিতে অধীর—
স্বপ্নে আমি সেই কালে অবতীর্ণ হই
আর গান শুনি হংসপদিকার—
রাজউপবনে বিরহিণী নারীর মুহু গুণ্ণরণ
মনে হয়, এ স্বপ্ন, না মায়া, না মতিভ্রম !
প্রতি রাজে আমি আমার প্রিয়তমার গান শুনি
প্রোবিতভর্তৃক প্রিয়তমা—
পৃথ্বাতায়নপার্শ্ববর্তিনী কন্যাগী বধু—
স্বপ্নে আমি নেমে আসি আধুনিকের কালে
যখন পীড়াজঙ্ঘর দ্রুত জীবনে অবসর দুর্লভ,

কবির কাব্যে যখন আর প্রিমা নেই
প্রিয়ার পদনখ যখন আর সম্মানিত হয় না কবির কাব্যে
বিচিত্র হৃন্দের উপমা আর অলঙ্কারে ;—
তখন আমি গান শুনি—
ভীত দাসজীবনের গান—
কঙ্করে আর তপ্ত মকবালুকা
দুঃখিনী প্রিয়তমার মুখের রেখা অফন করি
মনে হয়, এ বিরহ, না মিলন, না যুত্ব !

প্রলাপ

হেমচন্দ্র বাগচী

রূপালি জ্যোৎস্নাধারায় কতগুলি পাবী উড়ে গেল—
দূর বনাশুরের দিকে।

অদ্ভুত তাঁদের আলো পড়েছে নারকেলগাছের জিরিজিরি পাতার উপর
রৌপ্যশুভ্র আলো এবং পত্রান্তরালের ঘন অন্ধকারের আল্পনা—
তা'রা কোন্ দেশের পরী, যা'রা এই আল্পনা দেয়?

টেন লাইনের ছ'পাশেই গ্রাম—
ঘন বনের মধ্যে দৃষ্টি চলে না।
পুরোনো ভাঙা ভাঙা বাড়ী
কত পরিচিত অপরিচিত গাছে মেশামিশি
তাঁদের আলো সেই গ্রামের মধ্যে প্রবেশ করেছে।

মাহুব জেগে থাকে না কেউ,
অন্ধকার রাজে হইলু দিয়ে টেন আগিয়ে চলে।
ইল্লিন থেকে আরম্ভ ক'রে
সবস্ত গাড়ীগুলোর উপরে পড়ে
রৌপ্যশুভ্র তাঁদের আলো।

গাড়ীর খাবদান ছায়ায় সন্দেশে সেই আলোও আগিয়ে চলে।
মনে হয়, সারারাত ধ'রে শিশির ঝ'রে পড়ছে
সাহারা মরুভূমিতে
ভূবার্ত মরুভূমি বুঝি সিঙ হ'ল।

পোড়ো ভিটের পাশ দিয়ে
হৃষ্ট চম্ভালোকিত গ্রামের উপর দিয়ে
সর্ষে ক্ষেতের উপর দিয়ে গাড়ী চলে—
তাঁদের আলোর শিঙ রৌপ্যশুভ্র রঙ—
তা'র কাছে যেন সব একাকার হ'য়ে গেছে।

দেবদারু ও চাঁদ

হেমচন্দ্র বাগচী

দেবদারু গাছের পাশ দিয়ে যখন চাঁদ ওঠে
পথ চলেতে চলেতে মনে হয়—কি স্বন্দর !
কোনো স্বন্দরী নারীর মুখও বুঝি অত স্বন্দর নয়—
আর, তরুণী প্রিয়া যখন মুখ রাখে তা'র মুখের পাশে
তখন মনে হয়, চাঁদও বুঝি অত স্বন্দর নয় ;
চাঁদকেও ভোলা যায় না, তরুণী প্রিয়াকেও ভোলা যায় না ।

আদিম দেবতার

জীবনানন্দ দাশ

আগুন বাতাস জল : আদিম দেবতারা তাদের সপিল পরিহাসে
তোমাকে দিল রূপ—
কি ভয়াবহ নির্জন রূপ তোমাকে দিল তারা ;
তোমার সংস্পর্শের মাহুতদের রক্তে দিল মাছির মত কামনা ।

আগুন বাতাস জল : আদিম দেবতারা তাদের বকিম পরিহাসে
আমাকে দিল লিপি রচনা করবার আবেগ :
যেন আমিও আগুন বাতাস জল,
যেন তোমাকেও সৃষ্টি করছি ।

তোমার মুখের রূপ যেন রক্ত নয়, মাংস নয়, কামনা নয়,
যেন নিশীথ দেবদারু দ্বীপ ;
কোনো দূর নির্জন নীলাড দ্বীপ যেন ;

স্থল হাতে ব্যবহৃত হয়ে তবু
ভূমি মাটির পৃথিবীতে হারিয়ে যাচ্ছ ;
আমি হারিয়ে যাচ্ছি স্বদূর দ্বীপের নক্ষত্রের জাহার ভিতর ।

আগুন বাতাস জল : আদিম দেবতারা তাদের বন্ধিম পরিহাসে
রূপের বীজ ছড়িয়ে চলে পৃথিবীতে,
ছড়িয়ে চলে স্বপ্নের বীজ ।

অবাক হয়ে ভাবি, আজ রাতে কোথায় তুমি ?
রূপ কেন নির্জন দেবদাক ধীরে নক্ষত্রের ছায়া চেনে না—
পৃথিবীর সেই মাহবীর রূপ ?
দুল হাতে ব্যবহৃত হয়ে—ব্যবহৃত—ব্যবহৃত—ব্যবহৃত হয়ে—
ব্যবহৃত—ব্যবহৃত—

আগুন বাতাস জল : আদিম দেবতারা হো হো ক'রে হেসে উঠল :
ব্যবহৃত—ব্যবহৃত হয়ে শূন্যের মাংস হয়ে যায় ?

হো হো করে হেসে উঠলাম আমি !—
চারদিককার অট্টহাসির ভিতর একটা বিরাট তিমির মৃতদেহ নিয়ে
অন্ধকার সমুদ্র স্থলীত হয়ে উঠল যেন ;
পৃথিবীর সমস্ত রূপ একটা বিরাট তিমির মৃতদেহের দুর্গন্ধের মত
একটা বীভৎস পাণ্ডাশ সমুদ্রের উদ্ধার উদ্ধার
চূর্ণ বিচূর্ণ হয়ে আর্ন্তনাদ করতে লাগল ।

মুহুর্ত

জীবনানন্দ দাশ

আকাশে জ্যোৎস্না,—বনের পথে চিতাবাঘের গায়ের ঝাণ ;
হৃদয় আমার হরিণ যেন :
রাত্রির এই নীরবতার ভিতর কোন্ নিকে চলেছি !
রূপালি পাতার ছায়া আমার শরীরে,
কোথাও কোনো হরিণ নেই আর ;
যতদূর যাই কান্তের মত বাঁকা টাঁদ
শেষ সোনালি হরিণ-শব্দ কেটে নিয়েছে যেন ;
তারপর ধীরে ধীরে ডুবে থাকে
শত শত মৃগীদের চোখের ঘূমের অন্ধকারের ভিতর ।

পাহাড়ের রহস্য

মিহিরকুমার বসু

চালু পাহাড়খানি
তার চড়াই উৎরাইয়ের ফাঁকে ফাঁকে
দেখছে ভাঙাচোরা জুহুপ্প।
অর দূরে দাঁড়িয়ে আছে শ্রামল বনানী
আকাশের নীলিমাকে সে দিবারাজ বিহ্বল করছে
আপনার রূপের মোহে।
পাহাড়ের পাশ দিয়ে একটা ছোট্ট মেঠো পথ
দিগন্তের উদ্দেশে সপিল পতিতে চলে গেছে,
তার উপর দিয়ে ভোরবেলা লাঙল কাঁধে
একটি ছুটি কৃষাণ মন্থরগতিতে চলে,
যেমন করে চলে জীবনধারা অলসভাবে
সময়ের দিড়ি বেয়ে।

কাল রাতে কিসে যেন পেল আমাকে
শয্যা ছেড়ে উঠে
দাঁড়িলাম বাইরে এসে,

দেখতে পেলাম অস্পষ্ট দৈত্যের মত
দূরে দাঁড়িয়ে আছে পাহাড়খানি
পৃথিবীর বোঝা মাথায় নিয়ে।
হঠাৎ মনে হ'ল যেন রাতের জমাট অন্ধকারে
পাখাণ পাহাড় তার বোঝা মনের দুয়ার খুলে দিল,
বহুগের পুঞ্জিত কথাগুলি
বাতাস বেয়ে ছড়িয়ে গেল আকাশময়,
যেখানে সহস্রকোটি তারা বিরহী পৃথিবীর জমাট অশ্রুর মত
টলটল করছে আপনার ব্যথার ভায়ে।
মনে হোলো রাতের অন্ধকার গ্রাণ পেয়েছে
বহুদিনের পুরোনো কথাগুলির স্পর্শে;
দূর বনানীর পাতায় পাতায় কোন অব্যক্ত বেদনা
শিরশির করে উঠল।

এমনি রাতের অন্ধকারে,
—যখন পৃথিবীর জীবনজ্যোত ধমকে থাকে—
এই পাহাড় থেকে উঠে আসে
সহস্র বৎসরের পৃথিবী
সহস্র বৎসরের নৃপু কথাগুলি ছাড়া পেয়ে
গ্রেতের মত নিঃশব্দে ঘুরে বেড়ায়;

তা'রা স্বপ্ন আনে তারার চোখে,
তা'রা সাড়া তোলে নিখুঁত বনানীর মধুমূলে ।

হঠাৎ চমকে দেখি
আলোর রেখা ফুটে উঠেছে দূর আকাশে,
নীড়ের বাঁধন ছিঁড়ে পাখীগুলি
একটি ছুটি করে বেরিয়ে পড়ছে আকাশে,
যুমন্ত পৃথিবী তার স্বপ্ন ভেঙে নড়ে চড়ে উঠছে ।
হঠাৎ কি শিহরণ যে পাহাড়ের বুকে লাগল,
বন্ধ হল ভথনি তার মনের দুয়ার,
তারারা ভুব দিল সব আলোর স্রোতের তলে,
আর মূখর বনস্পতির দল
কিসের লজ্জায় যেন নীরব হোলো ।
তাকিয়ে দেখি চালু পাহাড়খানি ঝাড়িয়ে আছে
চিরকালের মত নিশ্চল, নিথর ।

প্রতিষ্ঠা

বিমলাপ্রসাদ মুখোপাধ্যায়

করেছি একটা সাংঘাতিক পণ,
শোনো তোমরা ।
বিখ্যাস না হয়, মিছে হেসো না
চুষ্টি করে শোনো ।
দোহাই তোমাদের, তর্ক তুলো না—
তর্কে দেবতা মেলে না ।
সরস্বতীকে ঘরে আনবো
পণ করেছি আমি ।
অপ্রতীত স্বপ্ন মনে হয় ? শোনো তবে—
মরাল-বাহনা দে নয়,
মরাল-গমনা ।
হাতে তার বীণা নেই,—কণ্ঠে আছে মধু ।
বাণী একটু অফুট—হয়তো শুষ্ক নয়,
কেমন যেন জড়িয়ে-বাঁধা ।
তা' হোক,
অফুটনী অধর দিয়ে শোধান করে নেবো ।

...হাসির কথা নয় ।

মভান' মহাদেব হাসেন আপন-ভোলা হাসি,

মভান' গৌরী দেন গালে হাত ।

নবীন তপস্কার সিদ্ধি শুনে

হেসে দেন উড়িয়ে সকল

আশা-জল্পনাকে ।

বলেন—“পাগল ! বামন হয়ে চাঁদে হাত !

স্থির করে রেখেছি যে আমরা

সরস্বতীকে দেবো তারি হাতে—”

—যিনি আসছেন—শীঘ্রই আসছেন

কীরোদ-নাগর পার থেকে ।

গলায় দোলে দিবিল্ সার্বিসের

গজমোতির মালা ।

এক হাতে শাস্ত্রীর বরাভয়-শঙ্খ,

অপর হাতে স্বদেশী কুটনীতির

মন্ত্রচন্দন চক্র ।

আর এক হাতে শস্তর-নিপীড়ন

যৌতুকের গদা—

শেষ হাতে কাল্‌চারের

বিদেশী খেতপদ্ম ।

হায় রে ! আমার শুধুই লীলাকমল ।

চার বনাম এক ।

কিন্তু তোমাদের আশীর্বাদে তাইতেই হয়েছে কাজ ।

অই দেখো—লোভ-রেণু লেগে আছে

সরস্বতীর দেহে, পরিপাণুর কপোলে ।

তোমরা শোনো, যারা হেসেছিলে—দেবী আমার স্তবেই ভুট ।

হবে না ? সিদ্ধি যে আমার কুঙ্কজয়ী ।

বালিদাসের অহংগত শিক্ত—

চায়ের পেয়ালায় স্তোত্রযোগে মিশিয়ে দিয়েছি

বেশ একটু আদিরসের কাঁচ ।

লক্ষ্মীদিদির সঙ্গে আমাদের উভয়েরই কলহ ।

বাপ-মায়ের স্নেহে-মেয়ে তিনি থাকুন গে,

তার জিলোক-পালন হাকিম-স্বামীর বৃক্

কৌশলভমনিরূপে ।

আমরা থাকবো দু'রে দু'রে—বৈকুণ্ঠের উপকণ্ঠে
কমলবনের পাশে—বাগীর গৃহে ।

আগামী শীতশেষেই তাকে যেরে আনবো
পণ করেছি—আর দেবী নয় ।
ইতিমধ্যে কখন কি ঘটে
বলা তো যায় না !
বসন ছুপিয়ে রেখেছি বাসন্তীরঙে
তাতে পড়েছে অমলা শিউলীর
রঙীন ফোঁটা ।
তোমাদের রইলো নিমন্ত্রণ—
হেসো কিন্তু এসো,
যেন ভুলো না ।

বন

লীলাময় বন

মহুয়াবনের মনুমানি
ভালে ভালে হেরক রকম পাখীর কিচিরমিচির শব্দ,
একটু পরে সন্ধ্যা নামে
সবুজের তরঙ্গ দেখানে নীলাকাশের সঙ্গে মিশেছে,
মোহময়, অপকল্প সন্ধ্যা,
শিশির-ভেজা পদ্মের পাণ্ডি-মেলার মতো
সন্ধ্যার উদ্ভাসন ।
তারপর, একেবারেই শুষ্ক গভীর রাত্রি ।
পথে, পথপ্রান্তে, বনমধ্যে
থমে-থমে পড়ে শুষ্কতার চূর্ণ,
অন্ধকার পড়ে কুঁকড় করে শিশিরের সঙ্গে ।

এখন, তুমি আমায় ডাকছো—
কামনার অরণ্যের নিশ্চলতায় ।
তারপর, বনমধ্যে অন্ধকারের শুষ্কতা,

আর রাজির অরণ্যে
কামনার তীক্ষ্ণ সাপের সঞ্চরণ।
ক্রমেই ঘন অন্ধকারে রাত ভরে উঠছে
তোমাকে ঘিরে কামনার উৎসব।
হঠাৎ দেখতে পাই
তাদের সমারোহ চলেছে।—
সামনের রাস্তা থেকে অসুখে আলোর রেখা
সন্ধানী চোখের মতো,
ভূমি বন থেকে বেরিয়ে পড়লে,
তোমার চুলের ছরস্ব গন্ধ
এখনো আমাকে মাতাল করে রেখেছে।
এলামেলো ঝাপটা দিচ্ছে চারদিকে
মহ্যার ছরস্ব গন্ধকেও সে হার মানিয়েছে।

মহুমেট

সুশীলকুমার ঘোষ

কত অশ্রুত অশ্রুর প্রকাশিত ইতিহাস,
হৃদয় বধুর রক্ত আর রক্তের মত লাল সিন্দুর
ভাঙা শাখার ভগ্নতৃপ আর
পুঞ্জীভূত জ্বাট চোখের জল—এই মহুমেট।

রাজার রাজসন্ধান অক্ষর রাখতে
কত সৈনিক নিজেদের করেছে জীবনান্ত
তাদের আত্মার বাদ্যময় সাঙ্ঘনা এই মহুমেট।

মাটি যারা পায়নি, এত শীগির মাটি হতে যারা চায়নি,
কোন অজ্ঞাত কোণে ফেলেছে যারা বজ্রপাকাতর শেষ নিঃশ্বাস,
তাদের স্মৃতিলিত একটি কবর—এই মহুমেট।

এই ইট-কাঠ-পাথর সিমেন্টে,
চাপা দেয়া আছে কত সন্তানের টুকরো, কত বুলেট
গোলাগুলি বিবাক্ত গ্যাস আরো কত কী
—এক কথায়, মহামুন্দের কলঙ্কিত ইতিহাস
তার কালির পশরা মাখায় করে আছে
গর্বোদ্ধত উন্নত এই মহুমেট।

আমি এর পাশে দাঁড়িয়ে শুনতে পাই
সতীনাহত সৈনিকের মৃত্যুযজ্ঞা—
—যার নিঃশব্দ প্রেত এই মহামেট—
আধমন ওজনের জামাকাপড়ের তলায়
যার উষ্ণরক্তস্রোত ক্রমে হয়ে আসছে শীতল ভূহিন,
পিঠে যার বাঁধা আছে জলের 'ফ্লাস্ক'
কিন্তু সামর্থ্য যার নেই হাত বাড়িয়ে তা থেকে জল নেবার,
চোখে যার অস্তিমকালে ভেসে উঠছে
নিরাকার ঈশ্বরের কল্পিত রূপ নয়
—যে ঈশ্বর তার মৃত্যুকালে ঠোঁটে জল তুলে দেয় না—
তার লোন্মুগ চোখে প্রতিচ্ছবিত হচ্ছে
প্রিয়ার সেবাহিনিপুণ রূপ,
প্রিয়ার বিদায়কালীন শেষ চূষন।

জীবনযুদ্ধে অকৃতী সৈনিক আমরা—
আমরাও আমাদের অক্ষমতা,
দৈনিক দৈচ্ছের ইতিহাস,
স্বপ্ন আর অকৃতকার্যতার ভাষায়
লিখে রেখে যাব—
—আমাদের পরবর্তী পুরুষের মহামেট।

সূর্যমুখী

দ্বিজেন্দ্র মৈত্র

আজ তো মেঘে আকাশ ঢাকা,
কার দিকে মুখ তুলে ধরবে তুমি সূর্যমুখী ?
মাটির রসে পূর্ণ হ'ল দেহ
পাপড়িগুলো খুলে গেল ধীরে ধীরে।

উর্দ্ধমুখী হয়ে চেয়ে রইলে পূর্বদিগন্তে
সে মুখ ঢলে পড়লো পশ্চিমের দিকে
তবুও সূর্য্যামনে শুচি হ'ল না দেহ
মাঝে মাঝে তুফান বৃকের ভিতর উঠে ধরথরিয়ে কেঁপে।

অপলকে চেয়ে রইলে পশ্চিম আকাশে,
যদি কখনো ছিন্ন মেঘের ফাঁক হ'তে
তোমার বৃকের পরে এসে পড়ে শেষ রক্তিম দাক্ষিণ্য
সমস্ত দিনের প্রতীক্ষা সার্থক হবে, এই কামনা।

বাঁশী

দ্বিজেন্দ্র মৈত্র

কুয়াশা জড়ানো শেষরাতে, সুরা ত্রয়োদশীর
নিভে আসা চাঁদের পাণ্ডুর হাসি যখন ছড়িয়ে আছে,
এমন সময় বেজে উঠলো বাঁশী, কলের বাঁশী
যুমন্ত সহরের শেষ প্রান্তে, সুরকীর মিলে।

আচমকা যুম ভেঙে বুকের ভিতর কঁপে উঠলো।
প্রভাহ এমনিই বাজে, হুলীদেব যুম ভাঙানো বাঁশী।
নিশীথ নগরীর প্রাশান্তিকে ছিন্নভিন্ন ক'রে
রক্তাক্ত নখরে বিদীর্ণ ক'রে বেজে চলেছে বাঁশী।

এমনি ক'রেই কলের বাঁশী রোজ বেজে ওঠে
প্রভাতের সূচনায়। হুলিরা জেগে ওঠে।
না—না—পারবুম না। নিষ্ঠুর বাঁশী, তুমি থামো
তোমার যুমভাঙানো, তীক্ষ্ণ, শাবিত সুর থামাও।

এ তো বাঁশী নয়, বেন জলন্ত গলিত আগুনের স্রোত
কানের মধ্যে দিয়ে আত্মার প্রবেশ করছে
দগ্ধ করছে, জালিয়ে দিচ্ছে সমস্ত শরীরকে,
অব্যক্ত বেদনায় সমস্ত শরীর নীল হয়ে আসছে।

আমার শেষরাতের স্বপ্নকে তুমি বিস্মৃত কোরো না
এখনো তো স্বপ্ন ওঠেনি, একটু ঘুমোতে দাও।
তোমার নিষ্ঠুর স্বরে আত্মাকে আর নির্ঘাতন কোরো না
রাতের গভীরে তাকে একটু বিশ্রাম দাও।

পূর্ব আকাশে পাণ্ডু বিবর্ণতা ফুটে উঠছে ধীরে ধীরে
এখনই জেগে উঠবে সহর উন্মাদ কোলাহলে।
নিষ্ঠুর বাঁশী! তুমি থামো, থামো, করুণা করো
তোমার ও যুমভাঙানো পৈশাচিক সুর থামাও।

প্রার্থনা

সুদীপ্তনাথ দত্ত

হে বিধাতা,
অতিক্রান্ত শতাব্দীর পৈতৃক বিধাতা,
দাঁও মোরে ফিরে দাঁও অগ্রজের অটল বিশ্বাস।
যেন পূর্বপুরুষের মতো
আমিও নিশ্চিন্তে ভাবি, ক্রীত, পদানত,
তুমি মোর আজাবাহী দাস।
তাদের সমান
মৃত্যুর কূপে মোরে চিরতরে রাখো, ভগবান।
কমঠবৃন্দের অহঙ্কারে
ঢাকো অশ্রুতদ্রবতা। তাদের দৃষ্টান্ত-অহুসারে
আমিও ধরাকে যেন সরা জ্ঞান করি।
মর্যাদার ছিদ্রিত গাগরি
জোড়ে যেন বারম্বার ডুবে আত্মপ্রসাদের স্রোতে।
রৌদ্র জ্যোতি হতে
আবার ফিরাও মোরে তমসার প্রভু দায়ভাগে।

যুগধরা হাড়ে যেন লাগে
উরুপৃষ্ঠ জ্যেষ্ঠদের তৈলসিক্ত মেদ;
মরে যেন উদ্বন্ধনে অপজ্ঞাত হৃদয়ের খেদ ॥

পিতৃপিতামহদের প্রায়
তোমার নামের গুণে তীর্ণ হয়ে দশম দশায়
মৃঢ়, যুক গড্‌ডলেয়ে দিই যেন বলি
রক্তপিপাসিত যুগে।
বাচাল বিজ্ঞপে
ছকারিলে হুবৃন্তের উদ্ধত দণ্ডালি,
গুহুজ্ঞানদের মতো করি যেন সাষ্টাঙ্গ প্রণাম
শক্তির উজল পায়ে; আত্মির সংক্রাম
কেটে গেলে কালক্রমে জনাকীর্ণ রাজপথ থেকে,
ক্ষীত যুগে অপ্রতিষ্ঠ পৌরুষেরে বেড়ে,
হাসিমুখে হাত নেড়ে
পলাতক স্বেচ্ছায়েরে ডেকে,
প্রমাণিতে পারি যেন সবি তব ইচ্ছা, ইচ্ছাময় ॥

এলে পরে লাভের সময়,
সদসংনিষ্কিচারে, সকলি তোমার দান বলে,

নিঃশ্বর শ্বেদাক্ত কড়ি হাতারে কৌশলে
আমিও জমাই যেন বক্ষসংরক্ষিত কোথাগারে ।
শ্রুতিধর মাদ্রাতার উজ্জির উদ্ধারে
দুকায়ে ইন্দিয়াসক্তি ; অবিস্মৃত জন্মের জ্বলালে
বিধায়ে সর্কার সৌধ ; জলে, স্থলে, নভে
বিরোধের বীজ বৃনে ; নিরস্তুর নিকাম প্রগবে
ভগবান্ধ্য গভিগীর রিন্ন অন্তকালে
তোমার প্রক্তিভূ সেজে উন্নরক স্বর্গের আশ্বাসে
সাধারী সঙ্গতি যেন করি ।
উজ্জ্বল উৎসবের উদ্যায়ী উচ্ছ্বাসে
তোমারে পাশরি,
দাম্ভণ দুর্দিনে যেন পূজা যেনে বিশ্বের শুধাই,
“স্বরণে কি নাই,
“দয়াময়, আশ্রিতেই স্বরণে কি নাই ?”

ভগবান, ভগবান,
অতীতের অলীক, আত্মীয় ভগবান,

অভিব্যাপ্ত আবির্ভাবে আজ
আমার স্বতন্ত্র শৃঙ্খল করে ছুঁমি আবার বিরাজ ।
শব্দনির স্থাননিবারণে
শব্দস্থান কুরুক্ষেত্রে মায়াবাদ ভনে
সূচ্যগ্রমেদীনীলোভী যুগ্মস্বরে ক্ষমিতে শেবাও
অপরের অপঘাত । তুলে নাও,
আমার রথাস্বরজ্জ্ব, হে সারথি, তুলে নাও হাতে ।
স্বার্থের সংঘাতে
বিতর্ক, বিচার হানো । মর্মে মর্মে, মজ্জায় মজ্জায়
জাগাও অত্মায়, শাঠ্য । হিংস্র অলঙ্কার
পুণ্যলোক সগোত্রের তুল্য মূল্য দাও দাও মোরে ।
অগ্রকট সত্যতার জোরে
আমার অস্তিম যাত্রা অতিক্রমি স্বদেশের বাধা
হয় যেন নন্দনে সমাধা,
যেখানে প্রতীকারত স্বরস্বন্দরী
স্বকৃতির পুরস্কারে পায়ে চেলে অমৃত মরিচা,
নীবাবদ স্থলে,
ভয়ে আছে স্বপ্রাণিত কল্পতরুসূলে ॥

কবিতা

কিন্তু যেথা সূঁচিল নিষেধ
স্বপ্নচ্ছের উপজীব্যে সাধে আত্মবেদ
প্রমিত্তির বিষবৃক্ষে, অমিত্তির অচিন্ত্য অভাবে ;
অন্তরঙ্গ জনতার নিবিড় সন্ধ্যাবে
হয়নি বাসোপযোগী অত্যাধি যে-নিস্তাপ মরু ;
পশুপতি বাজায় ভুমক
মোর গোষ্ঠীপতিদের নাচায়নি যার জিলীমায় ;
নিরালস্য নিরালোকে যেথা
দেবদ্বিজপ্রবর্তিত ত্রিশঙ্কু রিমায়,
মৌনের মন্ত্রণা শোনে মৃত্যুবিজলজ নটিকতা ;
সেখানে আমার তবু বিছায়ে না অনন্ত শয়ান,
হে ঈশান,
লুপ্তবশ স্বপ্নীনের করিত ঈশান ।

কবিতা

অনন্ত

ছায়া দেবী

যেদিন তোমার দেখেছিলাম,
মধুময় দিন ছিলো জীবনে ।

সকালের মেঘ-ভাঙা
স্পর্শ-কোমল বর্ষার আলো
উদ্ভাসিত করেছিলো
তোমার মুখটি,
প্রতিভাসিত হয়েছিলো
দে আঁখো-আলো-আঁখারের মায়া
আমার মনের নিবিড় পরতে ।

অপগত কতদিন
তবু তো মরিন হলো না—
সেই মেঘুর আলো,
মনের মজুযাঘ তোলা আছে এখনো
সোনালী আঁখরে লেখা

কবিতা

শরপের গন্ধ ভারাক্তর
ভুঞ্জিগজ্ঞানি ।

এখন তুমি কতদূরে !
থাকবে কি শুধু পুঁথির পুঁজি ?
উত্তল মনের বিরল স্তব্ধতায়
মধুরিয়ে উঠবে সেই বিজন স্মৃতি ?

কবিতা

শিকারী

জ্যোতিরিন্দ্রনাথ মৈত্র

দূরে দেখি পাহাড়ের শিবিরে
উদ্ভাত নখরের বিঘ,
শাদৃশ-পুচ্ছের পীত বিহ্বল
লেলিহান ঘাসের চুড়ায় ।
গন্ধ আর পাইনের পায়ে জড়ানো
ঠাণ্ডা পাইথনের দড়ি ।

পাহাড়ীরা বাসা থেকে
ছুঁড়ে দেয় আকাশের হাতে
ধোঁয়া আর আগুনের হুন্টা ।
জানি না কি প্রতিশোধ নেবে
তারি এই মাংসাশী সন্ধ্যায় ।
ঘন ঘন মাদনের শব্দে
রক্ত-পিপাষ বারুড়েরা
অন্ধকারের ভানি নাড়ে ।
ধম্বনে ভারী ছায়াবের
দেয় ডাক প্রেতলোক থেকে ।

হে রাইফেলধারী !
সাঁইজিশ সনের, হে
কোটালকুমার,
জীবনের দুঃশাকে
সন্ধ্যার ফুটপাথে
নিলে কুড়িয়ে,—
দুর্বার ঘুঘার আবেগ,—
ধাবমান ট্যান্ডার বেগে,
বনিয়াদী মোটরের বাজী,
টয়লেট পাউডারগন্ধী,
মরীচিকা-মুখের, মুখর
চকিত ছাতির মোহে,
হিমালয় অভিবানে ক্রান্তি,—
হে কোটাল-পুত্র,
নির্দোষিত শেখ প্রহরের
ক্লান্ত নাগরিক—
মরা ছুটো হরিণ শাবক
আর, পাখরের মত সব,
গুলিবদ্ধ পাখীদের,

থড়পোরা পদ্ম প্রাণ
ভোলাবে তোমায়,
থামাবে কি হত্যার বেগ
ঘণামুদ্র পাশবিক কুটিল শিরায় ?

নগর দিয়েছে তাই ছুঁড়ে,
কুদপিও হতে,
আশ্বেয়গিরির মত ।
তাই ত আমার পথ
বিশাল বনের,
ওক্ আর পাইনের নীচে,
সাঁথসঁথে আর মরা পাতার বৃকে ।
মাথার উপরে স্বগভীর,
মাকড়সা জালে ভরা
শাখা প্রশাখার,
কেনিল সমুদ্রের ফাঁকে,
ছোট ছোট আকাশের
নীল দীপ টানে অহরহ,
সাসির মত,
কোন অন্ধ পতনের দিকে ।

কাল দেখি সন্ধ্যার আলোতে,
 কুন্তে-পাওয়া নীল প্রজাপতি,
 বসেছে বন্দকের ঠোঁটে,
 মৃত্যুর মধু তাকে টানে।
 আর দেখি মনে পড়ে বুনো সন্ধ্যায়,
 রক্তাক্ত হরিণ শাবক।
 নরম ফলের মত,
 তার ছুটো চোখের মণির
 ধারালো প্রস্রবন স্বর,
 পাতাদের বুক ছুঁড়ে আকাশেতে ঠেকে।

তাই আজ অন্ধকারে
 নীল প্রজাপতি ওড়ে
 ঘুরে ঘুরে মাখার ভিতর,
 রক্তমাখা হরিণের চোখ ছুটো জলে,
 অরিসুও কাঁপে হত চোখ।
 পশুদের মাংসপিণ্ড পোড়ে,
 আগুনের বিসর্গিল পেশী
 ঘিরে রাখে বুনোদের মূখ।
 অদৃশ্য, কালো, সরীসৃপ,
 বৃকের ধূসর ঘন শীত
 গুলে দেয় রাতের বাতাসে।

চৈত্র-চূর্ণি

জ্যোতিরিন্দ্রনাথ মৈত্র

যখন অন্ধকারের উপর পা ফেলে ফেলে
 তোমার কথাগুলি আসে,
 অমাবস্তার রাত্রে
 শ্রোতের মুখে পা ভাসিয়ে দেওয়া
 ছোট ছোট জ্বলন্তিভির মত,
 তখন আমি প্রসাধনের ভিড়ে
 জড়ো করছি,
 নতুন নাগরের বৈজ্ঞানিক ইমারা,
 যখন অন্ধকারের পিঠে ভর করে
 তোমার শাপগুলো আসে।

বৃহন্নায়ক পড়েছি।
 প্রজাপতির দ্বিতীয় গেল জুটে।
 প্রজাদের জুটলো,
 কালো পর্দার আড়াল
 আকাশ থেকে মাটিতে।
 তার দুই পাশে,
 আত্মরক্ষা আর আত্মহত্যার শ্রোত,

আমি আর তুমি,
সাম্যবাদ আর ব্রতচারী নৃত্য,
বিধানিদ্রা আর নৈশভ্রমণ— ।
তবু বৃহদারণ্যক পড়ছি,
আর কালো কালো,
পর্দামেরা মুখগুলি
হুহাতে ঠেলে ঠেলে,
পথ করছি ।

উৎসবের কুয়াশা ত শেষ হল ।
এখন পড়লো শীত ।
সাধারণ ও মাধ্যমিক হবার ঋতু ।
জাপানী ট্রের উপরে,
জাপানের ভূত-তাড়ানো মুখ,
নির্গুন দেয়ালগুলোয়
জুঁক দৃষ্টি ফেলে ।
এখন, করুণ কথল জড়িয়ে,
নিভন্ত চুকটের ছাইগুলো
হুঁ দিয়ে উড়িয়ে দিই,—
অতগুলো মার্বেল পাথরের মত

চক্চকে,
খলনশীল,
বিশ্বাসঘাতক
মুখের ছাই ।

হে বিহারিণী কাব্যের কবি,
তোমার হাজার হুঁ পাওয়ারের
ডানার নীচে,
এ ভয় যেন থাকে,
পৃথিবীর আবহাওয়া
তোমায় টানছে
অজস্র অপমৃত্যু দিয়ে ;
তোমার বেশমের মত নরম
জাপানী চঙের ওড়ার পেছনে
আন্তর্জাতিক সৈন্সদলের সজীন— ।
অনেকেই ইতিমধ্যে
নেমে পড়েছেন,
উটপাখীর পরাতিক দলে ।
কিন্তু এটা জ্বলো না,
মাহুগুলো নিতান্তই মাহুগ,
হে বিহারিণী কাব্যের কবি ।

অখ্যাত নায়ক

সমর সেন

বাসের সামনে ভিবিরিয়া ভিড় করে ;
হাওয়ায় মেঘের শব্দ
আর বৈশাখের বৃষ্টিতে ভেজা অপক্লপ সহর ।
মোটারের নীচে দেখে শনিবারের বিলাস,
হর্নে বা আকস্মিক শব্দে
চকিতে ভোলে অমর আত্মার গাভীর্ঘ্য,
মুহুর্তে মুখর রাস্তা পারাপার করে ।
রসিদ শামাদের কথা অমৃত সমান,
পরদীকাতর চোখ মেলে অস্পষ্ট দেখে
মাঠের অন্ধকারে প্রেমিক কিরিলির ভিড়,
আর ব্যর্থতায় বিরল দিনগুলি কাটে ।

গভীর শব্দে সহরের উপরে আকাশ কাঁপে,
নীচে বিবর্ণ বৃষ্টি,
আর হৃদয় ঘাসের মাঠ ।
বৃষ্টির শেষে বিষল শান্ত ইন্দ্রধনু,
তবু বায়ে বায়ে মনে হয়—
এখানে হাওয়া নেই,
মাটির উপরে গ্রীষ্মের পাতাগুলি কঠিন পাথর ।

এখন মুক্ত পৃথিবীর সঙ্গে

বুদ্ধদেব বসু

এখন মুক্ত পৃথিবীর সঙ্গে, এই পৃথিবীর ।
একটিকে আমি, অত্রটিকে তোমার চোখ স্তব্ধ, নিবিড় ;
মাঝখানে আব্বাবাকা ঘোর-লাগা রাস্তা এই পৃথিবীর ।

আর এই পৃথিবীর মানুষ তাদের হাত বাড়িয়ে
লাল রেখা আঁকতে চায়, তোমার থেকে আমাকে ছাড়িয়ে
জীবন্ত, বিযুক্ত সাপের মত তাদের হাত বাড়িয়ে ।

আমার চোখের সামনে স্বর্গের স্বপ্নের মত দোলে
তোমার ছুই বুক ; কল্পনার গ্রন্থির মত খোলে
তোমার চুল আমার বুকোর উপর ; স্বপ্নের পাখির মত দোলে

আমার হৃৎপিণ্ড ; আমরা ভয় করবো কাকে ?
আমরা তো জানি কী আছে এই রাস্তার এর পরের বাঁকে—
সে তো তুমি—তুমি আর আমি ; আর কাকে

আমরা দেখতে পাবো ? আমার চোখে তোমার দুই বুক
স্বর্গের স্বপ্নের মত ; তোমার বকের উপর উত্তপ্ত, উৎসুক
আমার হাতের স্পর্শ ; কুল ছাপিয়ে ওঠে তোমার দুই বুক

আমার হাতের স্পর্শে, যেন কোনো অক্ষ অদৃশ্য নদীর
বরশ্রোত ; তার মধ্যে এই সমস্ত দ্রবস্ত পৃথিবীর
চিহ্ন মুছে যায় ; শুধু এই বিশাল অন্ধকার নদীর

তীর আবর্ত, যেখানে আমরা জড়ি, আমরা এক, আমি
আর তুমি—কী মধুর, কী অপরূপ-মধুর এই কথা—
তুমি—তুমি আর আমি ।

নবযৌবনের কবিতা

মাহুষের জীবনে নবযৌবন স্বভাবতই বিদ্রোহের কল্ল। এত বড় পতিত
কোনো মাহুষই বোধ হয় নেই যার জীবনে যোগ্য থেকে হুড়ি বজরের মধ্যে
ফণিকের জঙ্ঘেও কোনো মহৎ প্রেরণা কি কল্পনা আসেনি। আমাদের দেশের
পেশদানওয়ালা বৈয়াক্য বৃদ্ধদের দেখে একথা মনে আনা শক্ত ; কিন্তু খুব
সম্ভবত এই ইন্ডেস্ট্রিয়েটের বস্তাগুলোও বয়সসন্ধিকালে একবার কোনো ভাবের
আগুনে জ্বলে উঠেছিলেন। সাধারণ মাহুষের সবদেই যখন এই কথা, তখন
কবিপ্রকৃতিতে নবযৌবন যে হবে আগুনের বজ্রার মত সেটা আশাই করা
যায়। সাধারণ মাহুষের জীবনে সেই ফণিক ও দুর্বল ক্ষুদ্র এক ফুঁয়েই
নিবে যায়, তারপর ভুঁড়ি দেখা দেয়, শরীরের মেদ আর ব্যাধের খাতা এক-
যোগে ক্ষীত হয়ে উঠতে থাকে। নয়তো নানা সংগ্রামে আঘাতে বিকোভে
হতভাগ্য জীবননৈসর্গিক কোথায় যে তলিয়ে যায় তার চিহ্নই থাকে না। আর
কবির উদ্দাম নবযৌবনের বিদ্রোহ ক্রমে বিফল হয়ে দানা বাঁধে, হয়ে আসে
গভীর ও গভীর ; হয়তো গ'ড়ে ওঠে শান্তি সকল বিরোধ বিকোভ ছাপিয়ে,
হয়তো পড়ে কোনো নবনির্মিতের ছায়া। যে-কবির দীর্ঘকাল বাঁচবার
শৌভাগ্য হয়েছে তাঁর প্রথম ও শেষ বয়সের রচনা পাশাপাশি পড়লে এইটাই
আমরা দেখতে পাই।

এই বিদ্রোহের রৌক বিভিন্ন কবিতা বিভিন্ন পথ নেয় ; কিন্তু মোটের
উপর কতগুলো লক্ষণ প্রায় সমান থাকে। পারিপার্শ্বিক জীবনে ও সমাজে
যা-কিছু অসুখের ও অশুভ, ক্ষুৎসিত ও নিষ্ঠুর, তার বিরুদ্ধে : নিজের মধ্যে যত
জটিলতা ও বিরোধ, তার বিরুদ্ধে : ধর্মের, সমাজের ও সাহিত্যের অন্ধ
সংস্কারের বিরুদ্ধে : আর সেই সঙ্গে প্রচলিত কাব্যরীতি ভেঙে-চুরে নতুন রূপ
ও রীতির-রচনা—কবিকিশোরের প্রথম বিদ্রোহ-বজ্রার গতি দেখা যায় এসব
দিকে। কিছু হয়তো থাকে আত্মশযা, কিছু হয়তো কেনা, কিন্তু প্রেরণা

যেখানে সত্যিকারের, যেখানে বিশিষ্ট কবি-দৃষ্টি নিঃসর রীতির সঙ্গে সংযুক্ত, সেখানে আমরা প্রকারে সঙ্গে স্বীকার করি, স্বীকার করে খুঁজি হই।

সমর সেনের কবিতায় ('কয়েকটি কবিতা': কবিতা-ভবন: পাঁচমিকা) এই বিষয়োহের ভাব ও ভঙ্গি স্পষ্ট। প্রথমে রীতির কথা বলি। তাঁর কবিতা গদ্য, এবং কেবলই গদ্য। আমার ধারণা ছিলো, পঞ্চরচনায় ভালো দখল থাকলে তবেই গদ্যকবিতায় স্বাচ্ছন্দ্য আসে, কিন্তু সমর সেনের মধ্যে এর ব্যতিক্রম দেখলুম। তিনি গদ্যে ছাড়া লেখেননি, এবং কখনো লিখবেন এমন আশাও আমার নেই। এখানে এটা বিশেষ করে উল্লেখ করবার যে তাঁর গদ্য ছন্দ বাঙলা ভাষায় সম্পূর্ণ স্বতন্ত্র ও নতুন বস্তু। রবীন্দ্রনাথের বা অজ্ঞ কোনো কবির গদ্যছন্দের সঙ্গে তার কিছুমাত্র সংশ্লিষ্ট নেই। আমরা রবীন্দ্রনাথের প্রভাব থেকে মুক্ত হওয়ার কথা বলি; অর্থাৎ এটা আমরা ধরেই নিই যে রবীন্দ্রনাথের প্রভাব আধুনিক বাঙালি কবির প্রচেষ্টায় প্রথমটায় অন্তত অনিবার্য। কিন্তু এই যুবক-কবি রবীন্দ্রনাথের প্রভাবে কখনোই পড়েননি, সেটা আমার আশ্চর্য লাগে। 'কয়েকটি কবিতা'য় রবীন্দ্র-কাব্য থেকে বিভিন্ন পংক্তি প্রায়ই উদ্ধৃত হয়েছে; কিন্তু তার পিছনে আছে বিজ্ঞপের স্বর। কথটা আশা করি কেউ ভুল বুঝবেন না। বিজ্ঞপটা রবীন্দ্রনাথকে নয়; যে-প্রশাস্তি ও বিশ্বাস, যে-তপস্বিনীমূলত মনোভাব রবীন্দ্র-কাব্যকে গঠন করেছে, বিজ্ঞপটা তার উদ্দেশ্যে। 'মরিতে চাহি না আমি স্বপ্নের ভুবনে', কি 'বৈরাগ্যসাধনে মুক্তি পে আমার নয়' রবীন্দ্র-কাব্যে এই হচ্ছে সব চেয়ে বড়ো বিরোধ-বাণী। সেই সময়ে ও-কথা বলতে পারাতেই ছিলো কবির দুঃসাহস ও প্রতিভা, কিন্তু তার পরে আরো অনেক বছর তো কেটে গেছে; এখনকার জীবন নতুন ও ভিন্ন সমাজ নিয়ে কবির উন্মুগ চিন্তকে মথিত করছে। বাঙলা কবিতায় যে সত্যত্বের ইতিহাস এতদিন চলে এসেছে তার মধ্যে এই নতুন কবি কোনো অবলম্বন খুঁজে পাননি; গোড়াতে, অন্তত, সেই ইতিহাসের বিরুদ্ধেই তাঁকে বিরোধ করতে হয়েছে। সেইজন্যই ঘন-ঘন উদ্ভুতি ও ব্যক্যাজি।

এই ইতিহাসটা কী? আমি নিজেও সেই ইতিহাসেরই অন্তর্গত; মোটামুটি তার গতিটা বুঝতে পারি। সৌন্দর্যের অহত্ব ও প্রকাশ, কবিতা বলতে তো আমরা এই বুঝি। এর পটভূমিকায় আছে শেলি

কীটস, ব্রাউনিঙ টেনিসন, তা ছাড়া উপনিষদ আর বৈষ্ণব কাব্য। সৌন্দর্যের উন্নতোপে ও উপলব্ধিতে নিঃসর ভিতরে যত বাধা, যত মানসিক প্রলোভন ও দুর্বলতা তার বিরুদ্ধে আক্রোশ ও বিরোধ; একদিকে মহৎ ও রোমাঞ্চকর প্রেরণা, অন্ধারিক পক্ষিগণ ও ক্ষুদ্র কামনা—এই আত্মবিরোধের তীব্র যন্ত্রণা ও সেই কারণে প্রবীর উপর অভিসম্পাত। আমি যে 'বন্দীর বন্দনা' লিখেছিলাম তার মূল কথাটা ছিলো এই।

নিঃসর কথা উল্লেখ করতে হ'লো: পাঠক মার্জনা করবেন। যে-রকম বয়েসে সমর সেন এই কবিতাগুলো লিখেছেন, সেইরকম বয়েসেই আমি 'বন্দীর বন্দনা'র কবিতাগুলি লিখেছিলাম; এই দুই নব্যযৌবনের কাব্যমনে-মনে তুলনা করতে ভালো লেগেছিলো। ইতিমধ্যে আট-দশ বছর কেটে গেছে; বেশির হাওয়া আরো কিছু বদলেছে; তুলনায় এইটেই দেখা গেলো যে 'কয়েকটি কবিতা' অনেক বেশি 'আধুনিক'। 'বন্দীর বন্দনা'র বিরোধে সম্পূর্ণ ব্যক্তিগত, 'কয়েকটি কবিতা'র বিরোধের উৎস সামাজিক বিরোধ ও শ্রেণী-সংঘর্ষ। নিঃসর মস্তির জড় সমর সেন ব্যস্ত নন, বিধাতাকে অভিযাণ দেবার জ্ঞাত ও কখনো তাঁর কাব্যে টেনে আনেননি। সৌন্দর্যের উপলব্ধির পথে যে-বাধা সেটা তাঁর পক্ষে আত্মবিরোধ মোটেও নয়; সেটা বৃহৎ সমাজ-স্বার্থের সঙ্গে ক্ষুদ্র শ্রেণী-স্বার্থের বিরোধ। 'মরিতে চাহি না আমি স্বপ্নের ভুবনে': কবি মনের কথাই তো এই। অপরূপ এই পৃথিবী; কিন্তু সমর সেনের আধুনিক দৃষ্টিতে এই সৌন্দর্য অথক কি অস্বপ্ন নয়। ধর্মিকের নোভ তাকে মোরেছে, তাকে নষ্ট করেছে রোগ ও দুর্ভিক্ষ, তাকে পক্ষি করেছে স্থূল, নির্বোধ যথাবিস্তৃত, তাকে বিস্মৃত করেছে আধুনিক নগর-জীবনের বণিক-শক্তির ব্যতিচারী প্রতাপ আর তারই সঙ্গে হাড়-বের-করা দারিদ্র্যের নির্লজ্জ রাণি—এক অন্ধ, অবিপ্লব অর্থনৈতিক ব্যবস্থার বর্তমান মানবজীবনের ভারদায় গেছে উশে। এখানে সৌন্দর্য আসবে কেমন করে?

কবিতা

কিধা আমাদের মান জীবনে ভূমি কি আসবে
হে রাস্তা উর্ধ্বশী,
চিন্তনরত্ন সেবাসদনে যেমন বিষয় মুখে
উর্ধ্বের মেয়েবা আসে ;
কতো অতৃপ্ত রাত্রির ক্ষুধিত রাস্তা
কতো দীর্ঘশ্বাস,
কতো সবুজ সকাল তিক্ত রাত্রির মতো,
আর কতো দিন !

উপরে যা বলেছি, হয়তো একটি কাঁচা শোনাতে পারে। আমার (কি, আশা করি, সমর সেনের) বলবার কথা কখনোই এ নয় যে মানবসমাজ আজ এই অর্থনৈতিক দুর্ভাবস্থায় নিম্নোক্ত ব'লে কবি তাঁর নিজস্ব ভাবমণ্ডল সৌন্দর্য্যকে উপলব্ধি করতে পারবেন না। সমতাই নির্ভর করে কবির দৃষ্টিভঙ্গির উপর। মুষ্টিমেয় প্রতাপশালী দ্বারা বৃহৎ সমাজের শোষণ এ-পর্যন্ত পৃথিবীতে চিরকালই চলে এসেছে; মধ্যযুগে হয়তো তার রূপ আরো ভয়াবহ ছিলো। কিন্তু প্রায় সকলযুগেই এমন কবি দেখা দিয়েছেন, যিনি জীবনের সমগ্র ও চিরন্তন মূল্যকে দেখেছেন; স্থানীয় ও সাময়িক ঘটনায় আবদ্ধ হ'য়ে থাকেননি। তাহ'লেও এটা সত্য যে কবিও তাঁর যুগেরই স্থিতি; সমসাময়িক সামাজিক ও অর্থনৈতিক অবস্থা, তা ছাড়া কবির নিজের ব্যক্তিগত জীবন, অচেতনভাবেই তাঁর কাব্যের রক্তমাংসকে গুঁড়ে তোলে। এ তো খুব সোজা কথা যে রানি এলিজাবেথের সময়ে ইংলণ্ডের শক্তি ও সমৃদ্ধি আছে তখনকার কবি-নাট্যকারদের গীতি-উচ্ছ্বাস ও বলশালী বেপরোয়া পৌরুষের মূলে; উনবিংশ শতকে যন্ত্রের বহল প্রচলন ও বিরাট সাম্রাজ্যত্বাপনের ফলে ইংলণ্ডের ধনোৎপাদন ও প্রজ্ঞাসংখ্যা প্রচণ্ড বেগে বাড়ানো সম্ভব হয়েছিলো ব'লেই ভিত্তিহীন কবিদের মধ্যে দেখতে পাই জীবনের কতগুলো মূলস্ফুটে এমন হৃদয় প্রশান্ত বিশ্বাস। ইংরিজি সাহিত্যে যন্ত্রের পরে কিছুকাল দেখলুম স্বপ্ন-ভদের ব্যাধি; নিমোঁশ, শূন্য অবিশ্বাস; তার খেতে কারণ ছিলো। আবার অভেন প্রভৃতি অতি-আধুনিকদের কাব্যে লেগেছে নতুন স্বর: বর্তমান সময়ে গড়পড়তা মাছের জীবনের শূন্যতা, দীনতা ও রানি সম্পূর্ণ উপলব্ধি করেও তাঁরা

কবিতা

হতাশ নন, তাঁদের মধ্যে আছে আশা, আছে নতুন ও হৃদয় পৃথিবী-রচনার আকাঙ্ক্ষার তীব্রতা। তারও কারণ আছে।

২

বাঙলাদেশের বিংশ শতাব্দীর এই তৃতীয় দশকে যে-কবির যৌবনের উদ্বেগ হ'লো, কতগুলো জিনিসের প্রতিক্রিয়া তার মধ্যে প্রবল হওয়াই স্বাভাবিক। সে দেখবে তার চারদিকে মধ্যবিভক্ততার ঠাসা দেয়াল; তার যৌবনের উদ্ভামতা যেদিক দিয়ে বেরোতে চাইবে সেদিকেই যা থাকবে। ভালো পাশ করবে, সম্ভব হ'লে আই-সি-এস-এ ঢুকবে, নয়তো অল্প কোনো বড়ো চাকরি বাগিয়ে আমলারাজ্যের উজ্জ্বল মণি হ'য়ে রায়বাহাদুরি গোপালিতে জীবনের অবদান করবে, তার পরিবারের ও সমাজের এই-তো উচ্চমত আদর্শ। তার পারিপার্শ্বিক একেবারে বেখাপ্পা, এমনকি প্রতিফল, তার মনের আগ্রহ উদ্দীপনাকে ধ্বংস করতে সচেষ্ট। সহরে সে দেখবে বৈশ্ব আদর্শের একছত্র আধিপত্য; অর্থদ্বীতির কোনো উপায়ই অত্যাধ মনঃপ্রত্যেকেই নিম্ন-নিম্ন স্বার্থের সংরক্ষণ ও সম্প্রসারণে ব্যস্ত; ছোট-ছোট গণ্ডির রক্ষিত স্বার্থের বাস্তবের বহুর দৈহিক ও আত্মিক বিনাশ। আর দেখবে বড়ো-বড়ো নীতিকথার আড়ালে লাপটাত ও বৈরাচার, যৌন বাসনার বিকৃতি ও অবমাননা, নিরানন্দ যান্ত্রিক কাজের নিষ্পেষণ আর নিরানন্দ স্ত্রীব্যস্তোপের রাস্তা। কোনোখানে কোনো বড়ো আদর্শ নেই, নেই মাছের দেহ-মনের সহজ কৃষ্টি। সমস্তটা জীবন যেন এক কঠিন নিষ্ঠুর পিস্টলের অস্থব্ধতার ক্রীতদাস। স্ত্রী-পুরুষের প্রণয়ও তা থেকে মুক্ত নয়।

একটি মেয়ে

আমাদের ভিত্তি চোখের সামনে
আজ তোমার আবির্ভাব হোলো :
স্বপ্নের মতো চোখ, হৃদয়, তবু বৃক্ষ,
রক্তিম ঠোঁট যেন শরীরের প্রথম প্রেম,
আর সমস্ত দেখে কামনার নির্ভীক আভাস ;

কবিতা

আমাদের কলুহিত দেহে
আমাদের হুর্দল ভীকু অস্তরে
সে উজ্জল বাসনা যেন ভীকু প্রহার।

এই সামাজিক পরিবেশে কবির উন্মীলিতমান যৌবন পীড়িত হবেই, এবং সেই পীড়া থেকে তার কাব্য হয়তো একবারে মুক্ত হবে না। সময় সেনের কবিতায় এই অহুত্ববোধ খুব বড়ো একটা জিনিস। নাগরিক জীবন আমরা আরম্ভ করেছি অনেকদিন; কিন্তু আমাদের কাব্যে এ-পর্যন্ত বেশির ভাগই পাওয়া গেছে রাখাল-বালকের চোখে পল্লীপ্রকৃতির ছবি। নগরের জীবন ও প্রকৃতির খণ্ড-খণ্ড ছবি কি উল্লেখ কোনো-কোনো আধুনিক কবিতে থাকলেও, এতখানি সমগ্রভাবে আধুনিক নগর-জীবন সময় সেনের কবিতাতেই প্রথম ধরা পড়লো। সময় সেন সহরের কবি, কলকাতার কবি, আমাদের আজকালকার জীবনের সমস্ত বিকার, বিক্ষোভ ও ধ্বংস প্রান্তির কবি। ঠিক যেন সহরের সুরটি ধরা পড়েছে তাঁর ছন্দে।

মহানগরীতে এলো বিবর্ষ দিন, তারপর আলকাংরার মতো রাতি

আর কতো লাগি সাড়ি আর নরম বুক, আর টেথিকাটা মস্তক মাছয়,
আর হাওরায় কতো গোলাব্রুকের গন্ধ,
হে মহানগরী!

যদি কোনোদিন কৰ্মহীন পূর্ণ অবকাশে বসন্তবাতাসে
—মূল আর কলেজ হোসো শেষ, লাইড লিট জনহীন,
দশটা-পাঁচটার দীর্ঘখান গিরেছে খেমে,

সন্ধ্যা নামলো :

মাস্ক-মাস্ক সবুজ গাছের নরম অঙ্গপদ শব্দ,

দিগন্তে জলন্ত টাড, টাংপুরে ভিড়;

কাল সকালে কখন সূর্য উঠবে!

কলোয়া আর কলের বাঁশি আর গণোয়িয়া আর বসন্ত

কবিতা

বরা! আর ছড়িক
শুবন্ত বিধে অমৃতত পুরাঃ—

('নাগরিক')

মান হ'য়ে এলো কামালে
ইভনিং-উম-প্যারিসের গন্ধ—

সে সহর হে ধ্বংস সহর!

কালিঘাট ব্রিজের উপরে কখনো কি স্তনতে পাও

লম্পটের পদধ্বনি

কালের বাতায় ধনি স্তনিতে কি পাও

হে সহর হে ধ্বংস সহর!

লুক লোকের ভিড়ে যখন তুমি নাচো

দশ টাকার কেনা কয়েক প্রহরের হে উর্কপী,

তখন শাড়ীর আর তাড়ির উল্লাসে,

অসুতের পূতের বুক চিত্ত আশ্বাসা

নাচে বস্ত্রধার

আর দিগন্তে জলন্ত টাড ওঠে

হে সহর হে ধ্বংস সহর।

('দুর্গ হ'তে বিলাস')

এই কথাগুলোতে আছে সহরের উজ্জ্বল তোলাপাড়ের প্রতিধ্বনি; আছে তিক্ততা, আছে বিতৃষ্ণা, আছে বিরোধ; আছে বহিষ্ক-সভ্যতার চাপে নীরস্ত মাহুষের হতাশা আর উন্মত্ততা আর প্রাণ্ডি: আর আছে দিগন্তে জলন্ত টাডের ইনারা—সেটা অগ্রাহ্য নয়।

৩

সময় সেনের রচনায় একটি মতেজ হৃদয় যৌবনকে আমি দেখলুম, তাকে আমার শ্রদ্ধা জানাই। বাঙলাদেশে আজ যেন যৌবনের বড়ো অভাব; পৃথিবীর সবচেয়ে বড়ো বে-অনাস্তি—“practical young men”—ভাদেরই সংখ্যা এদেশে আজকাল যেন হয় বেশি। জীবনের যে সময়টা অসম্ভব ও আজগুবি কল্পনার, সে-সময়টাকেই যারা নিজের মনকার চুলচেরা হিসেব করতে

কবিতা

বসে, তাদের ভবিষ্যতের কথা ভাবলে আতঙ্ক শিহরিত হ'তে হয়। ভালো পাশদেনেওয়ানা হ'লেই আই-সি-এস কি পারতপক্ষে বি-সি-এস-এর চেটা: তারপর ব্যবসাদারি বিবাহ, মাছের বাজারের মতো দরদস্তুর ক'রে যতটা সম্ভব বেশি আদায়ের চেটা—বৈশ্বমনাভাব আমাদের বিবাহকেও বিখাত করেছে। তারপর আস্তে-আস্তে সেরা পাশকরনেওয়ানারা যখন বড়ো চাকরিতে ভিত্তি বসেন—এমন একটা সর্গী, স্বার্থপর, বুদ্ধিহীন সম্প্রদায় তাঁরা গ'ড়ে তোলেন, যা হয় আমাদের জীবনের যে কোনোরকম বিকাশের অতি বড় বিরোধী শক্তি। আমাদের দেশে যেন ঘোঁবনই নেই: আমরা বড়ো হ'য়ে জন্মাই, যদিও সাধারণত বড়ো না-হ'য়েই মরি।

এরই মধ্যে 'কয়েকটি কবিতা'য় বিদ্রোহী নবযৌবনের দেখা পেলাম। প্রচলিত সামাজিক ও অর্থনৈতিক ব্যবস্থার বিরুদ্ধে এ-বিদ্রোহ নিশ্চয়ই নতুন নয়; কিন্তু বাঙলাভাষার কবিতায় স্পষ্ট ও তীব্র হ'য়ে এ-প্রতিবাদ এই প্রথম বাজলো। প্রথমদিককার কবিতাগুলো একটু যেন অস্পষ্ট; সেখানে টিক হুরটাই আমরা শুনি, কিন্তু সে-স্বর বিশেষ কোনোখানে যেন নিয়ে যায় না। স্বরে ধরা পড়েছে হঠাৎ মনের এক-একটা বোঁক; এবং সেই স্বর একটা বিশেষ জিনিষ। কেননা সে-স্বর সময় সময়ের নিজস্ব সৃষ্টি। বাঙলা গল্পছন্দকে যে-রূপ তিনি দিয়েছেন, সেটা আর কারুরই নয়; তিনি আবিষ্কার করেছেন এই ছন্দের অভিন্ন ধর্ম ও প্রতিধ্বনি। এ-গল্প টিক গল্প কি প্রবন্ধের গল্পই নয়; এ একেবারেই আলাপ জিনিস, প'ড়ে মনে হয় এ যেন বিশেষরূপেই কবিতার বাহন। 'কয়েকটি কবিতা' রইখানা ছোটো, কবিতাগুলোও ছোটো-ছোটো, একটি ছাড়া প্রায় সমস্তই কয়েকটি লাইনে পর্যাবসিত। কবিতার এই রূপটা এত নতুন যে প্রথমটায় আশ্চর্য লাগে। এবং এই ছোটো রইখানার মধ্যেই আছে মন্বর কিন্তু স্পষ্ট পরিণতির আভাস। যেটা বলেছিলুম অস্পষ্টতা, সেটা কাব্যের রূপটাকে দখলে আনবার চেষ্টার প্রাথমিক অবস্থা, তা ছাড়া কিছু নয়। অল্প পরেই দেখা যায়, দখল পাকা হয়েজে, তখন দেখতে পাই ভিতরকার কথাটা ছন্দের লীলার ঝাঁক-ঝাঁকে চাপা আলোর মত বিজ্জ্বলিত। শক্তিশালী তরুণ কবি প্রথম উজ্জ্বলের বোঁকে যে-আতিশয্য ক'রে থাকেন—এবং যে-আতিশয্য অবশ্যই মার্জনীয়, এমন কি শ্রদ্ধেয়—অবাক হ'য়ে দেখছি

কবিতা

এই রচনাগুলিতে তার কিছুমাত্র আভাস নেই। প্রায় প্রথম থেকেই এই পরিণত আত্মপ্রত্যয়ের ভাব শক্তিশালী কবিতাও বিরল। সেটা আছে ব'লেই সময় সময়ের প্রভাব আদিকের ও ভাবের উভয় দিক থেকেই নতুন উজ্জ্বলের মধ্যে তো খুবই বেশি, কখনো-কখনো প্রতিষ্ঠানবান কবিতাও দেখা যাচ্ছে—যদিও তাঁর রচনা ছাপার অক্ষরে বেক্ষেদে ঘোটে ছ'বছর ধরে।

এ-কথাও বলবো যে সময় সময়ের পরিণতির এটা প্রথম পরিচ্ছেদ মাত্র। আরো অনেক কিছু তাঁকে করতে হবে। 'কয়েকটি কবিতা'র রচনা-গুলো যেটামুটি এক ধরণের; অনেক কথার, বিশেষণের ও উপমার পুনরুক্তি দেখা যায়। সেটা অবশ্যই দুখ্য নয়। বিশেষ কতগুলি কথার পুনরুক্তি স্বকীয় প্রতিভারই ফল। কিন্তু পরিবর্তন সরকার; পরিবর্তনের ভাঙচোরাতেই তো পরিণতি ও নতুন গঠন। কোনো কবি হয়তো একটা কাব্যরূপ একবার পেয়ে যান—তারপর সেটারই মাঝে আনক হ'য়ে পড়েন, তারপর স্বক হয় নিজের অস্বকরণ। এটা বড়ো শোচনীয়। বাঙলা কাব্যে এর চমৎকার উদাহরণ 'রবীন্দ্রকীর' যতীন্দ্রনাথ সেনগুপ্ত। নিজের সৃষ্টিকে ছাড়িয়ে যেতে না-পারলে বড়ো কিছু করা যায় না; এর শ্রেষ্ঠ উদাহরণ রবীন্দ্রনাথ। সময় সময়ের এখন একটা মোড় নেবার সময় হয়েছে। যা তিনি এখন পর্যন্ত করেছেন, তা থেকে ছুটে বেরিয়ে তাঁকে যেতেই হবে। লখ্য কবিতা তাঁকে লিখতে হবে; ছোটো-ছোটো রচনার নিজস্ব মূল্য বড়টাই বোঁক, তাতে গঠনের ক্ষেত্র কম, এবং বড়ো কাব্যে গঠনশক্তি খুব একটা বড়ো জিনিষ।

অনেক, অনেক ঘুরে আছে মেঘমল্লির মহাঘর দেশ,
সমস্তক্ষণ সেখানে পথের দুধারে ছায়া বেলে
দেবদারুণ দীর্ঘ রহস্ত,
আর ঘুর সময়ের দীর্ঘধাস
রাত্রের নির্জন নিঃসঙ্গতাকে আলোকিত করে।
আমার স্মৃতির উপরে স্বরূপ মহা-কৃপ,
নামুক মহাঘর গন্ধ।

(‘মহাঘর দেশ’)

কবিতা


মদনভন্দের প্রার্থনা


মাস্তমের দীর্ঘরেখা দিগন্তে,
ভাষাজের অদ্বুত শব্দ,
দূর সমুদ্র থেকে ভেসে আসে
বিষন্ন নাবিকের গান।
সমস্ত দিন কাটে হৃৎশব্দেব-মতো ;
রাজে ধূসর প্রেম : কুহুমের কাবাগার।
কতো দিন, কতো মন্থর দীর্ঘ দিন,
কতো গোপুলি-মন্দির অক্ষকাহ,
কতো মহুবাতি রভসে গোড়াহু,
আজ যুদ্ধালোকে দাও প্রাণ
দূর সমুদ্র থেকে ভেসে আসে
বিষন্ন নাবিকের গান।


—সমস্ত বই থেকে সব-চেয়ে-ভালো কয়েকটি লাইন উদ্ধৃত করলাম।
গভীর ছন্দটা নিখুঁত ; পর-পর কয়েকটা জোঁরালো রেখায় ফুটে উঠেছে গভীর
ইন্দ্রিতময় ছায়াছবি। আশা করি যে-নাবিকের গান কবির কানে এসে
পৌঁচেছে, তার টান টান কাব্যকে নিয়ে যাবে দূর সমুদ্রে, জয় করবেন তিনি
নতুন কল্পনার উপনিবেশ, বাঙলা কাব্যকে দিগন্তবিহারিণী করবেন ডেউয়ের
ধাক্কায় আর কাড়ের ঝাপটায়। স্বাভাবিকতার প্রভাব চিহ্নমাত্র নেই এমন কবি
আজ একজন যখন দেখা গেছে, ক্রমে-ক্রমে আরো দেখা যাবে নিশ্চয়ই—
ভাদের ভাব ও ভঙ্গি, বিদ্যমরন্ত ও দৃষ্টি সবই হবে অম্লরুকমের। আর এইদিকেই
ধ্বনি পরিণতি হয় (এবং মনে হচ্ছে যেন তা-ই হবে) তাহলে বাঙলা কাব্যে
সম্পূর্ণ এক নতুন দিন বেশি আর দূরে নয়। বাঙলা কবিতার ভবিষ্যৎ সম্বন্ধে
খুব বড়ো আশা হচ্ছে।

সম্পাদক : বুদ্ধদেব বসু : প্রোগ্রেসিভ মিস্ত্রি : সহকারী সম্পাদক : সন্দর ঘোষ :

০ ও ৩ চিত্তামণি দাস লেন গুপ্তার প্রেস হইতে প্রভাতকাল রায় কর্তৃক মুদ্রিত ও প্রকাশিত।







କବିତା

ଦ୍ଵିତୀୟ ବର୍ଷ

ଅକ୍ଷିତ ନନ୍ଦ